

說文解字注箋

說文解字第十一

上

金壇段玉裁注

番禹徐灝箋

二十一部 六百八十五文 重六十二

凡九千七百六十九字

文三十一


新附

灑準也北方之行象灑水竝流中有微陽之氣也凡

水之屬皆从水

式軌切

注曰準古音追上聲此以疊韻爲訓釋名曰水準也準平物也天下莫平於水故匠人建國必水地水之文與三卦畧同○箋曰管子水地篇曰水者

萬物之準也釋名曰水準也準平物也此古篆蓋  
作象形易橫爲直以與偏旁相配也古讀若追  
上聲今潮州人語尙然



西極之水也从水八聲爾雅曰西至汭國謂之四

極府巾切

汪曰釋地曰東至於大遠西至於邠國南至於濮  
鉛北至於祝栗謂之四極釋文邠本或作豳說文  
作汭同許意西極邠國必以汭水得名言水必先  
汭與邑部言地先鄴善皆自西而東如禹貢之先  
弱水黑水也南都賦汾汭輶軋李善汭音八引埤  
蒼汭大聲也此假借別爲一義其音亦可讀如邠

河

水出敦煌塞外昆侖山

敦原本作焯今從段正

發原注海从

水可聲

呼哥切

注曰敦錯作燉鉉作焯皆誤今正唐朝乃作燉煌見元和郡縣志前此皆作敦煌地理志郡國志皆有敦煌郡明之沙州衛今甘肅之安西州敦煌縣玉門縣皆漢郡地也漢書西域傳曰河有兩源一出蔥嶺一出于闐于闐在南山下其河北流與蔥嶺河合東注蒲昌海一名鹽澤潛行地下南出於積石爲中國河云地理志曰金城郡河關縣積石山在西南羌中河水行塞外東北入塞內至勃海郡章武入海過郡十六行九千四百里按于闐今

之闕也積石山今甘肅西甯府西南境之大積石也昆侖山卽馬班所云出蔥嶺于闐天子案古圖書名其山曰昆侖者也

泐

澤在昆侖下从水幼聲讀與焮同

於糾切

注曰西山經不周之山東望泐澤河水所潛也郭景純酈善長皆云卽史漢之鹽澤一名蒲昌海

涑

水出發鳩山入於河从水東聲

德紅切

注曰北山經曰發鳩之山涑水出焉東流注于河水經注濁漳篇曰漳水又東涑水注之涑水西出發鳩山東流注于漳按說文云入於河與水道不合又但云出發鳩山不言發鳩所在郡縣蓋許所

據山海經作凍水出焉東流注于河故許仍舊立  
文若依水經注則凍入濁漳濁漳徑入海不入河  
發鳩山在今山西潞安府長子縣西五十里按方  
言瀧涿謂之霑漬瀧涿亦曰瀧凍又爾雅楚辭有  
凍雨王云桑雨也



水出廣漢剛邑道徼外南入漢从水音聲

轉牟切

汪曰地理志廣漢郡剛氏道此作剛邑蓋誤志曰  
涪水出徼外南至墊江入漢過郡二行千六十九  
里過郡二者廣漢巴郡也墊江縣屬巴郡按剛氏  
道徼外蓋在今四川龍安府松潘廳境內地舊松  
潘衛也徼東有小分水嶺涪水出焉東南流經龍

安府之平武江油彰明三縣又經綿州又經潼川府之三臺射洪遂寧三縣至重慶府之合州城南嘉陵江合渠江自東北來會合流至重慶府城北人大江合州漢之墊江縣也嘉陵江卽西漢水也許云南入漢謂入嘉陵江也水經云涪水出廣魏涪縣西北南至小廣魏入於墊江蓋舉稍近言之○箋曰嘉陵江源出鳳縣東北之嘉陵谷經兩當縣徽縣至略陽縣會西漢水南流至合州西漢水源出秦州嶓冢山經禮縣西和縣至略陽縣與嘉陵江合涪水自西北來亦會於合州合州卽漢之墊江縣治其水古謂之墊江故水經云涪入墊江

志云涪水至墊江入漢疑入江之誤段謂嘉陵江  
卽西漢水未免牽混此西漢水卽禹貢所謂嶓冢  
導漾東流爲漢者其水本由略陽東入陝西寧羌  
州過漢中興安二府至湖北武昌府入江其後略  
陽寧羌之閒水道中斷而西漢水遂入蜀會嘉陵  
江至合州入江後人以寧羌東流者謂之東漢水  
而入嘉陵江者爲西漢水職是故也此涪水南入  
漢當作入江蓋淺人依漢志改之餘詳後漾冢下

漢水出廣漢梓潼北界南入墊江墊段訂从水童聲

徒紅切

注曰墊各本作墊今正前志廣漢郡梓潼縣五婦



山馳水所出南入涪行五百五十里水經曰梓潼水出其縣北界西南入於涪又西南至小廣魏南入於墊江按五婦山卽今保寧府劍州西北五十里之五子山潼水出其西東南流經梓潼鹽亭至射洪縣之獨坐山入涪江今謂之潼江射江瀾江許云南入墊江卽謂涪江涪之下流至合州也漢志墊江縣應劭音徒浹反孟康音重疊之疊衣部襲重衣也巴郡有墊江縣此縣爲嘉陵江渠江涪江會合之地水如衣之重複故曰墊江淺人乃譌作昏墊之墊觀應孟之音則知漢書字固从衣也若今忠州之墊江縣則漢巴郡臨江縣地與漢襲

江相距甚遠又按地理志水經之羌水下合白水亦謂之墊江蓋昔人以其委名其源也

**江水出蜀湔氐徼外嶓山入海从水工聲**

古雙切

注曰前志湔氐道禹貢嶓山在西徼外江水所出東南至江都入海過郡九行七千二百六十里今本九作七行七千作行二千今依徐鍇所引正過郡九者蜀郡犍爲巴郡南郡長沙江夏廬江丹陽廣陵國也湔氐徼外嶓山卽禹貢岷山封禪書謂之瀆山李膺益州記謂之羊膊嶺今松潘廳北二百三十里大分水嶺是也

**沱江別流也出嶓山東別爲沱从水它聲**

徒何切

注曰禹貢岷山導江東別爲沱地理志蜀郡郫下曰禹貢江沱在西東入江汶江下曰江沱在西南東入江皆謂梁州沱也於南郡枝江曰江沱在西東入江謂荊州沱也導江之東別爲沱自當謂梁州者水道提綱曰江至灌縣曰都江分爲二派其南流者正派也其東流經郫縣新繁成都新都金堂南經簡州資陽資縣富順至瀘州復入江者沱江也按此郫之沱耳汶江之沱尙當在其上流未審今何水○箋曰大江源出松潘廳邊外岷山西南流經茂州卽漢汶山郡汶江縣治有孟董溝雜谷水自西北來會班氏汶江下所云江沱在西南

者當卽指此然非東別爲沱之謂也自茂州西南  
流至灌縣乃分二派其東至瀘州入江者乃名沱  
耳汶江安得又有沱乎自瀘州下至枝江亦無所  
謂沱此皆孟堅之誤也臣鉉等曰沱沼之沱通用  
此字今別作池非是

**浙**江水東至會稽山陰爲浙江水折聲  
旨熱切

注曰會稽郡山陰今浙江省紹興府山陰縣是其  
地今俗皆謂錢唐江爲浙江不知錢唐江地理志  
水經皆謂之漸江江至會稽山陰古曰浙江說文  
浙漸二篆分舉劃然後人乃以浙名冒漸蓋由二  
水相合今故道不可考矣○箋曰水經云漸水出

三天子都北過餘杭東入於海酈注云山海經謂之浙江郭璞曰三天子鄞山在新安歙縣東今謂之玉山浙江出其旁齊氏召南水道提綱云今浙水北源徽港亦曰新安江其源有四一出徽州府歙縣西北與黟縣相連之黃山卽古黟山今日林厯山也按下文云漸水出丹陽黟南蠻中東入海源委皆合水經注謂漸卽浙是也許君誤分爲二耳至浙江卽錢唐江更無二水段氏復強分之又大江無入浙之道自班志始誤而水經因之許亦承其誤竊謂禹貢三江旣入指江漢合流與豫章江並入彭蠡而言其自彭蠡出而分流則導水但

有北江中江而無南江後人以餘姚入海爲南江者非也詳見通介堂經說

**澦水出蜀汶江徼外東南入江从水我聲**

五何切

注曰此篆當作澦各本誤作澦今正水經注云呂忱曰澦水出蜀許慎以爲澦水也从水我聲俗改澦爲澦非是集韻類篇皆云澦或作澦前志汶江下曰澦水出徼外南至南安東入江過郡三行三千四十里又蜀郡青衣下曰禹貢蒙山谿大渡水東南至南安入澦師古曰澦音哉按南安今嘉定府治附郭縣曰樂山是也蜀郡汶江縣今茂州治是其地漢志青衣縣下有太渡水而無青衣水蓋

今之青衣水班所謂大渡水也今之大渡河班所謂澱水也凡水以互受而名亂舉如是矣大渡河自北而西而西南而東而東北曲行千五百里班云過郡三者蜀郡越嶲犍爲也云行三千四十里三或二之誤凡唐宋史云大渡河者皆謂地理志之澱水卽司馬相如傳之沫水○箋曰今各本水經注並引呂忱曰澱水出蜀許慎以爲澱水也从水我聲趙氏一清曰澱乃澱之誤道元故引說文以正之段氏徑改說文澱作澱以就已說反謂今本作澱者爲俗改乖繆甚矣其云今之青衣水卽班所謂大渡水今之大渡河班所謂澱水則是也

此孟堅之誤今青衣江源出蘆山縣東伏牛山西  
南流經雅州府折而東南經名山縣南會蒙山水  
至洪雅夾江二縣又經峨眉縣東境會三峩水至  
嘉定府西合大渡河入大江許云汶江徼外與滿  
氏徼外文同一例前志泚水載汶江縣下失之後  
志及水經竝作汶江道是也據說文水經孟堅以  
沫水誤爲泚水而泚作泚則又字之誤耳泚水卽  
今青衣水謂之泚者以其來自峨眉而名之也

**瀨**水出蜀都縣虎玉壘山東南入江从水前聲一曰

手瀨之

段訂作瀨半  
瀨也子先切

注曰前志蜀郡縣虎玉壘山瀨水所出東南至



江陽入江過郡三行千八百九十里又廣漢郡縣  
竹縣紫巖山縣水所出東至新都北入雒又雒縣  
章山雒水所出南至新都谷入湔按過郡三者蜀  
郡廣漢犍爲也湔水縣水雒水三水互受通併水  
經云江水又東過江陽縣南雒水從三危山東過  
廣魏雒縣南東南注之是卽漢志之湔水兼縣雒  
至江陽入江者也三危山蓋卽漢志之玉壘山水  
經以雒爲湔江陽今四川瀘州縣虎玉壘山當在  
松潘衛境內一日手滌之當作湔半滌也水經注  
引字林云一日半浣水也此妄增水字今正半滌  
者滌衣不全濯之僅濯其垢處曰湔今俗語猶如

此此相沿古語如云湔裙是也○箋曰漢絲虜縣  
今汝山縣地後漢志作絲虜道應劭曰虜音斯水  
道提綱曰沱水自灌口東會絲維諸水而南支港  
縱橫皆沱江也亦曰湔江亦曰郫江灝按漢志蓋  
言其源此言其委今汝山縣西北境有水數道並  
入灌口不知孰爲湔水之源其自灌口東至焦沙  
尾有絲維諸水從漢州西北來會自此南流至瀘  
州卽古之江陽尙五六百里而水經言江水過江  
陽洛水從三危山東過廣魏洛縣南東南注之其  
誤明矣廣魏蓋廣漢之譌廣漢郡卽今漢州也酈  
注亦謂經曰出三危山所未詳段云三危山卽玉

壘山當在松潘境非也又段改手作半非是說見

後涑篆下

沫水出蜀西徼外東南入江从水末聲

莫割切

注曰蜀謂蜀郡不言何縣者未審也沫水卽泚水  
兩列之蓋許有未審水經曰大江又東過健爲武  
陽縣青衣水沫水從西南來合而注之又青衣水  
出青衣縣西蒙山東與沫水合至健爲南安縣入  
江又曰沫水出廣柔徼外東南過旄牛縣北又東  
至越巂靈道縣出蒙山南東北與青衣水合東入  
於江按武陽南安二縣接壤南安今嘉定府治附  
郭縣曰樂山是也○箋曰據桑欽說今大渡河卽

沫水也大渡河亦名陽江源出邛州大邑縣西北境之霧沖園覺諸山西南流經大小金川司會打箭鑪之瀘河折而東南會越嶲河至嘉定府城西與青衣江合入大江水經又云沫水過旄牛縣北語小有誤旄牛卽今清溪縣其北境無水蓋南之譌耳又云東至越嶲靈道縣出蒙山南東北與青衣水合東入於江則大舛此本謂沫水會越嶲河與青衣水合入江因靈關縣舊隸越嶲郡後人遂誤認會越嶲河爲至越嶲靈道縣又因其地有蒙山而以爲出蒙山南皆妄加增竄不知蒙山乃青衣水所自出安得云與青衣水合其靈道縣則靈

關道之譌也胡氏謂不察其誤以爲廬山縣有靈  
關山當爲沫水之所經而趙氏一清亦承其誤今  
爲正之至段氏改泚爲洩以爲卽沫水尤謬說已

見前

**澗水出犍爲涪南入黔水从水盃聲**

烏魂切

注曰犍依王氏宋本从木作犍隸釋漢碑犍爲皆  
作犍爲涪當作符今正地理志犍爲郡符下云澗  
水南至鬻入黠水黠水亦南至鬻入江黔卽黠也  
水經曰江水又東過枳縣西延江水從牂柯郡北  
流西屈注之枳縣今重慶府涪州治與涪陵縣接  
壤今涪州城東北有黔江南自貴州合諸水入焉

亦曰烏江亦曰涪江亦曰涪陵江此水自西而東而北源流二千三百里詳見水道提綱而覈之古籍猝難互證○箋曰溫水今不知其源委涪州之境在黔江西北依許云溫水出涪南入黔自可通若從漢志改涪爲符則符爲今涇州合江縣地在涪之西南且在大江之南地望不合若鬱縣則今貴州遵義縣地夏渺不相涉此條漢志明有舛誤水經亦承其誤至漢碑槩爲作槩者乃書家異體不可爲典要段氏每有見異輒改許書斯真無事自擾矣

涪水出巴郡宕渠西南入江从水驚聲切

昨鹽

注曰前志巴郡宕渠下曰瀟水出西南入江不曹  
水出東北南入瀟按水經於江水曰又東北至巴  
郡江州縣東強水涪水漢水白水宕渠水五水合  
南流注之酈云宕渠水卽潛水渝水矣水經又曰  
潛水出巴郡宕渠縣又南入於江許云西南入江  
則此水必合嘉陵江至合州入江未詳今之何水  
今四川順慶府渠縣東北七十里有宕渠城

**沮水出漢中房陵東入江从水且聲**

子余切

注曰漢中郡房陵今湖北鄖陽府房縣是其地前  
志房陵下曰東山沮水所出東至郢入江水經曰  
沮水出漢中房陵縣東山東南過臨沮縣界又東

南過枝江縣東南入於注今此水出房縣西南二  
百里之景山經當陽縣合南漳水至荊州府城西  
南周寅店入江顧景范曰其字正作沮左傳作睢  
皆七餘反後譌爲柎讀曰租字與音俱變矣今襄  
陽沮水左右地皆曰沮中亦謂之柎中

滇

益州池名从水眞聲

都年切

注曰前志益州郡滇池縣下云滇池澤在西北南  
中志曰有澤水周迴二百里所出深廣下流淺狹  
如倒流故曰滇池今雲南府附郭昆明縣府城南  
之滇池是也城西南八十里爲海口大河卽滇池  
導流之處也下流至武定府注於金沙江金沙江



在四川敘州府入江

淶水出益州牧靡南山西北入繩原本作繩今從段正从水余

聲

同都切

注曰牧靡前志作收後志作牧前志曰南山臘淶水所出西北至越嶲入繩過郡二行千二十里水經注若水篇曰淶水導源臘谷西北流至越嶲入若水按淶水出臘谷故漢志謂之臘淶水漢志說文皆云入繩而水經注云入若水者善長云若水又逕越嶲大茆縣入繩繩水出徼外南逕旄牛道至大茆與若水合自下亦通謂之繩水矣牧靡今何縣淶水今何水未審○箋曰戴氏校刊水經注

及趙氏一清木竝作涂水導源臘谷入繩又漢志臘下奪谷字當據水經注補之

沅水出牂牁故且蘭東北入江从水元聲

惡袁切

注曰前志牂牁郡故且蘭下曰沅水東南至益陽入江過郡二行二千五百三十里按益陽屬長沙國漢志東南當從說文作東北過郡二當作三謂牂牁武陵長沙也水經曰沅水出故且蘭縣爲沅溝水又東至鍾成縣爲沅水東過無陽縣又東北過臨沅縣南又東至長沙下雋縣西北入于江水道提綱曰沅水數源一曰鎮陽江出貴州平越府東北之黃平州南金鳳山一曰清水江其源有二

北曰平越府西北之豬梁江南曰都勻府西南之馬尾河古稱沅水出故且蘭必指豬梁江及豬梁所納之卡龍河也清水江與鎮陽江合於黔陽縣曰經常德府治武陵縣西南而入洞庭湖

澧

水出越嶲徼外東入若水从水奄聲

英廉切

注曰越嶲郡屬益州二志同不言何縣徼外者未審也水經曰淹水出越嶲遂久縣徼外東南至青蛉縣又東過姑復縣南東入於若水然則淹水亦合金沙江以入江者也越嶲郡今四川甯遠府是其地廣韻淹下曰漬也滯也久留也敗也

瀾

水自張掖刪丹西至酒泉合黎餘波入于流沙从

水弱聲桑欽所說

而灼切

注曰禹貢曰弱水既西又曰導弱水至于合黎餘波入于流沙前志張掖郡刪丹下曰桑欽以爲導弱水自此西至酒泉合黎又張掖郡居延下曰居延澤在東北古文以爲流沙水經曰合離山在酒泉會水縣東北流沙地在張掖居延縣東北今甘肅舊山丹衛卽刪丹廢縣舊甘州衛西北千二百里  
有故居延城故居延城東北有居延海衛西北四十里有合黎山衛西有弱水胡氏謂禹貢錐指曰弱水正流入居延海其餘波則入流沙流沙非居延也按今人用弱爲休沒字又用爲人小便之

屢字而水名則皆作弱

泃水出隴西臨洮東北入河从水兆聲

土刀切

注曰前志隴西郡臨洮下曰洮水出西羌中北至  
枹罕東入西接東入西當依水經注作東入河水  
經曰河水又東入塞過隴西河關縣北洮水從東  
南來流注之今甘肅蘭州府狄道州西南二百二  
十里有臨洮城漢縣也今洮河出洮州衛西南邊  
外之西傾山東北流經狄道州南至蘭州府西境  
入河曰洮口行八百餘里按洮爲地名水名極多  
又爲洮類又爲洮汰洮米皆用此字○箋曰洮州  
衛今爲洮州廳

涇水出安定涇陽開頭山東南入渭雒州之川也从

水至聲

古靈切

注曰前志安定郡涇陽下曰開頭山在西禹貢涇水所出東南至陽陵入渭過郡三行千六十里雍州川陽陵屬左馮翊過郡三者安定扶風馮翊也今甘肅平涼府附郭平涼縣府西南有故涇陽城漢縣也開頭山亦作笄頭山始皇紀作雞頭山在今平涼府西南四十里今涇水出山之涇谷經涇州又經陝西邠州長武縣至西安府高陵縣西南二十里入渭曰涇口大致東南流也涇濁渭清故詩曰涇以渭濁涇水溉田之利自秦漢鄭國白公

而後迄於唐宋元明皆修復白渠雒州川周禮職  
方氏文按爾雅直波爲徑釋名作直波曰涇云涇  
徑也言如道徑也莊子涇流之大司馬彪云涇通  
也今蘇州嘉興溝瀆曰某涇某涇亦謂其可徑通



水出隴西首陽澗首亭南谷東入河从水冏聲杜  
林說夏書以爲出烏鼠山雒州浸也

云貴切

注曰前志首陽下曰禹貢烏鼠同穴山在西南渭  
水所出東至船司空入河過郡四行千八百七十  
里雍州浸按首陽縣今甘肅蘭州府渭源縣過祁  
四者天水扶風京兆馮翊也今渭水出渭源縣經  
鞏昌府及甯遠伏羌縣秦州清水寶雞岐山扶風

武功整厓鄠縣咸陽縣西安府臨潼高陵渭南朝  
邑至華陰縣北入於河杜林說夏書謂林說古文  
尙書禹貢也云以爲出烏鼠山者烏鼠山與首陽  
山南谷同縣而異地故別爲異說也雒州濩職方  
氏文鄭曰浸可以爲陂灌漑者

灋水出隴西獠道

獠原本作相  
今從段正

東至武都爲漢从水

養聲

余亮切

灋

古文从養

注曰獠各本字誤今依水經注所引說文正但獠  
道不屬隴西當作氐道乃與漢志合前志隴西郡  
氐道下曰禹貢養水所出至武都爲漢武都郡武  
都下曰東漢水受氐道水一名沔過江夏謂之夏



水二條相屬爲辭隴西郡西下又曰禹貢蟠冢山  
西漢所出南入廣漢白水東南至江州入江鄭注  
尙書導漾引地理志漾水出隴西氏道至武都爲  
漢至江夏謂之夏水注梁州沱潛云潛蓋西漢出  
蟠冢東南至巴郡江州入江行二千七百六十里  
又云漢別爲潛其穴本小水積成澤流與漢合大  
禹自導漢疏通卽爲西漢水也班鄭皆謂東漢西  
漢同出蟠冢西漢者別於漢而曰西漢東流者本  
無以併志云東漢者淺人增字耳班氏所云今水  
道不合故異說紛然金氏榜禮箋之說最爲折衷  
古文漾漢書作養用假借字○箋曰今漢水出陝

西甯羌州蟠冢山東流逕沔縣褒城縣漢中興安  
二府至湖北鄖陽襄陽二府折而南流逕安陸府  
至潛江縣復東流逕漢陽府至武昌府入江卽前  
志所云武都漢水受氐道水過江夏者也又甘肅  
鞏昌府秦州西南境亦有蟠冢山爲西漢水所出  
卽漾水也逕禮縣至西和縣西南境過仇池山經  
成縣西南境之祁山麓東南流至略陽縣合嘉陵  
江逕四川保甯順慶二府至重慶府合州入江此  
又前志所云西漢水南入廣漢白水至江州入江  
者也今西和縣成縣卽漢西縣武都二縣之地氐  
道沿革今未能詳金氏榜謂準之地望當在西縣

之東是也水經注引常璩華陽國志曰漢水有二源東源出武都氐道縣漾山西源出隴西西縣蟠冢山卽其證蓋禹貢蟠冢導漾源出西和成縣南流至略陽又東折入甯羌州與漢水通流至武昌入江其後略陽甯羌之閒水道中斷而西漢水遂入蜀境合嘉陵江至合州入江金氏云漾水輟流不與漢相屬由來已久後儒於漢源求蟠冢不得因傍漢水之西強名之曰蟠冢是也其謂志言但明禹貢漢水故道而非漢代經流此則不盡然金氏所據者水經注也余謂因酈注足見漢時水道猶是禹迹其後漢水乃輟東流耳至段氏謂東漢

水之東字爲後人所增良然其云獠道當作氏道則恐非是獠道卽今鞏昌府附郭隴西縣地與今之甯遠縣皆在漢襄武縣境內附近嶓冢而襄武固屬隴西郡蓋班氏自作氏道許君自作獠道不必強同至獠道本隸天水後漢爲南安郡治而皆不屬隴西則許記憶之誤耳

**漾**

**漾也東爲滄浪水**

水難省聲

呼盱切  
**漾古文**

注曰書傳曰泉始出山爲漾按漾言其微漢言其盛也東爲滄浪水禹貢文水經曰沔水又東北流又屈東南過武當縣東北鄴注縣西北四十里漢水中有洲名滄浪洲庾仲雍漢水記謂之干齡洲

非也是世俗語訛音與字變矣地記水出荆山東  
南流爲滄浪之水余按尙書言又東爲滄浪之水  
不言過而言爲者明非他水決入也蓋漢沔水自  
下有滄浪通偁耳玉裁按鷓難曠字从堇聲則漢  
亦堇聲此難省聲淺人所改不知文殷元寒合韻  
之理也

滄浪水也南入江从水良聲

來宕切

注曰滄浪平聲今但爲波浪字

沔水出武都沮縣東狼谷東南入江或曰入夏水从

水沔聲

彌充切

注曰武都沮縣二志同今陝西漢中府略陽縣是

其地有沮水出焉前志沮縣下曰沮水出東狼谷水經曰沔水出武都沮縣東狼谷中鄗注沔水一名沮水引關駟云以其初出沮洳然故曰沮水前志曰南至沙羨南入江過郡五行四千里過郡五者武都漢中南陽南郡江夏也或曰入夏水者今荊州府附郭江陵縣府東南二十五里有夏水口是也水經夏水東至江夏雲杜縣入于沔注云當其決入之所謂之堵口劉澄之永初山川記云夏水是江流沔非沔入夏今按二水相合互受通備謂沔入夏亦無不可○箋曰沔水至江夏入江不復西入江陵或說未確水經謂夏水東至雲杜入

湟

水出金城臨羌塞外東入河从水皇聲

乎光切

沔是也雲杜卽今沔陽州地劉說本水經段說非  
注曰金城郡臨羌二志同舊西甯衛西二百八十  
里有故臨羌城前志臨羌下曰西北至塞外有西  
王母石室僊海鹽池北則湟水所出東至允吾入  
河水道提綱曰青海在今西甯府邊西五百餘里  
古名西海卽鮮水也今爲厄魯特等二十三旗地  
青海東卽湟水古所謂湟中地北卽大通河古所  
謂浩亶水東南會湟水入黃河也湟水卽洛都水  
源出今西甯府西北邊外至今蘭州西境入黃河  
按允吾音鉛身今蘭州府西北三百里有故鉛吾

城浩音閤門僊海卽西海古音西讀如僊

汧水出扶風汧縣西北句入渭从水𠂔聲苦堅

注曰前志右扶風汧下曰吳山在西古文以爲汧  
山雍州山又曰汧水出西北入渭後志汧下曰有  
吳嶽山本名汧汧水出按今鳳翔府隴州東南有  
汧源廢縣汧山在今隴州西北禹貢之𠂔周禮之  
嶽山也汧陽河卽古汧水出焉東南流經汧陽縣  
至寶雞縣東三十里合於渭

灃水出扶風鄠北入渭从水勞聲魯刀切

注曰右扶風鄠見邑部上林賦終始灃澹出入涇  
渭鄠鎬潦灃紆餘委蛇潘岳關中記曰涇渭灃澹



鄠鎬潦瀆所謂八川李善曰潦卽澇水也水經曰  
渭水又東過槐里縣南又東澇水從南來注之今  
陝西西安府鄠縣西三里澇水出南山澇谷北流  
經故黃陽宮西入長安縣界入渭故曰北入渭水  
道提綱曰渭水東經鄠縣北境咸陽縣城東南又  
東北有豐水自西來合諸水北流注之諸水者澇  
水瀉水澆水也史漢文選皆作潦惟封禪書正作  
澇按今用爲旱澇字

**灋**水出右扶風杜陵岐山東入渭一曰入洛从水灋

聲親吉切

注曰二志皆杜陵屬京兆尹杜陽屬右扶風此當

作杜陽今陝西鳳翔府麟游縣是其地公劉居豳  
太王遷岐今邠州及岐山扶風二縣是其地大雅  
緜傳曰周原漆沮之閒也周頌潛傳曰漆沮岐周  
之二水也許云漆水出杜陽正岐周地此漆沮在  
涇西禹貢導渭又東過漆沮則在涇東與岐周無  
涉水經曰漆水出扶風杜陽縣兪山東北入於渭  
正與說文合惟岐作兪耳酈氏引開山圖曰岐山  
在杜陽北長安西有渠謂之漆渠酈又云漆水出  
杜陽縣之漆溪謂之漆渠漆渠合岐水與橫水合  
東注雍水又合杜水南注於渭郭璞山海經注云  
今漆水出岐山皆與水經合而前志右扶風漆縣

下云漆水在縣西以地望準之蓋此漆水出幽地  
漢漆縣以水爲名西南流至岐而入渭關騶十三  
州志云漆水出漆縣西北至岐山東北入渭是也  
許及水經云出杜陽岐山者容舉其近源言之○  
箋曰段氏考索漆沮未竟其義其云禹貢導渭在  
涇東與岐周無涉亦承舊說之誤今按許杜桑鄠  
皆言漆水出杜陽岐山足以互證且其地有漆渠  
自是發源岐山流入於邠段以漢漆縣以水爲名  
遂謂水出幽地西南流至岐蓋沿關騶之說而誤  
不知漢漆縣實以漆治鐵官得名班云漆水在縣  
西者亦猶馮翊襄德下云洛水東南入渭而其源

則出北地歸德也至沮水所在漢志無文程大昌  
雍錄引長安志曰沮水自邠州東北來至華原縣  
南流乃合漆水入富平縣石川河石川河者沮水  
正派也水道提綱云漆水出宜君縣大神山南流  
曰同官川至同官縣折而西南流至耀州城之東  
南沮水自西來會既會折東南流經富平縣至高  
陵縣之交口鎮入渭灝按此卽長安志所謂沮合  
漆入富平者也然岐周之漆傳記分明水道雖湮  
脈絡可考不應宜君復有漆水蓋後人尋源不得  
遂爾傳會惟云沮水自邠州東北來至華原則未  
可盡非華原卽今耀州提綱所僞耀州之沮竝無

來源或古昔源出於邠由邠入耀其後上流枯竭亦未可知如此則漆水自岐至邠會沮水而東流入渭適當涇水下流禹貢所云東會于涇又東過漆沮者其故道亦合也餘詳後澶篆下又按段氏補注載休甯汪氏龍引戴東原之說謂漆水北流注於涇以入渭與南流合杜岐雍以入渭者爲二水與涇東之漆截然爲三此緣誤讀水經十三州志漆水東北入渭之語而不知北乃羨文又以渭水在南不可以言北入而改爲注涇以入渭此真無事自擾也

澶水出京兆藍田谷入霸从水產聲

所簡切

注曰澧史漢作產霸灞古今字史漢作霸京兆尹  
藍田二志同故城在今西安府藍田縣西十一里  
前志京兆尹南陵下曰沂水出藍田谷北至霸陵  
入霸水霸水亦出藍田谷北入渭師古曰沂音先  
歷反按此乃大誤沂者澧字之誤水經注引志可  
證張揖注上林賦亦曰霸水出藍田西北而入渭  
澧亦出藍田谷北至霸陵入霸水水經注曰霸水  
出藍田谷逕藍田縣東又左合澧水水道提綱曰  
灃水上源卽藍水也出藍田縣藍關之西南山秦  
嶺經西安府境東而北有澧水西南自太乙山東  
南之西王峪嶺及秦嶺三源合而東北流至高陵

縣南境入渭曰灃口。○箋曰段以沂爲澆之誤如此乃與說文水經諸書有合似是已然澆字尙恐有誤愚謂小顏先厯切之音必有其故斷非無因出此者疑澆爲薛之譌薛梵書作薩見一切經音義卷四俗書作薩遂譌爲澆耳薛私列切聲轉爲先厯切又爲桑葛切也此無可考見存以俟知者定之

渭

水出左馮翊

當作北地

歸德北夷界中東南入渭

繫傳有離

州

從水各

聲切

各

注曰左馮翊當作北地前志北地郡歸德下云洛水出北蠻夷中入河入河者入渭以入河也今甘

肅慶陽府安化合水二縣漢歸德地方輿紀要曰  
洛水出慶陽府合水縣北白於山東南流經休安  
縣甘泉縣鄜州又南經洛川縣中部縣而沮水入  
焉沮水卽說文澧水出北地直路西東入洛也自  
是洛水亦兼沮水之稱又東南流經澄城縣同州  
府至朝邑縣南入渭水道提綱曰舊合渭入河自  
明時改流徑入河不南入渭今洛口南去渭口三  
十里按雍州洛水豫州雒水其字分別自魏人書  
雒爲洛而人輒改魏以前書籍故致錯出○箋曰  
豫州雒水乃假借字凡水異地同名者不一而足  
如既有澨沮又有漆沮而襄陽復有沮中既有濁



漳清漳又有南漳而入潞者復有漳水豫之洛與  
雍之洛不嫌同名未可執一也

潞

水出宏農盧氏山東南入海从水南聲或曰出鄴

山西

余六切

注曰前志宏農郡盧氏下曰有育水南至順陽入  
沔順陽者南陽之博山也水道提綱云漢水經襄  
陽府城北樊城南有白河唐河東北自河南新野  
合南陽府諸縣及鄧州水南流又合西來之清河  
東來棗陽之滾河來會齊氏所謂白河卽潞水也  
南陽之水清最大水經注云合魯陽關水洱水梅  
谿水朝水棘水濁水湍水比水白水入漢南都賦

曰洧水盪其曾推淮引滄三方是通知洧取大齊  
氏以趙河當之非也或曰出酈山西者前志南陽  
酈下曰青水出西北南入漢漢當作沔蓋出酈山  
者與出盧氏山者異源而同流故班許皆兼述之  
也酈故城在今南陽府內鄉縣東北○箋曰白河  
源出南召縣西北境之曹峰山自南召縣西南流  
經南陽府治至新野縣樊城南入於漢趙河源出  
魯山縣南境山中東南流至唐縣折而西南流與  
唐河會又至襄陽東北境合白河至樊城入漢方  
輿紀要以白河爲古洧水水道提綱以趙河爲古  
洧水近人多從顧說故段氏亦從之按南召又有

雞子河經鄜山之西西南流入白河與或說出鄜山西者正合然則白河與雞子河異源同流也

**汝水出宏農盧氏還歸山東入淮从水女聲**

人渚切

注曰前志汝南郡定陵下曰高陵山汝水出東南至新蔡入淮過郡四行千三百四十里水經注曰今汝水出魯陽縣之大孟山蒙柏谷西卽盧氏界按此許云出盧氏還歸山所出也凡言水源者每多乖異前志云出定陵入淮於新蔡皆在汝南郡而云過郡四班固知不始於高陵山矣過郡四者蓋南陽河南潁川汝南也方輿紀要曰今汝水出汝州魯山縣西南七十里大孟山東北流出縣北

經伊陽縣汝州南又東南經寶豐縣郟縣南入南陽府裕州界經葉縣北又東入許州之襄城郟城縣南而入汝甯府西平縣境東南流經上蔡縣西汝陽縣北又東經新蔡縣西息縣北至江南潁州南而注於淮蓋非復漢以前故道矣水道提綱曰汝水舊從舞陽縣北而南入西平界自元末於渦河竭斷其流使東歸潁於是西平雲莊諸石二山之水明時亦塞今水道與古全異矣

**潁水出河南密縣大隗山南入潁从水異聲**

與職切

注曰今河南開封府密縣東南三十里有故密城大隗山卽具茨山在新鄭縣西南四十里蓋山與

密接界前志密下曰有大隗山潞水所出南至臨  
潁入潁今潞水自新鄭大隗山南流經長葛縣流  
入許州北二里又南經臨潁縣而合於潁一名魯  
固河又名清清河是也師古曰潞又音昌力反李  
吉甫曰潞水俗名勅水

**汾**水出太原晉陽山西南入河从水分聲或曰出汾

**陽北山冀州浸**

符分切

注曰今山西太原府太原縣縣治東北有太原舊  
城城中舊有三城一曰大明城古晉陽城也周禮  
河內曰冀州其浸汾潞前志曰太原郡晉陽晉水  
所出東入汾汾陽汾水所出西南至汾陰入河水

經曰汾水出太原汾陽縣北管涔山至汾陰縣北  
西注於河許云出晉陽山與志水經不合蓋舉其  
近源也所謂晉陽山者卽太原縣西南十里襄山  
晉水所出也今汾水出靜樂縣管涔山經陽曲至  
太原城東晉水入焉又經徐溝交城介休靈石霍  
州趙城洪洞臨汾至絳州城南澮水入焉又經稷  
山河津至榮河縣北境入河在龍門之南五十里  
曰汾口於古水道無大異

**澮水**

出

下段補河東  
東夷三字

西南入汾从水會聲

古外切

注曰河東夷三字鉉奪錯本誤作河西二字今正  
前志河東郡彘下曰霍大山在東冀州山今山西

霍州東南霍山禹貢之太岳也水經曰滄水出河東絳縣東滄交東高山西至王澤注於汾水不言出霍山者水經舉其近源許舉其遠源也水道提綱曰滄河源出翼城縣東南山西經曲沃縣南至絳州城南入汾方輿紀要曰翼城縣有滄高山有滄水入曲沃縣界至絳州南入汾○箋曰漢志於滄下但言霍大山在東不言滄水此恐許君記憶之誤當從水經爲是

水出上黨羊頭山東南入河从水心聲

七鳩切

注曰今山西沁州沁源縣城南故穀遠城漢縣也前志穀遠下曰羊頭山世靡谷沁水所出東南至

熒陽入河過郡三行九百七十里三郡上黨河內  
河南也水經曰沁水出上黨涅縣謁戾山南過穀  
遠縣東至熒陽縣北東入於河師古據唐時在懷  
州武陟入河疑轉寫錯誤非也謁戾山卽羊頭山  
戴先生曰山在今武鄉縣西百二十里西北接祁  
縣平遙縣西南接沁源縣一名麓臺山迤邐而西  
爲綿山其北爲介休縣西爲靈石縣皆謁戾山也  
今沁水出沁源縣西北百里之綿山東谷西南流  
經陽城縣至河南懷慶府城北又東南經武陟縣  
而入於河與唐時入河處同

沁水出壺關東入淇一曰沾益也从水占聲

他兼切



注曰今山西潞安府治卽漢壺關地前志壺關下  
曰有羊腸坂沾水東至朝歌入淇水經注曰淇水  
出沮洳山衝激橫山又東北沾水注之水出壺關  
縣東沾臺下東流注于淇按今壺關縣東南有沾  
水又按沾添古今字俗製添爲沾益字楚辭大招  
不沾薄只王注沾多汁也漢曹全碑惠沾渥白石  
神君碑澍雨沾洽魏受禪表元澤雲行罔不沾渥  
皆卽今之添字也○箋曰古但言增加而不言添  
添乃後出俗字不得以沾字當之傳記亦無訓沾  
爲增加者段所引諸沾字皆沾溉涵濡之義一日  
沾益亦沾溉之引申沾霑乃古今字耳鼎臣云今

別作添非是其意以沾爲古添字而段因之蓋鼎臣以舊音他兼切而云然不知此古重唇音也

**潞**冀州浸也上黨有潞縣从水路聲

洛故切

注曰周禮職方氏曰冀州其浸汾潞按此浸自周初迄漢湮沒不彰班許皆不言潞之源流闕駟曰潞水卽漳水也善長亦謂無他大川可以言浸惟漳水耳此非許意周禮川漳浸潞竝言則非一物矣上黨郡潞縣二志同今山西潞安府潞城縣東北四十里有故潞城

**漳**濁漳出上黨長子鹿谷山東入清漳清漳出沾山大要谷北入河南漳出南郡臨沮从水章聲

諸良切

注曰今山西潞安府長子縣西南有故長子城前  
志長子下曰鹿谷山濁漳水所出東至鄴入清漳  
水經曰濁漳水出上黨長子縣西發鳩山酈曰漳  
水出鹿谷山與發鳩山連麓而在南按今濁漳水  
出長子縣西五十里之發鳩山經潞城襄垣黎城  
縣入河南林縣界合於清漳禹貢所謂衡漳也又  
今山西平定州樂平縣西南三十里有沾縣故城  
前志沾下曰大黽谷清漳水所出東北至阜成入  
河過郡五行千六百八十里冀州川過郡五者上  
黨魏郡清河信都勃海也按志言濁漳入清漳清  
漳入河水經言清漳入濁漳濁漳會滹沱入海蓋

緣作水經時與作志時異也王氏應麟曰漳水舊入河周定王五年河徙而南故漳水不入河而自達於海王氏特臆度之詞依班許則漢時未必不入河也今清漳出樂平縣西南二十里之少山經和順縣遼州河南涉縣至林縣交漳口合濁漳既合之後入直隸界移徙分合自昔不常今則一派至山東臨清州入運河一派在直隸新河縣入北泊會滹沱至天津入海詳見水道提綱又南漳今湖北襄陽府南漳縣西南六十里有臨沮故城是也左傳曰江漢雖漳楚之望也雖卽出漢中房陵之沮水前志沮下曰禹貢南條荆山在東北漳水

所出東至江陵入陽水陽水入河行六百里按志  
不言沮者以漳該沮也其云陽水蓋謂沮水也今  
漳水源自鄖陽府房縣景山至保康縣境會沮水  
出河內其北山東入河或曰出隆慮西山从水

其聲

渠之切

注曰今河南衛輝府輝縣治古其城也前志河內  
郡其下曰北山淇水所出東至黎陽入河北山今  
輝縣西北蘇門山其別阜曰其山是也今淇水自  
彰德府林縣流入衛輝府淇縣境入衛河而入海  
與古入河者迥異又前志河內郡隆慮後志作林  
慮慮音閭今彰德府林縣是其地西山者林縣西

北二十五里隆慮山是也水經曰淇水出河內隆慮縣西大號山東北入於海隆慮漢諱殤帝改曰林慮此不改者書成於和帝永元十二年以前也○箋曰今淇水上源出山西澤州府陵川縣東南流經河南彰德府林縣南境至衛輝府淇縣會衛河東北折入直隸大名府至天津入海班許云淇水出河內共縣亦不甚背馳但相距稍遠又不當言出耳水經云出隆慮縣大號山亦是以所經之地爲出其誤正同一轍至班許言入河則古今變遷未可知也

潒水出河內潒陰東入黃澤从水募聲切

徒朗

注曰今河南彰德府湯陰縣西南有故蕩陰城後人省艸水經曰蕩水出河內蕩陰縣西山東東北至內黃縣入於黃澤注云蕩水合羨水長沙溝逕內黃城南東注白溝按內黃黃澤在今直隸內黃縣水道提綱曰衛河經湯陰縣東界湯河出湯陰縣西山中東流經縣城北東入衛河則與古水道大異蕩古音吐郎切假借爲浩蕩字古音亦同

水

出河東垣王屋山

原本垣上誤重東字今刪

東爲泚从水允

聲

以轉切

从

古文沈

原本古文作沿今從段正

注曰東垣二字誤倒今依水經正河東郡垣二志同今山西絳州垣曲縣河南懷慶府濟陰縣是其

地垣曲縣西北二十里有垣縣故城前志垣下曰  
禹貢王屋山在東北沈水所出東南至武德入河  
軌出熒陽北地中又東至琅槐入海過郡九行千  
八百四十里過郡九者河東河內陳留梁國濟陰  
泰山濟南齊郡千乘也水經曰濟水出河東垣縣  
東王屋山爲沈水東至溫縣西北爲濟水南當鞏  
縣北南入於河王屋山今在濟源縣西八十里沈  
水所出尙書某氏傳曰泉源爲沈流去爲濟按泉  
出沮洳曰沈引申爲沈州口部曰九州之渥地也  
故以沈名焉○箋曰段以爲東垣誤倒蓋謂出垣  
縣東之王屋山愚以爲下東字蓋誤衍古文本作



故臣鉉等曰口部已有此重出後人因改爲泔  
不知沿亦重出也鈕云篇韻沈下竝無古文疑非  
許書本有

泔沈也東入于海从水市聲切

子禮

注曰四瀆之泔字如此作今經史皆作濟惟地理  
志引禹貢職方作泔又泰山齊郡河南東郡下亦  
有泔字然以濟南濟陰名郡志及漢碑皆作濟則  
知漢人皆用濟班許僅存古字耳禹貢曰導沈水  
東流爲濟入于河溢爲滎東出于陶丘北又東至  
于沛又東北會于汶又北東入于海今泔水不特  
入河以後不可致詳考郡國志曰濟水王莽時大

滙水出桂陽縣盧聚山滙浦關爲桂水从水匡聲

切

注曰桂陽郡桂陽二志同今廣東連州治卽漢縣地前志桂陽下曰滙水南至四會入鬱過郡二行九百里二郡桂陽南海也水經曰滙水出桂陽縣盧聚東南過含滙縣南出滙浦關爲桂水按前志南海中宿縣有滙浦關酈注亦云爾今志文關作官桂陽下滙作滙皆譌字也今滙水出連山縣東南流經連州英德縣清遠縣合湏水經三水縣至廣州府城西入西江以入海班所謂入鬱今廣東之北江也酈氏曰桂水者滙之別名也按滙水亦

日湟水○箋曰班志謂涇水入鬱殊誤段氏於其  
委亦有小涇水經清遠縣合湟水至廣州會東  
西二江而南入於海黔鬱二江會潯江東流入廣  
東界總稱西江涇水無逆行入鬱之理也

涇水出廬江入淮从水惠聲

胡計切

注曰出疑當作在漢廬江郡今安徽廬州府南

安慶府之境是其地涇水未詳

涇水出廬江雩婁北入淮从水葇聲

古玩切

注曰前志廬江郡雩婁下曰決水北至蓼入淮

水亦北至蓼入決過郡二行五百一十里過郡二  
者廬江六安也方輿紀要曰今安徽潁州府霍丘

縣西南八十里有雩婁故城蓼縣故城在霍丘縣西北決水卽今史河灌水今自河南固始縣東流經霍丘縣西合史水入淮是也按今字以爲灌注

灌溉

**漸水出丹陽黟南蠻中東入海从水斬聲**

慈丹切

注曰丹陽郡黟今徽州府黟縣是其地前志黟下曰漸江水出南蠻夷中東入海按班許水經皆曰漸江水廊注則曰浙江據許立文曰江至會稽山陰爲浙江謂嵎江也曰漸江水出丹陽黟南蠻中謂今錢唐江也分別畫然蓋二水古於山陰相合故可統名之曰浙江後世水道絕不相通而錢唐

江猶冒浙江之名失其本號耳。箋曰段以錢唐江爲浙江而冒浙名非是。旣曰二水相合可統名浙江何以浙江又爲錢唐江乎。殊不可解。餘見前

浙篆下

泠水出丹陽宛陵西北入江从水令聲

郎丁切

注曰今安徽甯國府附郭宣城縣漢故宛陵縣也。前志丹陽郡宛陵下曰清水西北至蕪湖入江許之泠水卽班之清水應劭零陵泠道下注引說文此條蓋未知清泠異名同實也。泠水卽今宣城縣西六十里之青弋江水道提綱曰江水又東北爲蕪湖縣西北之魯港口魯明江南匯旌德太平石

埭涇縣諸水東北流經宣城西北境曰青弋江折西北經蕪湖城南而西北注之是爲魯港口按凡清冷用此字樂工冷人左傳用此字

澗

水在丹陽从水算聲

匹卦切

注曰澗水未聞

溧

水出丹陽溧陽縣从水栗聲

力質切

注曰縣字俗作沾據舊志溧縣蓋在今江甯府高淳縣南十五里之固城前志丹陽郡溧陽下應劭曰溧水所出南湖也方輿紀要曰今溧水在今溧陽縣北四十里卽永陽江也祥符圖經溧水承丹陽湖東入長蕩湖丹陽湖卽應劭之南湖也張鑑

曰溧水卽永陽江之上源大江之水南會於此入  
長蕩湖又分流東行爲吳王漕蓋五代時楊行密  
漕運所經也自東壩築而丹陽湖之水不復入於  
溧水永陽江之源流亦滋晦矣水利考永陽江一  
名潁陽江古名中江按中江至陽羨入海卽禹貢  
職方三江之一也今蕪湖河東接太平府南之黃  
池河又東接溧水縣之固城丹陽石曰諸湖未築  
東壩以前諸湖匯長蕩湖而入太湖而入於海此  
正古中江之道蓋旣合之後則謂太湖爲江也今  
壩西諸水俱西流入江與古絕異矣



水出零陵陽海山北入江从水相聲

息良切

注曰前志零陵郡零陵下曰陽海山湘水所出北  
至鄆入江過郡二行二千五百三十里過郡二者  
零陵長沙也又有離水東南至廣信入鬱行九百  
入十里水經曰湘水出零陵始安縣陽海山東北  
流過下雋縣西又北至巴丘山入於江酈曰湘灘  
同源南爲離水北則湘川今廣西桂林府興安縣  
南九十里俗謂之海陽山卽陽海山也湘水出焉  
北流經全州入湖南南界經零陵祁陽衡陽衡山湘  
潭善化湘陰縣入洞庭湖曰湘口漢志云至鄆入  
江未詳○箋曰今桂林府治臨桂縣卽漢之始安  
縣今興安縣亦其地湖南衡陽縣卽鄆縣地巴陵



臨湘二縣皆下雋縣地湘水既入洞庭復出巴陵  
至臨湘西北入江酈道元所云水色青黑有清濁  
之別謂之江會是也不知段何以云至需入江未  
詳又水經云灘水亦出陽海山南過蒼梧荔浦縣  
又南至廣信縣入於鬱水酈云灘水與湘水出一  
山而分源南逕始興平樂縣按始興當作始安今  
灘水出興安西南流逕靈川縣至桂林府治臨桂  
縣又南至陽朔縣過荔浦縣東境西逕平樂縣又  
南逕昭平縣折而東南流至梧州府治蒼梧縣南  
入鬱江蒼梧縣卽漢之廣信縣也相灘二水本不  
相通秦史祿作靈渠以運漕乃鑿而通之引湘入

澧靈渠有斗門以蓄水俗謂之斗河字亦作陡蓋謂其陡長陡落也范成大桂海虞衡志謂澧水爲泔柯江下流南下興安以馭水經注非是

汨

長沙汨羅淵屈原所沈之水从水冥省聲

莫狄切

注曰長沙下蓋奪羅字許例郡縣兼書前志長沙國羅應劭曰楚文王徙羅子自枝江居此今湖南長沙府湘陰縣東北六十里有羅縣城是也岳州府平江縣南三十里亦有羅城云古羅子國也水經注曰湘水又北汨水注之汨水出豫章艾縣桓山西南逕吳昌縣北又西逕羅縣北謂之羅水又西逕玉笥山又西爲屈潭卽汨羅淵也屈原懷沙

自沈於此又西逕汨羅戍南西南注於湘春秋之  
羅汨世謂之汨羅口按今湘陰縣北七十里汨羅  
江是也○箋曰此當从水日聲汨卽瀆字辨見後  
瀆下



水出桂陽臨武入漚

原本作漚誤今從段正

从水秦聲

側說切

注曰桂陽郡臨武今湖南桂陽州臨武縣東五十  
里臨武故城是也前志臨武下曰秦水東南至瀆  
陽入漚行七百里水經曰瀆水出桂陽臨武縣南  
繞城西北屈東流東至曲江縣安新邑東屈西南  
流過瀆陽縣出漚浦關與桂水合東入於海志之  
秦水卽瀆水也桂水卽漚水班許皆云瀆入漚

注則云滙入溱鄴蓋本山海經經曰肄水出臨武西南而東南注海入番禺西滙水出桂陽西北山東南注肄水入郭浦西鄴曰肄水蓋溱之別名也今人謂滙水出南雄保昌縣西南經始興曲江英德縣而翁江滙水入之此正漢志水經說文之溱水乃誤謂之滙耳滙者今之翁江也又按經典鄭國溱洧字皆如此作鄭風溱與人韻則不當作滙也○箋曰段謂今人以溱爲滙非是其以滙水爲今之翁江尤誤溱卽今之武水出桂陽州臨武縣西南繞城西北屈又折而東南流至韶州府至曲江縣滙水從東北來注之此與水經溱水曲折方

向正合澧水出南雄州西南流經始興縣至曲江  
縣與漆水會又西南流至英德縣洹水從西北來  
注之於是合而南流下廣州入海今謂之北江漢  
澧陽縣卽今英德縣地澧水至英德縣南而縣在  
水北故曰澧陽不得謂今人以漆爲澧也澧漆二  
水東西相合而南或謂之澧或謂之漆亦猶濟泗  
互受通稱至班許云漆入洹則不若道元謂洹入  
漆爲允澧漆合流至英德而洹水西來注之固當  
以南北爲經流耳



水出桂陽南平西入營道从水突聲

式針切

注曰今湖南桂陽州藍山縣東五里有南平城水

經曰淡水出桂陽盧聚西北過零陵營道營浦泉  
陵縣至燕室邪入於湘酈云盧聚山在南平縣之  
南九疑山東也按涯出盧聚南流入海淡出盧聚  
西北流入湘以入江分馳不同也○箋曰漢營浦  
營道二縣今道州甯遠縣地皆在九疑山之西北  
零陵郡卽今永州府治泉陵亦零陵縣地古淡水  
從此至零陵合於瀟湘也

**澧**

水出武陵潭成玉山東入鬱林从水覃聲

徒含切

注曰林字廣常刪俗人不知鬱爲水名漢志涯水  
入鬱離水入鬱亦皆沾林矣前志武陵郡潭成下  
曰玉山潭水所出東至阿林入鬱過郡二行七百

二十里過郡二者武陵鬱林也今廣西潯州府阿  
林廢縣卽漢縣也鬱林郡廣鬱下曰鬱水首受夜  
郎豚水東至四會入海過郡四行四千三十里過  
郡四者牂柯蒼梧鬱林南海也潭水卽今福祿江  
源出苗地東南至今貴州黎平府西爲古州江東  
至永從縣南合彩江爲福祿江入廣西界至柳城  
縣爲柳江又東南經象州至潯州府城北曰潯江  
卽所謂入鬱也潯江卽古潭水古二字同音因改  
其字耳按鬱水今嶺外之盤江山雲南貴州廣西  
至廣東爲西江入海漢鐔成縣故城在唐之朗溪  
縣今湖南沅州府黔陽縣玉山蓋在嶺故鐔水流

嶺外東入鬱也應劭音淫

**油**水出武陵孱陵西東南入江从水由聲切

以周

注曰今湖北荊州府公安縣西二十五里有孱陵故城水經曰油水出武陵孱陵縣西界東過其縣北又東北入于江許云東南入江南當作北按今荊州府虎渡口北江之南岸有支津南通公安諸湖水古油水必在其間江表傳曰劉備爲荊州牧立營油口五代梁開平四年馬殷遣將侵荊南軍於油口今公安縣北舊有油口巡司是其水今雖湮沒非無可考也按經史曰油然作雲曰雲之油油曰禾黍油油曰油油以退玉藻注油油悅敬兒



俗用爲油膏字

澗水出豫章艾縣西入湘从水買聲

莫蟹切

注曰豫章郡艾二志同左傳吳公子慶忌所居今江西甯都州西百里艾城是也水經曰澗水出豫章艾縣西過長沙羅縣西又西至磊石山入於湘水按水經言澗不言汨諸書多言汨不言澗廣韻廿三錫汨澗澗三形同春秋莒君密州左傳密作買亦是買聲近密之證考之於今則由江西甯都州逕湖南平江縣至湘陰縣入湘者但有汨水別無澗水則澗汨之爲古今字憭然鄭氏云汨出艾縣逕羅縣皆與經言澗同惟云澗水入湘曰東町

口汨水八湘曰汨羅口汨羅口在澗口之北磊石  
山又在羅口之北此言甚辨依水道提綱汨水出  
平江縣西北至歸義驛又西分爲二支一支西流  
稍北於山麓西入湘一支北流數十里西北入湘  
曰屈潭亦曰汨羅口正酈之東町汨羅二口非有  
二水也酈蓋未溯上游不辨異文同物許書蓋本  
同水經有澗無汨而後人妄增汨字故其文不類  
許書屈原所沈例所不載且許既有溟字云冥聲  
豈得冥省聲又爲一字平○箋曰澗者汨之異文  
日字古有密音故汨从日聲而讀莫狄切左氏桓  
六年傳子同生公曰是其生也與吾同物謂同日

也漢金日磾日讀如密皆其證汨不當从冥省聲  
緣別有古忽切之音淺人疑日聲不諧而改之廣  
韻瀕讀與汨同許書蓋本以瀕附汨下爲或體今  
本爲後人羸亂段謂許書有瀕無汨非也

澗水出南海龍川西入漆从水貞聲

陟盈切

注曰應劭注漢書曰澗水出南海龍川西入秦水  
經注曰澗水出南海龍川縣西逕瀕陽縣南右注  
漆水按此正今之翁江也出韶州府翁源縣西南  
流至英德縣城東南合漆水○箋曰澗水出廣東  
南雄州西南流經始興縣至韶州府治曲江縣南  
與漆水合流至英德縣翁江自東來注之滙水自

西來注之南流至廣州入海許云滇水出龍川於地望未合龍川在東不入北江也應劭蓋承說文之誤或後人以漢書注水經注矣改說文亦未可知段以翁江爲滇水非是說已見前漆下

**溜** 水出鬱林郡从水留聲

力救切

注曰不言縣者有未審也前志鬱林郡有中留縣師古曰留力救反水名後志及宋書州郡志作中溜疑前志亦當从水元和郡縣志曰貞觀八年改南昆州爲柳州因柳江爲名按柳江出苗地至今貴州永從縣生苗界中東南入廣西至柳城縣曰柳江至象州會於盤江柳江卽古溜水後世譌其

字耳溜今俗訓爲水急流

**翼水**出河南密縣東入潁从水翼聲

與職切

注曰此翼字之異體淮南書曰澤受翼而無源許

慎云翼湊漏之流也見文選注

**灋水**出南陽舞陽東入潁从水無聲

文甫切

注曰南陽郡舞陰二志同今河南南陽府泌陽縣

北十里有舞陰故城水經曰灋水出灋陰縣西北

扶于山東過其縣南又東過西平郾縣定潁縣東

入於汝郾云灋水過灋陰縣北不出其南又去郾

縣遠不得過今水道提綱敘汝水不言灋水源流

惟方輿紀要引舊志云灋水出泌陽縣北自平地

湧出如飛舞然東北流達舞陽縣東南爲三里河  
又東入於汝未知今水道然否水經入汝許云入  
潁乖異俟考○箋曰汝水舊從舞陽入西平說見  
前汝下

潁

水出南陽魯陽入父城

原本作城父今從繫傳

从水敖聲五

切

注曰南陽郡魯陽二志同今河南汝州魯山縣有  
魯陽故城是父城大徐作城父誤潁川郡父城二  
志同今汝州郟縣西四十里有父城故城是此條  
潁入父城與水經注所引合斷非沛郡之城父也  
水經注曰汝水又逕郟縣故城南潁水注之水出

魯陽縣之將孤山至父城與出魯城北山之桓水  
會亂流東北至邾人汝按今汝水出嵩縣之天息  
山東經伊陽縣汝州寶豐縣邾縣襄城縣而沙河  
來會尚與古水道不殊激水入汝亦必同古水道  
也

**瀨水出南陽舞陰中陽山**

陰原本作陽  
今從段正

**入潁从水親**

**聲**

七各切

注曰舞陰二徐皆作舞陽今正前志舞陰下曰中  
陰山瀨水所出東至蔡入汝水經曰瀨水出舞陰  
縣東上界山東過吳房濯陽上蔡縣入於汝酈云  
山海經謂之視水郭注視當爲瀨出葦山許慎云

出中陽山皆山之殊目也按志云中陰許作中陽  
雖酈注引作陽然中陰二字正葢之反語與中山  
經云出葢山者合疑作陰是也齊氏召南曰汝水  
舊從舞陽入西平界今水道與古全異所謂濯瀨  
滄汶溱澗亦難確鑿指證說已見前汝下

水出南陽平氏桐柏大復山東南入海从水佳聲

戶乖切

注曰今河南南陽府桐柏縣西北四十里有故平  
氏城前志南陽郡平氏下曰禹貢桐柏大復山在  
東南淮水所出至淮陵入海過郡四行三千二百  
四十里水經曰淮水出南陽平氏縣胎簪山東北



過桐柏山東過江夏廬江九江下邳諸郡至廣陵  
淮浦縣入於海按桐柏大復以四字爲山名漢志  
說文風俗通鄭注皆云桐柏大復山水經所謂胎  
簪亦卽桐柏耳今淮水出河南桐柏縣桐柏山東  
流經羅山縣息縣光州入江南界經霍丘潁上縣  
壽州懷遠鳳陽五河盱眙泗州至清河縣合於  
河經山陽阜甯安東縣至雲梯關入於海古水道  
河於冀州入海不與淮同入海淮之古水道今未  
有異淮自平氏至入海大致東北行東多北少許  
云東南南字誤○箋曰段謂桐柏大復以四字爲  
山名恐非是此漢志偶合偶而後人相承偶之耳

禹貢但作桐柏不當違異也齊氏召南曰桐柏山  
一名大復山大復胎簪皆桐柏之支峯也

**澧水出南陽魯陽堯山東北入汝**水**蚩聲**

直儿切

注曰前志南陽魯陽下曰魯山澧水所出東北至  
定陵入汝水經曰澧水出南陽魯陽縣西之堯山  
東北過潁川定陵縣西北東入於汝今沙河源出  
魯山縣西境之堯山東經寶豐縣葉縣舞陽縣汝  
水西北自襄城來會俗曰沙河卽古澧水也左傳  
僖三十三年楚人與晉師夾泚水而軍杜云泚水  
出魯陽縣東經襄城定陵入汝杜謂泚卽澧也又  
襄十八年楚伐鄭涉於魚齒之下杜鄭皆謂所涉

卽澧水

澧水出南陽雒衡山東入汝从水豐聲

盧厥切

注曰今南陽府治南陽縣北八十里有故雒城漢縣也前志南陽雒下曰衡山澧水所出東至郟入汝郟顏本譌作郟云音屋非也澧水今未詳此非入洞庭之澧水衡山亦非南嶽入洞庭之澧字本作醴禹貢江又東至于醴衛包始改爲澧鄭注醴爲陵云今長沙有醴陵縣馬融王肅醴爲水名夏本紀地理志皆作醴尙書正義史記索隱引楚詞濯余佩兮醴浦正作醴水經注出雒衡山者從酉出武陵者從水正是互譌也○箋曰澧與醴古字

通不可執一也

澗水出南陽蔡陽東入夏水从水員聲

王分切

注曰南陽郡蔡陽二志同故城當在今湖北德安府隨州境內夏水見上文沔字下水經曰澗水出蔡陽縣東南過隨縣西又南過江夏安陸縣西又東南入於夏酈云澗水出縣東南大沙山山在隨郡之西南竟陵之東北槃基所跨廣員百餘里今澗水出大洪山之陰東南經隨州應山安陸雲夢應城至漢川縣澗口塘入漢源流長五百里入漢卽古之入夏水也今漢夏不分又按水經德安府治卽古鄖國以水得名水經注曰隨水至安陸縣

故城西入於湏故郟城也

潁水出汝南弋陽垂山東入淮从水界聲

匹備切又匹制切

注曰汝南郡弋陽二志同今河南光州東北有故

弋陽城水經曰淮水東過期思縣北又東北潁水

注之水出弋陽南垂山西北流歷陰山關西北出

山又東北流逕新城戍東又東北得詔虞水口又

東北注淮俗曰白鷺水按今之曰露河也出光州

南三十里之南岳山北流又東入固始縣界合春

河注於淮春河卽水經注之詔虞水也水經注曰

泚水字或作潁

潁

原本篆作潁  
今從段正

水出汝南上蔡黑閭澗入汝从水音

聲音原本作意今從段正於力切

注曰篆文各本作意集韻類篇皆云說文作滄隸作憶是宋時古本如此今據正汝南上蔡縣二志同今汝甯府上蔡縣西南十里故蔡城是水經注曰汝水又東南逕新蔡縣故城南又東南左會憶水水上承汝水別流於奇雒城北爲黃陂東流於上蔡岡東爲蔡塘又東逕平輿縣故城南爲憶水又東南左逕爲葛陂又東出爲鮑水俗謂之三丈陂陂東注爲富水憶水正流自葛陂東南逕新蔡縣故城東而東南流注於汝方輿紀要曰憶水在汝甯府東四十里俗名洪河源出西平縣水道提

綱曰南汝水至新蔡縣之東南有洪河自西北來  
會洪河出舞陽縣東南之筆尖山經西平上蔡汝  
陽至新蔡縣南入汝大致東南流也按於古水道  
不改

水出汝南新鄴入潁从水凶聲無計切

注曰汝南郡新鄴見前志今安徽潁州府治阜陽  
縣東八里有新鄴城水經注潁水篇曰細水上承  
陽都阪陂水支分東南出爲細水東逕新陽縣故  
城北又東南逕宋縣故城北卽所謂鄴丘者也又  
南逕細陽縣又東南逕細陽縣故城南按今洧水  
不得其詳洧細古今字古音當在眞部

灑水出汝南吳房入颯从水瞿聲

其俱切

注曰汝南郡吳房二志同今汝甯府遂平縣治故吳房城也水經曰灑水出汝南吳房縣西北奧山東過其縣北入於汝酈云灑水東逕濯陽故城西東流入颯水逕其縣南又東入於汝今遂平縣西七十里奧來山蓋水經之奧山也水道提綱曰灑水今難確鑿指證

灑水出潁川陽城乾山東入淮从水頃聲豫州浸

余頃切

注曰今河南南府登封縣東南四十里有陽城廢縣前志潁川郡陽城下曰陽乾山潁水所出東至下



蔡入淮過郡三行千五百里荊州浸過郡三者潁  
川淮陽沛郡也水經曰潁水出潁川陽城縣西北  
少室山東南至慎縣入於淮按慎縣故城在今潁  
上縣水道提綱曰今潁水源出登封縣北嵩山西  
南之少室山東南經密縣禹州分爲二派一經新  
鄭縣至臨潁縣一經襄城縣至臨潁縣二支復合  
經商水縣合汝水又合滎陽水至陳州府南分爲  
二派一爲澗河一爲沙河澗河至江南太和縣與  
沙河合又經潁上縣與淮水合曰潁口皆東南流  
也又按職方氏曰荊州其浸潁湛豫州其浸波澨  
許潁下澨下皆曰豫州浸而澨下曰荊州浸此非

筆誤蓋按地形互易之地也



水出潁川陽城山東南入潁从水有聲

榮美切

注曰前志陽城下曰陽城山洧水所出東南至長平入潁過郡三行五百里過郡三者潁川南陽汝南也按據志則陽城縣有陽城山許不復言陽城如河南縣宏農縣之例水經曰洧水出河南密縣西南馬領山東南至習城西折入於潁酈曰亦言出陽城山蓋馬領之統目焉習城西折入潁卽地理志至長平入潁者也方輿紀要曰今洧水出登封縣陽城山經密縣至禹州新鄭縣合漆水爲雙洧河又經長葛洧川鄆陵扶溝至西華縣入潁大

致東南流也一統志曰洧水本至西華入潁宋時導之自扶溝入蔡左傳襄十一年濟隧九年陰坂廿年六年涉於樂氏說者云皆謂洧津也

潧

水出潁川陽城少室山東入潁从水悉聲

於謹切

注曰水經曰潧水出潧強縣南澤中東入潁鄭云潧水出潁川陽城縣少室山東流注於潁而亂流東南逕臨潎縣西北又東逕潧陽城北又東逕潧強縣故城南汝水於奇頡城西別東派時人謂之大潧水左合小潧水東逕西華縣故城南至汝陽縣故城北東注於潎按前志汝南郡潧強以潧水得名今大潧水在鄆城縣南至商水縣東二十里

合潁水小澗水在臨潁縣西南東流合於潁水澗  
一變爲隱再變爲澗

澗

水受淮陽扶溝浪湯渠東入淮从水過聲切

古禾

注曰今河南開封府扶溝縣漢縣地也前志淮陽  
國扶溝下曰渦水首受狼湯渠東至沛郡向入淮  
過郡三行千里水經曰淮水又東過當塗縣北過  
水從西北來注之又曰陰溝水出河南陽武縣蒗  
藹渠東南至沛爲澗水又東南至下邳淮陵縣入  
於淮酈云淮水於荆山北過水東南注之經言下  
邳淮陵入淮誤矣按淮水篇酈注云淮水逕當塗  
縣故城北又東北又北沙水注之經所謂蒗藹渠

也於荆山北過水東南注之據酈所云是渠水過水以次入淮也今渦水在安徽鳳陽府懷遠縣入淮其上流詳見水道提綱等書非漢志說文水經舊迹矣

洩水受九江博安洵波北入氏从水世聲

余制切

注曰前志九江郡博鄉此云博安與水經合水經曰泄水出博安縣北過芍陂西與泚水合西北入於淮注云博安縣地理志之博鄉縣也泄水自縣上承泚水於麻步川西北出歷濡谿謂之濡水自濡谿逕安豐縣北流注於潁亦謂之濡須口按潁即泚子見泚水篇注洵波無考疑作芍陂氏當作

泚毛詩大雅傳曰泄泄猶沓沓也此謂假泄爲詭也○箋曰受當作出

泗水受陳畱浚儀陰溝至蒙爲雒水東入於泗从水

反聲

皮夔切

注曰陳畱郡浚儀二志同今開封府祥符縣西北浚儀廢縣是也蒙二志皆屬梁國春秋左傳宋有蒙門蒙澤今歸德府治商邱縣東北四十里有蒙城是也前志河南郡滎陽下曰卞水在西南梁國蒙下曰獲水首受畱獲渠東北至彭城入泗水經曰汧水出陰溝於浚儀縣北又東至梁郡蒙縣爲獲水餘波南入睢陽城中按水經至蒙爲獲水許

書當同不當云爲雒水也方輿紀要曰汜水或謂  
卽禹貢之雒水春秋之邳水秦漢之鴻溝上與河  
沛通下與泗淮通隋以前自歸德府至蕭縣碭山  
縣間入泗隋以後則自歸德至泗州兩城開入淮  
宋時東南之漕大都由汴以達畿邑故汴河之經  
理爲詳自後則湮廢矣禹貢雖指曰元至元中河  
徙出陽武縣南奪過入淮而新鄉之流遂絕及秦  
定元年改從汴渠至徐州城東北合泗以入淮卽  
今河所行是也然則今之大河開封而下徐州而  
上皆故汴也又按變汜爲汴未知起於何代恐是  
魏晉都洛陽惡其從反而改之舊音切芳萬今則

併其音改之也。箋曰：芳萬切，重唇音，讀若曼與。今音歛侈之異不甚相遠。

**澗水出鄭國**。从水，會聲。詩曰：澗與洧，方渙渙兮。側洗切。

注曰：鄭國，謂周之鄭國，卽漢之新鄭也。鄭語曰：前華後河，右洛左濟，主芣騶而食溱洧。水經曰：澗水出鄭縣西北平地，鄆云出鄆城西北，難絡隰下，東南流，左合溱水，又南左會承雲山水，又東南逕鄆城，西謂之柳泉水，又南注於洧。世亦謂之爲鄆水也。今溱水在開封府密縣東北，流經新鄭縣西北，南流合洧水，爲雙泊河，而洧盛溱涸矣。按秦聲在眞部，會聲則在蒸部，而經傳皆作溱，鄭風騶裳溱。



溱與豈無他人爲韻學者疑之按說文水經皆云  
澮水在鄭因鄭風異部合韻遂形聲俱變之耳此  
引詩各本作渙渙釋文曰韓詩作洹洹音丸說文  
作汎音父弓反音義俱非蓋汎汎之誤今正○箋  
曰溱洧字古籍未有作澮者全氏祖望曰溱水說  
文以出桂陽臨武者當之其出鄭縣者以爲澮水  
不知何時盡毛詩外傳國語孟子史漢諸書之澮  
胥改爲溱猶幸水經存其舊稱畱說文之學灑謂  
天下之水異地同名者甚多鄭國有溱桂陽亦有  
溱不害其同桑欽在許君之前不得謂水經畱說  
文之學此正桑氏之誤而許承之耳余方以毛詩

國語史漢諸書皆作漆爲可據而全氏乃以爲後人盡改之又鄭風漆與人韵尤其明證而段氏反以詩爲異部合韵此眞所謂甯言孔孟誤不道服鄭非者矣渙字亦不宜輕改陸氏固引作汎不作汎卽作汎亦未可偏信也

淩水在臨淮从水麥聲

力膺切

注曰前志泗水國淩應劭曰淩水所出入淮南後志淩屬廣陵郡水經注曰淮水左逕泗水國南淩水出淩縣東流逕其縣故城東而東南流注於淮是曰淩口今江蘇徐州府宿遷縣東南五十里有淩城淩水今未詳

濟水出東郡濮陽南入鉅野从水僕聲

博木切

注曰東郡濮陽二志同今直隸大名府開州西南  
濮陽故城是也前志山陽郡鉅野下曰大埜澤在  
北兖州藪今山東曹州府鉅野縣漢舊縣也自隋  
以後濟流枯竭大野漸微元末爲河所決河徙後  
遂涸爲平陸又前志陳留郡封丘下曰濮渠水首  
受沛東北至都關入羊里水水經注濟水篇言濮  
渠故瀆自濟東北流爲高梁陂又東逕匡城北又  
東北逕酸棗縣故城南又東逕蒲城韋城長垣故  
城又東分爲二瀆北濮出焉濮渠又東逕須城濮  
陽故城狐故城葭密故城又東北逕鹿城南又

東與句瀆合與濟同入鉅野按此卽許所說故道也今濮河自河南封丘縣流徑長垣縣北東明縣南又東經開州東南合洪河入山東濮州界俗謠爲昔河方輿紀要曰今濟絕河遷濮水源流不可復考矣

齊魯聞水也从水樂聲春秋傳曰公會齊侯于灤

盧谷切

注曰水經注濟水篇曰濟水又逕盧縣故城北又逕什城北又東北右會玉水又東北灤水入焉水出歷城縣故城西南春秋桓公十八年公會齊侯於灤是也俗謂之娥莒水合大明湖歷水北流注

於濟齊乘曰小清河之在歷城者卽古灤水按今  
濟南府歷城縣小清河源出縣西東經章邱鄒平  
長山新城入青州府高苑縣至博興縣合時水入  
海而章邱以下淤塞灤水東北入大清河釋文引  
說文灤匹沃反此蓋音隱文也元應曰凡陂池山  
東名爲灤匹博切鄒東有鸕鷀灤是也幽州呼爲  
淀音殿按灤泊古今字如梁山泊是也○箋曰灤  
泊雙聲

灤

水在魯从水郭聲

苦郭切

注曰春秋經襄十九年取邾田自灤水水經注泗  
水篇曰灤水出東海合鄉縣西南流入洙又逕魯

國鄒山東南而西南流左傳所謂嶧山詩所謂係  
有鳧嶧者也又西南逕蕃縣故城南又西逕薛縣  
故城北又西至湖陸縣入於泗按合鄉蕃薛故城  
皆在今滕縣不云在魯邾婁之間徑云在魯者邾  
婁魯附庸非敵故立文如是一統志曰灑水源出  
滕縣東北百里述山西流會諸泉水逕縣南又西  
會南梁河入運河舊名南沙河西南流入泗不與  
南梁會自漕河東徙過其南流乃北出趙溝會南  
梁以入運河耳○箋曰合鄉漢隸東海郡其郡治  
卽今沂州府郯城縣與滕相去絕遠滕縣境內似  
不得有合鄉故城舊說有誤鄆云灑水出合鄉西

南流入邾又逕魯國鄒山地望益不合魯在滕之  
北無西南流入邾逕魯之理也今圖經潁水出滕  
縣東北述山西南流入運河亦與許鄆說乖異蓋  
自昔本從魯至滕而入泗今水道變遷湮廢但舉  
其近源耳至若從魯至滕而許渾言在魯則無足  
異也

淨

魯北城門池也

水爭聲土耕切又才性切

注曰公羊傳閔二年桓公使高子將南陽之甲立  
僖公而城魯或曰自鹿門至于爭門者是也或曰  
自爭門至于吏門者是也按鹿門者魯南城之東  
門爭門者魯北城之門淨者北門之池其門曰爭

門則其池曰淨从爭旁水也廣韻曰埽七耕切魯  
城北門池也蓋古書有作埽者城北誤倒今俗用  
爲澗字釋爲無垢蔑切以才性今義非古義也

**濕**水出東郡東武陽入海从水濕聲桑欽云出平原

高唐

他合切

注曰今山東曹州府朝城縣東南有東武陽城前  
志東郡東武陽下曰禹治濕水東北至于乘入海  
過郡三行干二十里過郡三者東郡平原干乘也  
水經曰河水又東北過高唐縣東鄉云河水於縣  
濕水注之濕水上承河水於東武陽縣東南而北  
逕武陽新城東又逕東武陽平故城又北絕莘



道城之西北又東北逕樂平聊城清河故城又逕  
文鄉城又逕博平瑗縣高唐溧陰著縣故城又逕  
崔氏城又逕鄒平建信故城又逕干乘縣二城閒  
又東北爲馬常坑亂河枝流而入於海地理志桑  
欽曰溧水出高唐余按竹書穆天子傳兩言溧水  
尋其沿歷逕趣不得近出高唐桑氏所言蓋津流  
所出次於是閒也玉裁按桑舉其源之近者耳溧  
水故瀆今不可詳日部彙讀若唵故濕之古音在  
侵部漢隸以濕爲燥溼字乃以溧爲沛濕字累者  
俗彙字在支部音殊遠隔也○箋曰溧省爲溧日  
誤爲田遂誤作溧錢氏大昕桂氏馥竝云

泗水出山陽平樂東北入泗从水包聲

四交切

注曰前志山陽郡平樂下曰泡水東北至沛入泗水經注泗水篇曰黃溝又東逕平樂縣故城南又東右合泡水卽豐水之上源也自下豐泡竝得通併按今泡河自山東單縣流逕江蘇豐縣北又東逕沛縣界循城東南至泗亭驛而合於泗今俗曰包河又按泡又流貌也或曰浮漚也

潁潁澤水在山陽胡陵禹貢浮于淮泗達于潁从水

苛聲

古俄切

注曰各本水上衍澤字陵下奪南字今依尚書音義正前志山陽湖陵下曰禹貢潁水在南濟陰郡

下日禹貢荷澤在定陶東是豫州荷澤徐州荷水  
畫然二事依水經及注荷水雖源於荷澤而與荷  
澤迥別釋文於徐州引說文水出山陽湖陵南非  
荷澤也今本說文漢人增澤大誤矣今山東兗州  
府魚臺縣東南六十里有湖陵故城與江南沛縣  
接界尚書古文疏證曰自淮而泗自泗而荷然後  
由荷入沛以達於河徐之貢道也又按此當左形  
右聲篆體取結構乃似上艸下河耳五經文字云  
荷見夏書古本亦作荷玉裁謂古尚書史記漢書  
水經注皆作荷或是假借或是字誤不可定而應  
劭曰尚書荷水一名湖韋注漢曰荷胡阿反是則

湖陵以荷水得名荷與湖語之轉至若今史記漢書俗本尚書作浮于淮泗達于河皆誤字也○箋曰段分澇澤與澇水爲二事頗爲支離水經云澇水又東至乘氏縣西分爲二其一水東南流過乘氏昌邑金鄉東緡方與縣爲澇水又東過陸縣南東入於泗水按乘氏故城在今鉅野縣西定陶縣東卽澇澤之所在自定陶鉅野至金鄉魚臺爲澇水之所經趙氏一清云在定陶者其澤在湖陵者其流是也說文云澇澤水在湖陵蓋以水所從出而名其委或爲後人所增改亦未可知書釋文引說文在作出乃誤字不得以此謂澇水與澇澤迥

別也又潯澤在定陶東今曹州府附郭縣曰潯澤者蓋漢之乘氏本在鉅野縣境魏太和中徙治於此後人以潯澤在乘氏而因以名之也又按漢志濟陰郡下師古注云潯音柯乃爲从苛作音是小顏本不作荷也

泗  
受沛水東入淮从水四聲

息利切

注曰地理志濟陰乘氏下曰泗水東南至睢陵入淮又魯國卞縣下曰泗水出西南至方輿入沛過郡三行五百里青州川出乘氏者其遠源出卞者其近源過郡三當作二魯山陽也水經曰泗水出魯卞縣北山西南過魯縣瑕丘平陽高平方輿湖

陸沛縣彭城呂縣下邳入於淮此舉卞縣以下所經二郡也今兗州府泗水縣東五十里有卞故城許不言水所出但云受沛水則又舉其源之至近者也水經言濟水又東過湖陸縣南東入於泗前志泗水至方與入沛一謂濟入泗一謂泗入沛酈注云泗濟合流互受通稱也按許言泗受濟水則與水經合今泗水出縣東陪尾山西南流徑曲阜滋陽與沂水合入金口閘又南流徑鄒縣至濟甯州天井閘入運河禹貢錐指曰泗水自泗水縣歷曲阜滋陽濟甯鄒縣魚臺滕縣沛縣徐州邳州宿遷桃源至清河縣入淮此禹跡也今其故道自徐

州以南悉爲黃河所占一統志引志云金口之堰  
脩而泗水盡入於漕又按毛詩傳曰自目曰涕自  
鼻曰泗○箋曰漢睢陵卽今徐州府睢甯縣與宿  
遷桃源爲鄰故志云泗水至睢陵入淮此言其下  
流非舉其遠源也其繫之濟陰乘氏下則大誤此  
非班氏原文蓋後人因東晉時常於睢陵僑置濟  
陰郡故妄加增竄耳又據水經泗水從瑕丘經平  
陽高平方與湖陸卽今滋陽鄒縣魚臺之地是古  
泗水不入濟甯州錐指說似小誤

泗

水在晉魯間

齊晉原本作

水亘聲

羽元切

注曰齊當依水經注所引說文作晉左傳成七年

聲伯夢涉洹杜曰洹水出汲郡林慮縣東北至魏郡長樂縣入清水水經曰洹水出上黨涿氏縣東過隆慮縣北又東北出山過鄴縣南又東過內黃縣北東入於白溝林慮卽隆慮今河南彰德府林縣是其地也今洹水自山西長子縣流入經林縣安陽內黃入衛河按許當云在晉衛之間今云晉魯者魯衛相近以魯聲伯夢涉而云也



河澗水在宋从水澗聲

於容切

注口水經曰瓠子河出東郡濮陽縣北河鄆云尙書離沮會同爾雅曰水自河出爲澗許慎曰澗者河澗水也是鄭意以瓠子河爲尙書之澗也許云



在宋說者以汲水當之

澶澶淵水在宋从水直聲

市連切

注曰春秋經襄二十年盟于澶淵三十年會于澶淵宋災故杜注澶淵在頓工縣南今名縣汙此衛地又近戚田按頓工今直隸大名府清豐縣西南二十五里頓工故城是也澶淵卽縣水在河南彰德府內黃縣東二十六里史記廉頗拔魏縣陽漢置縣屬魏郡應劭曰在縣水之陽也張晏曰其界爲縣淵按縣與澶邊韵汙與淵雙聲縣陽故城在今內黃縣東北二十七里實衛地而云在宋者蓋以春秋書宋災故而云然未爲審也

涑水出泰山蓋臨樂山北入泗从水朱聲切

市朱切

注曰泰山郡蓋二志同今山東沂州府沂水縣西北七十里有蓋城前志蓋下曰臨樂于山涑水所出西北至蓋入池水水經曰涑水出泰山蓋縣臨樂山西南至卞縣入於泗按此條水經與志迥殊志云臨樂于山謂渤海郡臨樂縣之于山也而經注皆刪于字謂臨樂爲蓋縣山名其亦誤矣許書亦淺人用水經改竄之今涑水在曲阜縣北四里上不得其源下流不入泗而入沂又迥非酈氏之舊蓋以湮沒而以是冒之耳○箋曰勃海郡臨樂縣爲今河閒府甯津縣地與曲阜南北隔絕謂涑

水出此互古未聞其云西北至蓋方向固誤若云南流則此水穿馬頰徒駭二巨川又穿濟水而南恐無此理且其閒尙隔泰山此真迂謬已甚蓋不足辨水經所言與許合當可據段反謂桑鄺刪于字而許書爲後人所改亦擇焉不精矣今出蓋之洙水亦無可考

灑

水出青州浸从水灑聲

食聿切

注曰出下有奪文當補琅邪東莞南入泗七字周禮青州其浸沂沭鄭注沭出東莞前志琅邪郡東莞術水南至下邳入泗過郡三行七百一十里青州浸今沂州府沂水縣治西北有東莞故城水經

曰泚水出琅邪東莞縣西北大弁山東入於沂  
曰舊瀆入泗非入沂也今泚水出沂水縣北臨朐  
縣南之沂山東南流逕莒州郟城又西南流入江  
南泚陽縣界分爲二派下流入海迥非舊道矣

水出東海費東西入泗从水斤聲一曰沂水出泰

山蓋青州浸

魚衣切

注曰東海郡費見前志春秋魯季氏邑今山東沂  
州府費縣西北二十里費故城是也職方氏曰青  
州其山鎮曰沂山其浸沂流鄭曰沂山沂水所出  
也在蓋前志泰山郡蓋下曰沂水出水經曰沂水  
出泰山蓋縣艾山許云出東海費東說乖異者蓋

沂山卽東泰山是山盤回數縣今沂水出沂水縣之雕厓山卽沂山西峯也又西北接大弁山卽流水所出也前志曰沂水南至下邳入泗許云西入泗疑當作南入然酈善長所據已作西矣今沂水出雕厓山東南流逕沂水縣西又南流逕蘭山郛城入江南邳州界○箋曰或疑沂水自昔蓋西流入曲阜爲舞雩沂水之上源故許云西入泗洙水亦當然今水道湮變此說似是而非何以明之今沂州諸小水如東汶河祊河洙河皆發源於西而東行蓋地勢使然似未有西流者也

泮水出齊臨朐高山東北入鉅定从水羊聲

似羊

注曰齊郡臨朐今山東青州府臨朐縣其地也前  
志臨朐下曰石膏山洋水所出東北至廣饒入鉅  
定水經注曰巨洋水又逕臨朐縣故城東又東北  
逕委粟山又東北洋水注之水西出石膏山西北  
石澗口東南逕逢山祠西又東南歷逢山下卽石  
膏山也巨洋水又東北逕劇縣故城西又東北逕  
益縣故城東又東北積而爲潭枝津出焉謂之百  
尺溝西北流注於巨淀又東北逕壽光縣故城西  
又東北注於海按許云高山卽石膏山也前志齊  
郡有廣饒鉅定二縣馬車瀆水首受鉅定然則鉅  
定本水名因以爲縣名定淀古今字魏都賦張注

淀者如淵而淺是也廣饒鉅定故城皆在今青州府樂安縣境今樂安縣東北四十里清水泊卽古鉅定湖巨洋水今日灤河源出今臨朐縣南沂山西麓北流逕臨朐益都至壽光縣東北會黑塚泊入於海又按毛詩衛風傳曰洋洋盛大也魯頌傳曰洋洋眾多也讀與章切

濁

水出齊郡廣爲山

廣爲原本作厲媯今正

東北入鉅定从水

蜀聲

直角切

注曰厲當作廣媯當作爲皆字之誤齊郡廣今山東青州府益都縣西南四里廣縣故城是也前志廣下曰爲山濁水所出東北至廣饒入鉅定水經

注曰淄水又東北逕廣饒縣故城南又東北馬車  
瀆水注之水首受巨淀淀卽濁水所注也呂忱曰  
濁水一名溷水出廣縣爲山一名冶嶺山

灑

水出北海桑犢覆餽山

原本北作東  
犢作瀆今正

東北入海一

曰灌注也从水既聲

古代切

注曰北海郡桑犢見前志今山東萊州府濰縣有  
桑犢故城前志桑犢下云覆餽山漑水所出東北  
至都昌入海今濰縣東南四十里漑源山卽覆餽  
山也水經注亦謂之塔山今漑水北流至昌邑縣  
境入海卽東虞河也亦曰東丹河古多借爲濯攬  
字



灤

水出琅邪箕屋山東入海兗州浸

兗原本作徐今正

夏書

曰灤淄其道从水維聲

以追切

注曰琅邪郡箕故城當在今山東沂州府莒州境  
前志箕下云禹貢維水北至都昌入海過郡三行  
五百二十里兗州滄也按今灤水出莒州西北屋  
山東南流入諸城縣界北逕昌邑縣入海曰灤河  
口與古水道合漢都昌城在今昌邑縣西也徐當  
作兗職方氏河東曰兗州其浸盧維灤淄其道禹  
貢青州文許無淄字蓋俗加水旁耳周禮作菑漢  
志作淄古字也

洛

水出琅邪靈門壺山東北入灤从水吾聲

五乎切

注曰今沂州府莒州北二十里有靈門城前志琅  
邪靈門下曰壺山浯水所出東北入淮淮當作濰  
字之誤也水經注曰浯水出浯山世謂之巨平山  
許慎言水出靈門山世謂之浯汶矣其水東北逕  
姑幕縣故城東又東北逕平昌縣故城北又東北  
流注於濰水今浯水自莒州流入諸城縣界東北  
流逕安丘縣東南入濰水

汶

水出琅邪朱虛東泰山東入濰从水文聲桑欽說  
汶水出泰山萊蕪西南入沛

切  
運

注曰今青州府臨朐縣東六十里有朱虛故城前  
志琅邪朱虛下曰東泰山汶水所出東至安丘入

維按東泰山卽封禪書黃帝封東泰山今沂山是也今東汶河源出臨朐縣南沂山東北谷東流近穆陵關至安丘縣與濰水會謂之東汶水以別於禹貢汶水也桑欽說出泰山萊蕪者謂禹貢汶水前志泰山萊蕪下曰原山禹貢汶水出西南人泲水經曰汶水又西南過壽張縣北又西南至安民亭入於濟按舊泲水合汶於安民亭今東平州西南十里安山鎮卽古亭也今汶水出萊蕪縣東北七十里之原山亦名馬耳山西南流經泰安府南境至汶上縣北之戴村壩又經汶上西南境之南旺分流南北南流者四分以接徐沛北流者六分

以接臨清自明永樂中宋禮開會通河以及國  
朝運河皆全資汶水而入沛之故道湮矣按二汶  
水在齊漢人嶠山嶠江字作汶以古音同假借也  
考工記貉踰汶則夙鄭云汶水在魯北考工記多  
齊語則謂入沛之汶無疑也

**淄水出東萊曲成陽正山**

城原本作  
城今正

**南入海从水台**

**聲**

直之  
切

注曰今萊州府掖縣東北六十里有曲成故城前  
志東萊郡曲成下曰陽正山治水所出南至沂入  
海按沂字疑誤今掖縣東南三十里有陽正山亦  
名馬鞍山今治水名小沽河自掖縣馬鞍山南流

至平度州東南與大沽河合流至膠州之麻灣口  
入海一統志曰左傳昭二十年姑尤以西杜注姑  
水尤水皆在城陽郡東南入海齊乘云姑卽大沽  
河尤卽小沽河玉裁謂尤古音讀如貽與治同部  
齊乘之言可信也又按今字訓理蓋由借治爲理

滄

水出魏郡武安東北入呼沱水从水靈聲靈籀文

寢字

子鳩切  
隸作浸

注曰今河南彰德府武安縣西南五十里有武安  
故城前志魏郡武安下曰滹水東北至信都國東  
昌入虛池河過郡五行六百一十里○箋曰今武  
安縣有南洛北洛二水合流東逕臨洛關折而東

北流匯南泊入大陸澤至冀州會呼沱河東入海  
蓋卽班許所謂浸水浸之爲名以南泊也

**澧水出趙國襄國之西山東北入澧**从水禺聲  
俱切

注曰今直隸順德府邢臺縣西南有襄國故城商

祖乙遷於邢周時邢國皆在此前志趙國襄國下

曰西山渠水所出東北至廣平國任縣入滹按渠

水當是澧水之譌一統志曰澧河源出邢臺縣東

南東流逕南和又東北逕任縣東至隆平縣入胡

盧河卽百泉也方輿紀要曰百泉水蓋卽澧河之

上源引志云百泉水一名澧水又名鴛鴦水隋志

以爲澧水也鴛鴦水在南和縣西見魏都賦注澧

顏師古音藕

源水出趙國襄國東入渦从水虎聲

息移切

注曰前志襄國下云又有蓼水馮水皆東至廣平國朝平入渦按馮水當是灑水之譌廣平國南和下云列葭水東入灑蓋渦灑二水今不可別矣灑入渦渦入浸浸入虜沱虜沱移徙不常故道今不可考水經注虜沱篇佚

濁水在常山中止逢山東入渦从水者聲爾雅曰小

洲曰渚

章與切

注曰前志常山郡中止下云逢山長谷諸水所出東至張邑入濁按諸當作渚濁當作渦皆字之誤

也張邑卽廣平國之張中上渚水俟考小州曰渚  
釋水文○箋曰在疑出之謬

洙

水出常山石邑井陘東南入于泚从水交聲邠國

有洙縣

下交切

注曰今直隸正定府獲鹿縣西南有石邑城戰國  
時趙邑也前志常山郡石邑下曰井陘山在西洙  
水所出東南至慶陶入泚今洙河出獲鹿縣南東  
流逕樂城縣西又南入趙州界舊志云下流至甯  
晉縣注於胡盧河上源四泉交合故謂之洙也師  
古曰音效又音交

濟

水出常山房子贊皇山東入泚从水齊聲

子禮切



注日常山郡房子今正定府贊皇縣是其地前志  
房子下曰贊皇山石濟水所出東至屢陶入泝後  
志曰贊皇山在縣西南六十里濟水所出按此水  
名與四瀆之泝字各不同而經傳皆作濟風俗通  
遂誤以常山房子之水列入四瀆前志石濟水石  
字疑衍一統志曰舊志云槐水出黃沙嶺流經贊  
皇縣西北十里入元氏縣界合泝水又東南歷高  
邑柏鄉達甯晉縣入胡盧河卽古大陸澤玉裁謂  
槐水卽古濟水也

泝水在常山从水氐聲

直尼切

注日前志常山郡元氏下曰沮水首受中北西山

窮泉谷至堂陽入黃河按沮當作泚北山經注云  
今泚水出中丘縣西窮泉谷東注於堂陽縣入於  
漳水以郭正班知沮爲字之誤由書氏作互遂譌  
且耳班志入黃河亦當依郭作濁漳考水經注濁  
漳過堂陽縣而河水不逕堂陽元和志曰泚水在  
贊皇縣西南二十五里卽韓信斬陳餘處今泚水  
在元氏縣源出封龍山東南入槐河泚與濟互受  
通稱按蘇林音祇晉灼音邸師古音脂又丁計反  
司馬貞曰今俗呼此水音如邸○箋曰此在字亦  
出之譌常山下疑奪中丘窮泉谷入漳七字

灑

水出涿郡故安東入涑

原本作漆涑今從段正

从水需聲

朱

切

注曰涑各本作漆涑二字今正戴先生曰易水篇注云許慎曰濡水入涑涑卽巨馬之異名與巨馬河注巨馬河卽涑水也正合今水經注涑譌涑說文涑譌漆涑二字皆字之誤耳涑郡故安二志同今直隸易州東南有故安故城是戰國時燕與趙易土燕以武陽與趙卽此也前志故安下曰閭鄉易水所出東至范陽入濡并州渡濡水亦至范陽入涑今本漢志脫濡字師古謬爲之注非也水經注曰易水逕范陽縣故城南又東與濡水合水出故安縣西北窮獨山南谷東流與源泉水合又東

逕武陽城西北又東得白楊水口又東合檀水又  
東南流於容城縣西北大利亭東南合易水而注  
巨馬水也按左傳昭七年盟於濤上釋文云說文  
女于反是音隱舊說此水斷不作乃官反也師古  
注漢書於故安下云濡乃官反殊誤漁陽郡白檀  
下濡水出北蠻夷中遼西郡肥如下濡水南入海  
陽此則酈注濡水篇所謂濡難聲相近今謂之灤  
河者音乃官反是矣其字蓋本作溷譌而爲濡○  
箋曰今北易水源出易州西山二源合而東南流  
有濡水自西南窮獨山來會至定興縣卽漢范陽  
縣之西拒馬河從北來注之卽涑水也又東南流

過容城東北境酈氏謂東南流於容城合易水而

注巨馬水與今水道小異

灋

水出右北平俊靡

俊原本作浚今從段正

東南入庚从水壘

聲

力軌切

注曰俊各本作浚今依二志作俊今直隸遵化州西北有俊靡故城前志右北平無終下曰溲水西至雍奴入海俊靡下曰灋水南至無終東入庚溲與庚一字也水經注曰鮑工水北逕雍奴縣東又東庚水注之水出右北平徐無縣北塞中而南流得黑牛谷水又西南流灋水注之水出右北平俊靡縣東南流與灋泉水合又東南逕石門峽又西

南逕無終山藍水注之又西南入於庚水庚水又南逕北平城西而南入鮑工水鮑工水又東巨梁水注之鮑工水至雍奴縣北屈東入海歛程氏瑤田曰今澤水自遵化州西北四十五里鮎魚石關外入口東經溫泉鄜所謂與溫泉水合也又東池南十五里曰水門口鄜所謂石門峽也又西南入梨河梨河卽庚水也庚水旣得澤水又稍西而淋河南入之淋河鄜所謂藍水也鮑工水今之潮河也潮河合洵水庚水東流有還鄉河西南入之鄜所謂巨梁水也流俗多誤以古正之如此澤梨一聲之轉澤水俗呼梨河因使所入之庚水冒僞梨

河而巨梁河冒偁庚水

沽水出漁陽塞外東入海从水古聲

古胡切

注曰今順天府密雲縣西南三十里有漁陽故城  
前志漁陽郡漁陽下曰沽水出塞外東南至泉州  
入海行七百五十里水經曰沽河從塞外來南過  
漁陽狐奴縣北西南與灑餘水合爲潞河又東南  
至雍奴縣西爲笥溝又東南至泉州縣與清河合  
東入於海清河者派河尾也按凡日出某縣塞外  
某縣徼外某縣某方蠻夷中者皆言其來之遠不  
可得其地名故系之某縣也此云漁陽塞外則非  
出漁陽矣今直隸之白河卽沽河也白河遠出宣

化府獨石口之獨石水合赤城水龍門水東南流  
遼密雲縣西與潮河合潮河古鮑工水也既得潮  
河西南遼懷柔縣東南南經順義縣東至通州城  
北東南三面俗稱古潞水又南逕舊滹縣西又逕  
香河縣西南又東南逕武清縣東又東南入天津  
縣界合諸大川由直沽入海與酈注所述不甚異  
程氏瑤田曰俗謂沽水及酈注之獨固門漁水處  
山皆在今之薊州者繆甚玉裁謂方輿紀要謂漢  
漁陽在今薊州亦大繆

水出遼東番汗塞外西南入海从水市聲

昔蓋切

注曰番音盤汗音寒今奉天府遼陽州漢遼東郡



治也番汗未聞前志遼東郡番汗下曰沛水出塞外西南入海沛水亦未聞今字爲顛沛跋之假借也大雅蕩傳曰沛拔也是也拔當作跋又孟子沛然莫之能禦蓋勃然之假借也

源

水出樂浪鏤方東入海从水貝聲一曰出浪水縣

音拜切

注曰樂浪音洛郎鏤方未聞前志樂浪郡浪水縣下曰浪水西至增地入海水經曰浪水出樂浪鏤方東南過臨浪縣東入於海按漢志是說文及水經非也酈云其水西流逕故樂浪朝鮮縣卽樂浪郡治而西北流故地理志曰浪水西至增地縣入

海涿水今朝鮮國之大通江在平壤城北平壤城  
卽古王險城漢之朝鮮縣也隋書曰平壤城南臨  
涿水

灤

北方水也从水襄聲

斤乖切

注曰北山經曰獄法之山灤津之水出焉

灤

水出雁門陰館累頭山東入海或曰治水也从水

灤聲

力追切

注曰今山西代州北四十里有陰館城在句注陘

北窰頭山在今朔州代州之間前志雁門郡陰館

下曰窰頭山治水所出東至泉州入海過郡六行

千一百里水經曰灤水出雁門陰館縣東北過代

郡桑乾縣南又東過涿鹿廣陽薊縣漁陽雍奴縣  
西入笥溝按前志代郡且如下于延水出塞外東  
至廣甯入治平舒下祁夷水北至桑乾入治小顏  
本治皆譌沽姑故二音其繆甚矣酈云地理志于  
延水泉至廣甯入治非是者謂于延迺廣甯故城  
南又迺茹縣故城北又迺且居縣故城南乃後注  
於灤水不當云在廣甯入治也新校本經注改治  
作沽不免誤會今直隸永定河卽桑乾河卽古灤  
水也源出山西朔州馬邑縣洪濤山會灰河經馬  
邑山陰縣應州廣靈縣入直隸界經西甯懷安宛  
平良鄉固安永清縣至天津大沽北入於海○箋

曰灤水至大沽入海故亦謂之沽水新校本經注  
改治作沽似非誤會地理志于延水祁夷水原木  
並作入沽亦非小顏之繆段氏凡引書作證往往  
徑改原文以爲今本之誤不可爲訓鄭注言地理  
志于延水亦正謂其至廣甯入沽爲非耳惟雁門  
郡陰館下治水師古云音弋之反未能畫一此與  
上文治水出東萊曲城陽並山南入海亦名小沽  
河者皆似有岐誤治與沽二文形近未知其孰是  
也

澶

水出北地直路西東入洛从水盧聲

側加切

注曰前志北地郡直路下曰沮水出東西入洛東

西二字誤倒水經曰沮水出北地直路縣東過馮翊葭縣北東入於洛是也今沮水出邠州中部縣西北子午山東南流經縣城南又東稍北入洛河蓋非班許水經所謂也水經渭水又東過華陰縣北注云洛水入焉闕駟以爲漆沮之水也是則洛水之下流古稱漆沮炳焉可信尙書傳云漆沮一水名亦曰洛水今版本皆作二水名然則亦曰洛水者謂漆乎謂沮乎不可通矣若周頌傳云漆沮岐周之二水也此言涇西之漆沮爲二水以別於涇東之漆沮爲一水耳○箋曰岐周漆沮二水久湮故書傳以洛水當之而後人以出中部縣子

午山之水俗名東沮者強相牽合中部卽漢之直  
路也東沮卽許書之澶也而段以爲非班許水經  
所謂不知何意禹貢明言東會于涇又東過漆沮  
與洛相去絕遠段謂洛之下流古僞漆沮益非矣  
又以書傳云漆沮二水名改爲一水此則襲王氏  
應麟詩說而誤也互詳前漆篆下

泗

水起雁門後人戍夫山東北入海从水瓜聲

古胡切

注曰後人縣後志無前志屬太原郡此屬雁門者  
二郡境相接容有改屬也後如涪音瓌師古音山  
寡反史記周勃樊噲二傳作穰人左傳襄十年之  
霍人也今山西代州繁峙縣南有後人故城戍夫

山卽秦戲之山北山經曰秦戲之山虜沱之水出焉而東流注於漢水郭云今虜沱水出雁門鹵城縣南武夫山李吉甫曰秦戲山一名武夫山在繁峙縣東南虜沱水出焉通典虜沱水出繁峙縣東南派阜山明統志謂之小派山大派山然則派水卽虜沱之源也

**滹**水起北地靈工東入河从水寇聲滹水卽漚夷水

并州川也

苦候切

注曰北地當作代郡今山西大同府靈工縣東有靈工故城前志代郡靈工下曰滹水東至文安入大河過郡五行九百四十里水經曰滹水出代郡

靈工縣高氏山東南過廣昌縣南又東南過中山  
上曲陽北恆水從西來注之又東過唐縣安熹安  
國博陵縣又東北注於易今直隸唐河卽古漚水  
也出大同府渾源州南今翠屏山卽古高氏山東  
南流入靈工縣又東南流入倒馬關逕唐縣過定  
州祁州會沙滋二水又東北逕博野蠡縣高陽縣  
又北逕安州東入白洋淀一統志曰據水經注蓋  
寇水故道本由今清苑縣東南與濡博諸水合流  
注易今徙而東按職方氏并州其川虜池嘔夷漚  
當作嘔漚卽嘔夷也又志云入大河有誤大河之  
名亦非志所有



涑水起北地廣昌東入河从水來聲并州浸

格哀切

注曰北地當作代郡代郡廣昌見前志後志屬中山國今直隸易州廣昌縣北有廣昌故城職方氏曰并州其浸涑易前志廣昌下曰涑水東南至容城入河過郡三行五百里并州浸水經曰巨馬河出代郡廣昌縣涑山巨馬河卽涑水也東過迺縣北又東南過容城縣北又東過勃海東平舒縣東入於海鄜云巨馬水於東平舒北南入於滹沱而同歸於海也今涑水一名巨馬河源出廣昌縣南東流轉南逕涑水縣東又南入定興縣界又東南逕容城東北雄縣西又東入保定縣界非鄜注舊

迹也。箋曰：班許云入河，蓋指古昔而言。自河徙而入於海矣。

**泥水**出北地郁郅北蠻中从水尼聲

奴低切

注曰：今甘肅慶陽府安化縣治，卽郁郅故城也。前志北地郡郁郅下曰泥水出北蠻夷中。一統志曰：東河在安化縣東，卽白馬水也。寰宇記白馬水出北塞夷中，引水經注云洛川南，逕尉李城東北，合馬嶺水，號白馬水。明統志東河來自沙漠，至安化城北，合懷安及靈溝水，南流至合水縣，爲馬蓮河。卽古泥水也。按馬蓮卽馬嶺之轉語。

**清西河**美稷保東北水从水南聲

奴感切

注曰西河郡美稷見前志今蒙古鄂爾多斯左翼  
中旗東南有漢美稷故城在故勝州之西南也檀  
弓注曰保縣邑小城保堡古今字水經注曰河水  
又南樹頽水注之河水又左得浦水口水出西河  
郡美稷縣東南流入長城東鹹水入之又東南渾  
波水注之又東逕富昌縣故城南又東流入於河  
按漢富昌城在鄂爾多斯左翼前旗界浦水未審  
今何水也

源

水出西河中陽北沙南入河从水馬聲

乙乾切

注曰西河郡中陽二志同戴先生曰水經河水南  
過西河圍陽縣東又南過離石中陽土軍縣西據

地望考之中陽西濱河當在今汾州府甯鄉縣境  
趙世家秦取我西都及中陽是也道元乃云中陽  
故城在東東翼汾水不濱於河也元和志於孝義  
縣下云魏移西河郡中陽於今理此條可證明水  
經之中陽道元汾水篇注所言鄔澤北起大陵南  
接鄔正今平遙之西孝義之東介休之北最爲濬  
下汾川轉徙不常之地說文之馮水乃入河非入  
汾漢中陽西濱黃河說文亦一證道元就馮字與  
鄔字牽合謂馮水卽鄔澤謬矣玉裁按馮水今未  
得其證○箋曰離石在今永甯州境中陽在甯鄉  
縣境其北有東北南三川河合而西南流入於黃

河未知卽許所謂馮水否也

**涇** 河津也在西河西从水坐聲

土禾切

注曰河津名涇猶涇津孟津也在西河西謂在西河郡之西今未詳其地口部以爲唾重文

**灋** 水也从水旗聲

以諸切

注曰未詳

**洧** 過水中也

中段訂作出

从水旬聲

相倫切

注曰出各本誤作中今正釋水曰水自過出爲洧大水溢出別爲小水之名也水經注引字林曰洧過水也經有假洧爲均者如洧直且侯是也有假爲恂者如恂美且都洧許且樂是也有假爲復者

如于嗟洵兮卽韓詩之于嗟復兮是也有假爲泣者國語無洵涕是也

澮

水出北踰山入印澤

印原本作印今從段正

从水舍聲

始夜切

注曰印俗本作印誤今依舊抄繫傳本北山經曰鉤吾之山又北三百里曰北踰之山澮水出焉而東流注於印澤許所據澮作澮如柘作摭臆作彘皆與今本不同也其地未詳○箋曰澮疑亦誤字

泚

水也从水刃聲

乃見切

注曰集韻類篇引說文有出上黨三字又泚泚與泚泚同溼相著也亦垢濁也

澮

水也从水直聲

恥力切

注曰集韻類篇曰出潁川

潁 水也从水妾聲七接切

滂 水也从水居聲九魚切

滂 水也从水泉聲其冀切

滂 水也从水九聲羽求切

注曰廣韻曰在高密按蓋卽左傳之九水上文之

治水也

涸 水也从水困聲於眞切

注曰此字玉篇及小徐皆作涸困聲廣韻涸涸並

收集韻類篇引說文互異而今存宋本皆作涸困

聲

霖 水也从水果聲

古火切

滌 水也从水貨聲讀若瑣

果切

滌 水也从水龍聲

莫江切

滌 水也从水乳聲

乃后切

注曰或以爲酒醴維醴之醴

泔 水也从水舟聲舟古文終

職戎切

注曰廣韻集韻皆曰在襄陽古文舟見欠部

洿 淺水也从水百聲

匹白切

注曰顏氏家訓曰游趙州見栢人城北有一小水

土人亦不知名後讀城西門徐整碑云栢流東指

按說文此字古泊字也泊淺水貌此水無名直以



淺貌目之或當卽以泊爲名平玉裁按顏書今本  
譌誤爲正之可讀如此說文作泊隸作泊亦古今  
字也犬部狍下云讀若淺泊淺水易停故泊又爲  
停泊淺作薄故泊亦爲厚薄字又爲憺怕字又按  
上下文皆水名此字次第不應在此蓋轉寫者以  
从百从千類之○箋曰說文从百聲之字僅有此  
與人部之佰手部之搯此外不少概見佰訓相什  
百其从百聲自無可疑若拊拍之拍與此淺泊之  
泊古多从白今本疑後人所改古音白百不同今  
北方之音亦尙有別也

泔水也从水干聲

倉先切

涇水也从水叵聲詩曰江有涇詳里切

注曰此所引蓋三家詩下文引江有汜則毛詩也

勃澥勃原本作郭今從毛本海之別也从水解聲一說澥卽

澥谷也胡買切

注曰海之別猶江之別勃澥屬於海而非大海猶

沱屬於江而非大江也漢書子虛賦音義曰勃澥

海別枝也齊都賦注曰海旁曰勃斷水曰澥潛止

剗記曰今海自山東登州成山折而西逕萊青又

北逕直隸天津東逕永平又東出山海關逕遼東

又折而南至金州有旅順口南與登州海口相對

皆謂之勃海太史公多言勃海河渠書謂永平府

之勃海也封禪書謂登萊兩府之勃海也蘇秦列傳指天津衛之海言朝鮮列傳指海之在遼東者言勃海之水大矣非專謂近勃海郡者也一說解卽澥谷者律歷志曰黃帝使洽綸自大夏之西昆侖之陰取竹之解谷孟康曰解脫也谷竹溝也取竹之脫無溝節者也一說昆侖之北谷名也按廣韻作嶮○箋曰海自成山西入登萊又折而北過天津又東至遼東又南下金州海渚環抱自成一灣故謂之勃澥澥之言解也如別爲一水然也故漢書音義曰海別枝齊都賦注曰斷水曰澥也

**澥** 北方流沙也一曰清也从水莫聲

慕各切

注曰漢書亦假幕爲漠○箋曰流沙者塵埃冥蒙之地故謂之沙漠漠者蒙也因之有冥漠之稱又曰漠漠爾雅釋言曰漠清也此義相反而相成也

澗

天池也以納百川者从水每聲

呼改切

注曰天池見莊子滄搖游爾雅九夷八狄七戎六蠻謂之四海此引申之義也凡地大物博者皆得謂之海

說文解字第十一上

說文解字第十一 上二

金壇段玉裁注

番禹徐灝箋

灇 大也从水尊聲

湯古切

注曰溥大也見釋詁

灇 水大至也从水閻聲

乙感切

注曰廣韻作大水

灇 洚水也从水其聲

戶工切

注曰堯典皋陶謨皆言洪水釋詁曰洪大也引申

之義也大壑曰洪字亦作洪

灇 水不遵道一曰下也从水各聲

戶工切又下江切

注曰孟子滕文篇書曰洚水警于洚水者洪水也  
告子篇水逆行謂之洚水水不遵道正謂逆行一  
曰下也與各降音義同又下江切

**澚**水朝宗于海也从水从行

以淺切

注曰海潮之來潏推曲暢兩厓渚渙之間不辨牛  
馬故曰衍从水行會意引申爲凡有餘之義假羨  
字爲之

**澚**水朝宗于海从水朝首

直遙切

注曰禹貢荊州江漢朝宗于海鄭以周禮春見曰  
朝夏見曰宗釋之古說則謂潮也論衡書虛篇曰  
澚之起也隨月盛衰虞翻注易習坎曰水性有常

消息與月相應从水朝會意隸不省說文無濤篆  
蓋濤卽潮之異文濤古當音稠枚乘七發觀濤卽  
觀潮

**澗**水脈行地中澗澗也从水澗聲

七刃切

注曰澗澗動貌江賦曰潛澗之所汨涵蜀都賦澗  
以潛沫劉注水潛行曰澗此二水伏流故曰澗按  
今文選作演誤○箋曰演者澗之省耳

**滔**水漫漫大兒从水滔聲

土刀切

注曰堯典浩浩滔天按漫當作曼許書無漫字

**涓**小流也从水同聲爾雅曰汝爲涓

古元切

注曰凡言涓涓者皆謂細小之流爾雅曰汝爲涓



亦大水溢出別爲小水之名郭本濁作瀆蓋非瀆  
水厓也○箋曰釋水汝爲瀆與上文水自河出爲  
濫江爲沱等句義例竝同且與下文江有沱河有  
濫汝有瀆相應則作瀆爲是瀆之引申爲瀆溢之  
併卽大水溢出別爲小水之義耳

**混** 豐流也从水昆聲

胡本切

注曰豐流者盛滿之流也孟子曰源泉混混古音  
讀如袞俗字作滾山海經曰其源渾渾泡泡郭云  
水瀆涌也袞咆二音此假渾爲混也今俗讀戶袞  
胡困二切訓爲水濁訓爲雜亂此用混爲溷說文

混溷義別

滂水滂瀆也从水象聲讀若蕩

徒朗切

注曰滂瀆疊韻字搖動之流也今字作蕩漾

蕪順流也一曰水名从水聲

侯雷切

注曰釋言蕪盞也盞同澆酒之澆國語史記龍蕪

韋昭曰蕪龍所吐沫一曰水名未詳

汭水相入也从水从內內亦聲

而銳切

注曰周禮職方之汭卽漢志右扶風汭縣之芮水

名也大雅之汭亦作芮毛云水厓也鄭云汭之言

內也尙書媯汭渭汭某氏釋爲水北雒汭釋爲雒

入河處左傳漢汭渭汭雒汭滑汭杜氏或云水內

也或云水之隈曲曰汭大意與大雅鄭箋相近

瀟澗清也从水肅聲

子叔切

注曰中山經曰澧沅之風交瀟湘之浦水經注湘水篇二如出入瀟湘之浦瀟者水澗清也湘中記曰湘川清照五六丈下見底石如擗蒲矢五色鮮明是納瀟湘之名矣據善長說則瀟湘者猶云清湘其字讀如肅亦讀如蕭自景純注中山經云瀟水今所在未詳始別瀟湘爲二水俗又改瀟爲瀟其謬日甚矣詩鄭風風雨瀟瀟毛云暴疾也水之清者多駛方言云清急也是則說文毛傳二義相因子叔切子字疑誤廣韻息遂切○箋曰釗云中

山經水經注今竝作瀟瀨按毛詩鄭風亦作瀟無

作瀟者段引書好改字是其一病

**演**長流也一曰水名从水寅聲

以淺切

注曰演之言引也故爲長遠之流周語注云水土氣通爲演引申之義也一曰水名未詳

**澗**流散也从水夨聲

呵貫切

注曰流散當作散流分散之流也今正毛詩曰澗澗春水盛也易曰風行水上渙○箋曰引申爲凡離散之稱

**俠**流也从水必聲

兵媚切

注曰俠者粵也三輔謂輕財者爲粵俠流者輕快之流如俠士然魏都賦李注引作駛流非善本上

林賦倜傥泌瀦可馬彪曰泌瀦相楔也郭璞音筆  
○箋曰俠流恐非取俠士之義古多用俠爲夾上  
林賦倜傥側泌瀦蓋其本義也

𣶒

水流聲从水昏聲

古活切  
隸作活

𣶒

活或从聒

注曰衛風北流活活毛傳活活流也按當作流貌  
其音戶括切引申爲凡不疾之偁邶風不我活兮  
孟子民非水火不生活是也

𣶒

水流活活也从水皆聲一曰活活

繫傳

不重寒也詩曰

風雨活活

古諧切

注曰小雅淮水活活毛曰活活猶上文揚湯也廣

雅曰活活流也詩風雨活活今鄭風祗有風雨淒

淒邛風傳曰淒寒風也許引詩證寒義所據與今本異或是兼采三家宋本作一曰潛水寒也

泣

潛流也从水玄聲上黨有泣氏縣

胡賦切

注曰潛當作潛字之誤也檀弓曰孔子泣然流涕魯語無洵涕韋曰無聲涕出爲洵涕按洵者泣之假借字文選詩曰花上露猶泣上黨郡泣氏音工懸反今山西澤州府高平縣治卽漢泣氏故縣

瀧

水流兒从水彪省聲詩曰瀧沱北流

皮彪切

注曰瀧隸不省小雅瀧池北流此本池作沱非是○箋曰此當从隸體爲正瀧从虎而以爲彪省聲音義皆未明也

澱疾流也从水或聲

子暹切

注曰江賦測澱澱湏是其義毛詩築城伊減假澱爲血也○箋曰或疑卽或之變體說具川部

澗流清皃从水劉聲詩曰澗其清矣

力久切

注曰鄭風曰溱與洧澗其清矣毛曰澗澗貌謂澗而清也釋名曰綠澗也荆泉之水於上視之澗然綠色此似之也

澗

原本篆作澗今從段正

澗流也从水歲聲

歲原本作歲今從段正

詩云

施罟澗澗

原本作澗今正呼括切

注曰衛風施罟澗澗毛曰罟魚罟澗澗施之水中按施罟而水仍流故曰澗流澗又訓多水貌司馬

相如傳湛恩汪濊是也各本篆作濊云濊聲今正  
按玉篇濊濊二字相連與說文同濊下云呼括切  
水聲又於衛於外二切多水兒不云有二字廣韻  
十三末濊水聲濊上同是知妄人改礙流之字爲  
濊而別補濊篆於部末云多水兒呼會切不知部  
末至頌萍等篆已竟水多非其次也今刪正○箋  
曰鈕云濊改爲濊蓋本余說

濊沛也从水旁聲

音際切

注曰小雅曰俾滂沱矣

濊濊廣也从水望聲一曰汪

通池也

烏光切  
隸作汪

注曰謂濊而又廣也後漢書叔度汪汪若干頃陂



江賦澄澹汪沆晉語曰汪是土也韋云汪大貌一  
曰池者左傳祭仲殺雍糾尸諸周氏之汪杜注汪  
池也通俗文曰停水曰汪按今俗語謂小水聚曰

汪

溥清淡也从水溥聲

繁傳有讀若半三字洛蕭切

注曰南都賦溥淚滅汨李善引韓詩內傳溥清貌  
也蓋鄭風毛作溥韓作溥許謂二字義別今文選

注內字誤舛

泚清也从水此聲

千禮切

注曰清者本義今詩新臺有泚毛曰泚鮮明貌此  
假泚爲玼○箋曰清之義卽引申爲鮮明不須假

借

況寒水也从水况聲

許訪切

注曰況訓寒水未得其證毛詩常棣桑柔召旻皆曰况滋也矢部陟下曰况詞也古矧况比况皆用况字後乃用况字後又改作况○箋曰况者滋益之義晉語眾况厚之韋注况益也借爲語詞又爲况賜字聘義北面拜况釋文况本亦作况魯語况使臣以大禮韋注况賜也

冲涌搖也从水中聲

原本奪聲字今從毛本

讀若動

直弓切

注曰涌上涌也搖翃搖也小雅曰攸革冲冲毛云冲冲垂飾貌此涌搖之義豳風傳曰冲冲鑿冰之

音義亦相近召南傳曰冲冲猶衝衝也冲與冲聲義略同凡用冲虚字皆虚之假借老子道虚而用之今本作冲是也尚書冲人亦空虚無所知之意○箋曰冲虚卽涌搖之義老子假虚而用之不得以爲虚之假借也

汎  
浮兒从水凡聲

孚梵切

注曰兒當作也邶風汎彼柏舟毛曰汎流兒廣雅曰汎汎汎汎浮也音轉爲扶弓反如風字亦凡聲也

沅  
轉流也从水云聲讀若混

王分切

注曰回轉之流沅沅然也釋言曰沅沅也郭注水

流泚沆

泚澆也从水告聲虞書曰洪水浩浩

胡老切

注曰澆當作沆字之誤也澆者沃也沃非浩義沆

浩沆同義而又雙聲故三篆相聯

泚莽沆大水也从水亢聲一曰大澤

胡朗切

注曰西京賦滄池泚沆薛云泚沆猶沆沆亦寬大

也南都賦泚沆洋洋溢吳都賦海賦皆云沆瀆羽獵

賦云沆沆義皆同風俗通山澤篇傳曰沆者莽也

言其平望莽莽無涯際也沆澤之無水斥鹵之類

也今俗語亦曰沆水經注巨馬河篇巨馬水又東

逕督亢澤荆軻傳之督亢地圖也引風俗通沆莽

也是沆通作亢

**沆**水从孔穴疾出也从水从穴穴亦聲

呼穴切

注曰釋水曰沆泉穴出按此會意字其韓詩之回

次楚辭之次寥皆假借也

**漚**水暴至聲从水鼻聲

匹備切

注曰上林賦漚漚沆漚司馬彪曰漚漚水聲也洞

簫賦澎漚沆慨一何壯士高唐賦漚漚洶洶其無聲

按漚漚雙聲○箋曰聲轉爲澎漚

**漚**水小聲从水爵聲

土角切

注曰古書多漚漚連文高唐賦巨石漚漚之漚漚

注引埤蒼漚漚水流聲貌上林賦漚漚實隊司馬

貞引說文水之小聲也李善引字林灑灑小水聲也疑說文本有二篆上云水之小聲也从水龜聲下云灑灑也从水爵聲全書之例如此單用灑者江賦灑灑泉灑謂大波相激之聲

**滄** 水疾聲从水翕聲

許及切

注曰上林賦汨滄滄疾滄郭音許立反然則卽滄字也小雅滄滄訛訛釋訓云莫供職也

**騰** 水超涌也从水朕聲

徒登切

注曰小雅百川沸騰毛曰拂出騰乘也騰者騰之假借玉篇引百川沸騰周易騰曰說引申之義

**滂** 涌出也一曰水中坻人所爲爲滂一曰滂水名在

京兆杜陵水爾聲古穴切

注曰士林賦橋橋淵淵江賦橋湟惚洪釋水曰小  
注曰坻人所爲爲橋京兆尹杜陵二志同故城在  
今陝西西安府咸甯縣東南潘岳關中記曰涇渭  
霸澹禮鎬澇橋上林賦所謂八川分流也師古上  
林賦注曰地理志鄠縣有橋水北過上林苑入渭  
而今之鄠縣則無此水許慎云橋水在京兆杜陵  
此卽今所謂沈水從皇子陂北流經昆明池入渭  
者也蓋爲字或從水旁穴與沈字相似俗人因名  
沈水平按水經注渭水又東北逕渭城南有沈水  
自南注之亦謂是水謂橋水也愚謂鄭注沈水沈

蓋沈字之誤李善注上林賦曰滈水出杜陵今名  
沈水自南山黃子陂西北流經昆明池入渭司馬  
貞注上林語全同亦作今名沈水單行索隱如此  
沈从允聲余準切滈从喬聲食聿切二字雙聲疊  
韻唐初呼沈水字異而音實同耳小顏與李善同  
時其注漢書蓋亦本作今所謂沈水轉寫作沈字  
也惟小顏不知滈沈同聲而指爲沈字之誤是爲  
無稽之談矣

灋

水涌光也从水从光光亦聲詩曰有沈有潰古黃切

注曰江賦曰澄澹在沈又曰流映揚焯謂涌而有  
光也邶風有沈有潰毛曰沈沈武也潰潰怒也大



雅武夫沈沈毛曰沈沈武貌此引申假借之義

波水涌流也从水皮聲

博禾切

注曰左傳其波及晉國者莊子夫孰能不波皆引

申之義又假借爲陂字見漢書

漣江水大波謂之漣从水雲聲

王分切

注曰專謂江水也王裁昔署理四川南谿縣攷故

碑大江在縣有揚潏灘

瀾大波爲瀾从水闌聲

洛干切

漣瀾或从連

注曰魏風河水清且漣漪釋水引作瀾云大波爲

瀾毛云風行水成文曰漣按古瀾漣同音同字後

人乃別之又凡瀾漫當作此字

灑灑小波爲淪从水侖聲詩曰河水清且淪漪投訂一作漪

曰沒也

力速切

注曰魏風河水清且淪漪釋水曰小波爲淪毛曰小風水成文轉如輪也韓詩曰從流而風曰淪釋名曰淪倫也水文相次有倫理也漪各本作漪今正漪與兮同漢石經魯詩殘碑作兮可證後人妄加水作漪吳都賦乃有刷盪漪瀾濯明月於漣漪之句其謬甚矣又微子篇今殷其淪喪某氏曰淪沒也

灑灑浮也从水票聲

匹洵切又匹妙切

注曰謂浮於水也鄭風風其漂女毛曰漂猶吹也

按上章言吹因吹而浮故曰猶吹又漂漚水中擊絮也莊子曰泝澣

**浮**

汜段訂作汎

**从水孚聲**

縛牟切

注曰木華海賦浮天無岸李注引說文浮汎也按上文云汎浮也是汎浮二字互訓與汜濫二字互訓義別汎浮二篆當類廁此非許書之舊

**濫** 汎也从水監聲一曰濡上及下也詩曰鷺沸濫泉

一曰清也

盧駁切

注曰謂廣延也左傳云賞不僭荆不濫魯語濫於泗淵皆其引申之義一曰濡上及下者因濫與淋聲近淋訓以水沃則濫訓略同也詩小徐作漚沸

此詩小雅大雅皆有之今作檻泉者字之假借也  
毛曰虜沸泉出貌檻泉泉正出也溢泉由小以成  
大故僞以證汜義一曰清又別一義與溢蓋相反  
而相成也

**汎** 濫也从水已聲

繫傳有一曰淹  
三字孚梵切

注曰元應引此下有謂音博也四字楚辭卜居曰  
將汜汜若水中之鳧乎王逸云汜汜音愛眾也若  
水中之鳧羣戲游也論語汎愛眾此假汎爲汜○  
箋曰一切經音義謂音博也四字乃元應語

**澗** 下澗兒从水弘聲

烏宏切

注曰下澗謂其上似澗陋其下澗廣也揚子其中

宏濶其外肅括月令其器閎鄭云閎謂中寬象土

含物

**濶**回也从水聿聲

羽非切

注曰此以疊韻爲訓

**測**深所至也从水則聲

初側切

注曰深所至謂之測度其深所至亦謂之測猶不淺曰深度深亦曰深今則引申義行而本義隱矣  
呂覽昏平其深而不測高云測盡也此本義也考  
工記柶欲測鄭云測猶清也此引申之義也

**瀨**疾瀨也从水巔聲

他箭切

注曰瀨水流沙上也疾瀨瀨之急者也趙注孟子

曰湍者圍也謂湍湍禁水也趙語爲下文決東決  
西張本○箋曰希通作專故亦有圍義

淙

水聲也从水宗聲

藏宗切

注曰水聲淙淙然

激

水礙衰疾波也从水敫聲一曰半遮也

古歷切

注曰水流不礙則不衰行不衰行則不疾急孟子  
曰激而行之可使在山賈子曰水激則旱兮矢激  
則逢半遮亦有礙意與激邀音義略同

洞

疾流也从水同聲

徒弄切

注曰此與是部迴馬部駟音義同引申爲洞達爲

洞壑

漚大波也从水旛聲

孚弄切

洶涌也从水匈聲

許拱切

注曰此當作洶洶涌也各本無洶洶字今依高唐賦注補相如賦曰洶涌滂潰左思賦曰溷焉洶洶揚雄賦曰洶洶旭旭天動地吸

灇滕也从水甬聲一曰涌水在楚國

余隴切

注曰滕水超涌也二篆宐相連今本蓋非古也左傳莊十八年間敖遊涌而逸楚子殺之杜曰涌水在南郡華容縣華容今湖北荊州府監利縣地涌水在今江陵縣東南自監利流入夏水支流也水經曰江水又東南當華容縣南涌水入焉酈云水





汭謂有水

灑井一有水一無水謂之灑汭从水灑聲

居例切

注曰釋水已見上文此但云灑汭也已足不當複舉考釋名作灑不从水說文當同之灑篆乃淺人所增耳爾雅作灑亦非古本灑訓竭於音得之○箋曰鈕氏樹玉曰汭激水聲也下有釋水文乃別一義故加一曰於上灑下釋水文乃其本義非複舉釋名傳刻未必無譌今因而致疑於說文并及爾雅亦太甚矣

混流聲也从水軍聲一曰沔下兒

戶昆切

注曰混當作溷溷亂也作混者誤屬善長謂二水

合流爲渾濤今人謂水濁爲渾

**泐**水清也从水列聲易曰井冽寒泉食

良薛切

注曰東京賦元泉冽清薛注冽清澄貌按許書有  
冽冽二篆毛詩有冽無冽冽彼下泉有冽泐泉二  
之日栗冽皆不从水易井九五爻詞○箋曰曹風  
下泉篇冽彼下泉小雅大東篇有冽泐泉釋文字  
竝从水易井冽寒泉食亦从水至幽風二之日栗  
烈則用假借字唐石經以下各本皆同唯下泉大  
東正義引作栗冽其字从亼此孔冲遠偶失檢不  
足爲據文選成公綏嘯賦注引字林冽寒貌宋玉  
高唐賦注引字林冽寒風也字竝从亼正唯說文

久部無冽故引字林又馬融長笛賦引說文冽清也分別瞭然更足互證段氏見異思遷輒謂毛詩有冽無冽且徑改久部灑篆作冽而謂許書兼有冽冽二篆武斷甚矣

灑

清湛也从水叔聲

殊六切

注曰湛沒也今俗云澹沈是也釋詁曰淑善也此引申之義○箋曰湛固訓沒然此云清湛非其義淑訓爲善正清湛之引申耳廣雅曰淑清也荀子賦篇滫滫淑淑楊注淑淑美也美亦善也

溶

水盛也从水容聲

余隴切又音容

注曰甘泉賦溶方皇於西清善曰溶盛貌也按今

人謂水盛曰溶溶

**澂**

清也从水徵省聲

直陵切

注曰澂之言持也持之而後清方言曰澂清也澂澄古今字禮運澄酒在下鄭云澄酒與周禮沈齊字雖異蓋同物也周易君子以徵忿徵者澂之假借字鄭云澂猶清也必云猶者正謂澂不訓清澂之斯清故王弼訓止也

**清**

服也澂水之皃从水青聲

七情切

注曰服者明也澂而後明故云澂水之皃引申之凡潔曰清凡人潔之亦曰清同澂

**澂**

水清底見也从水是聲詩曰澂澂其止

常職切

注曰邶風涇以渭濁澌澌其止毛云涇渭相入而清濁異按毛本作止止者水之激定也鄭易止爲沚云小渚曰沚非水清見底之謂矣詩古今各本及玉篇集韻類篇皆作止毛詩舊文也傳於蒹葭云小渚曰沚於此無文可證鄭箋當有止讀爲沚之文後人刪之而竝改經文

**澗**

水流澗澗兒从水閔聲

閔瀕切

注曰澗澗當作澗澗淺人所改也澗之本義訓汚邶風河水澗澗卽澗澗之假借免聲古讀如門與澗音近毛傳澗澗平地也卽澗澗之義

**澗**

下澗也从水參聲

所禁切

注曰司馬相如封禪文滋液滲漉揚雄河東賦澤  
滲漉而下降今俗云滲扁

灑

不流濁也从水圍聲

羽非切

注曰謂穢濁不流去也左傳曰有汾澮以流其惡

溷

亂也一曰水濁兒从水困聲

胡困切

注曰難騷世溷濁而不分兮王注溷亂也濁貪也

漚

濁也从水屈聲一曰漚泥一曰水出兒

古忽切

注曰今人汨亂字當作此按洪範汨陳其五行某

氏曰汨亂也書序汨作汨治也屈賦汨鴻謂治洪

水治亂正一義卽釋詁之漚治也某氏注爾雅引

詩漚此羣醜其忽反一曰漚泥者多汁成泥一曰

水出者上林賦滂滂滂滂是也

澗回泉也从水旋省聲

似沿切

注曰杜詩撒澗捎瀆無險阻澗夔州土人讀去聲謂峽中回流大者其澗不測舟遇之則旋轉而入江賦所謂盤渦谷轉也瀆土人讀如僕謂峽中回流漸平則突涌如山江賦所謂浪瀾瀆瀆也斯二者必撤之捎之而行不可正犯杜用峽中語言入詩按廣韻又慈戀切

澗澗也从水崔聲詩曰有澗者淵

七罪切

注曰小雅有澗者淵毛傳澗澗兒

澗回水也从水象形左右岸也中象水兒

烏玄切

澗

淵或省水  古文从口水

注曰左右岸謂川中象水兒謂汭也江賦瀕纒因  
注用因字○箋曰回澗之水其下必澗故淵訓澗

漣滿也从水爾聲

奴禮切

注曰邶風河水瀾瀾毛云瀾瀾盛兒玉篇泮亦瀾  
字盧氏文昭曰漢地理志邶詩云河水泮泮字从  
半姓爲聲謂新臺也俗譌爲泮泮師古謂邶無此  
句

澹水搖也从水詹聲

徒監切

注曰此當依東京高唐賦注作澹澹水搖兒也今  
補高唐賦水澹澹而盤紆東京賦淶水澹澹俗借



為淡泊字

澗 澗澗也从水尋聲

徐林切

注曰今人用此字取義於澗而已

汙 谷也从水平聲

符兵切

注曰廣韻曰水名玉篇曰谷名

洑 水兒从水出聲讀若窟

竹律切又口兀切

注曰廣韻曰水出兒文子曰原流湑湑沖而不盈

灑 水至也从水薦聲讀若尊

在甸切

注曰至疑當作兪兪大也廣韻曰水荒曰洑洑者

洑之異文周易曰水洑至習坎洑雷震釋言荐再

也荐同洑

澗 土得水沮也从水澗聲讀若澗切

竹隻

注曰魏風毛傳云沮如其漸如者眾經音義引倉頡篇云沮者漸也許君沮字下未舉此義今俗謂水稍稍侵物入其內曰澗當作此字○箋曰粵俗有此音而聲少轉

澗 盈溢也从水澗聲

莫旱切

澗 利也从水澗聲

戶八切

注曰古多借爲汨亂之汨

澗 不滑也从水澗聲

色立切

注曰止部曰澗不滑也然則二字雙聲同義七發  
邪氣襲逆中若結轆此假轆爲澗也色立切當依

職前所力切

澤

光潤也从水睪聲

丈伯切

注曰又水艸交厝曰澤又借爲釋字○箋曰許以光潤爲澤之本義引申爲凡光澤潤澤滑澤之稱潤物莫如水故雨謂之雨澤又水所聚曰澤又凡潤下皆曰澤故有惠澤世澤之義因之仕祿亦謂之澤孟子所謂干澤卽干祿也

淫

侵淫隨理也从水氵聲一曰久雨爲淫

余箴切

注曰浸淫者以漸而入也司馬相如難蜀父老曰六合之內八方之外浸淫衍濫史記作浸潏月令曰淫雨蚤降左傳曰天作淫雨鄭曰淫霖也雨三

日以上爲霖

**澱** 澱也从水鐵聲爾雅曰泉一見一否爲澱

子廉切

注曰公羊傳莊十七年齊人澱于遂澱者何澱積也眾殺戍者也積本又作澱按傳文及說文皆當作積爲長爾雅別一義釋水文○箋曰公羊何注云澱之爲戍積戍非一之辭釋文云澱二傳作澱積本又作澱灑按此當以左穀作澱爲正公羊作澱乃假借字蓋以物置水中而澀之謂之澱澱謂之澱澱有盡義故亦訓爲積左氏襄二十八年傳其將聚而澱旃杜注澱盡也是也至若說文澱訓爲澀而澱訓爲澱以類相從皆當爲水旁且許自

解字與傳義無涉段謂當作積爲長非也鈕云篇  
韻竝作漬則漬字不誤

**洸**水所蕩洸也从水失聲

夷質切

注曰蕩洸者動盪奔突而出禹貢導沈水入于河  
洸爲滎本作洸周禮疏師古漢書注所引不誤且  
史記水經注皆作洸惟漢地理志作軼軼車相出  
也正與洸義同左傳彼徒我車懼其侵軼我也又  
曰迭我殺地迭卽洸軼之假借也凡言淫洸者皆  
謂太過其引申之義也衛包改禹貢之洸爲溢淺  
人以滿釋之固可嘆矣

**漚**漏也从水貴聲

胡對切

注曰左傳凡民逃其上曰潰此引申之義小雅大雅毛傳潰遂也此皆謂假潰爲遂

**沚** 水不利也从水沚聲五行傳曰若其沚作

郎計切

注曰河東賦秦神下警距魂負沚服虔曰沚河岸之坻也晉灼申之曰沚渚也按坻礙水不行故謂之沚五行傳謂伏生洪範五行傳其當作六鄭曰沚沚也服虔曰沚害也司馬彪引五行傳說曰氣之相傷謂之沚按沚聲本音當在眞部鄭訓沚爲沚是也今音郎計者依如消音拂戾之戾也

**淺** 不澗也从水淺聲

七衍切

注曰不澗曰淺不廣亦曰淺故考工記曰以博爲

棧棧者淺之假借○箋曰段以棧爲淺非是考工  
記鮑人此節上下文皆有淺字則棧非淺之假借  
明矣說見通介堂經說

涓

水暫益且止未減也从水寺聲

直里切

注曰此義未見蓋與待侍峙字義相近爾雅釋水  
亦借爲涇字

涓

少減也一曰水門又水出巨前謂之省巨从水省

聲

息井切

注曰今減省之字當作涓女部又曰涓減也音義  
皆同左傳有涓竈人姓名也水門未詳玉篇云一  
曰水名廣韻集韻則云一曰水名又爾雅釋巨曰

水出其前消丘釋名作趾丘趾基趾也

**渫**泥也从水卓聲

奴敎切

注曰左傳曰有渫於前乃皆左右相違於渫杜注渫泥也倉頡篇云淡泥也字林云濡甚曰渫按許以泥爲水名不著塗泥之解於此補見

**溼**小溼也从水翠聲

遵誅切

注曰小蓋下之誤篇韻皆云下溼從古本也又篇韻皆云且遂切下溼也遵誅切汁漬也

**溼**溼暑也从水辱聲

而蜀切

注曰月令季夏土潤溽暑鄭曰潤溽謂塗溼也潤溽雙聲字記言土塗溼而暑上蒸也塗讀如雨雪




載塗之塗謂之溥者濃也厚也○箋曰春雨多土  
得水而潤至夏溼氣上蒸而為暑熱故曰土潤溽


暑

**涅** 黑土在水中也从水从土日聲奴結切

注曰論語孔注涅可以染皁者按黑部駢謂之涅  
塗滓也與涅義近○箋曰漢地理志上黨郡涅氏  
下曰涅水也師古曰涅水出焉故以名縣

**益** 原本篆作 今從段正 **益也** 从水茲聲一曰滋水出牛飲山

**白陘谷東入呼沱** 子之切

注曰艸部茲下曰艸木多益也此字从水茲為水  
益也各本篆文作 誤今正說詳四篇茲篆下地

理志常山郡南行唐牛飲山白陸谷滋水所出東  
至新市入庫池水南行唐故城在今直隸正定府  
行唐縣治北新市故城在今正定府治西北四十  
里一統志曰滋河源出山西五臺縣界東南流逕  
正定府靈壽縣北行唐縣南又東歷正定藁城二  
縣北無極縣南又東北入定州漢澤縣界古與滹  
沱合流今折而東北與滹沙二水合不入滹沱矣  
**澗** 原本篆作澗今從良正 **青黑色** 段訂從兒 **从水昌聲** 昌原本作各  
今正呼骨切 注曰各本篆作澗此以隸改篆篇韻皆曰澗今作  
澗又廣韻色作兒今據正廣韻荒內切大徐呼骨

切

灑 溼也从水邑聲

於及切

注曰召南毛傳曰厭浥溼意也

灑 水散石也从水从少水少沙見楚東有沙水

所加切

灑 譚長說沙或从心

心子結切

注曰大雅傳云沙水旁也許云水散石石散碎謂

之沙引申之凡生澀皆爲沙如內則鳥沙鳴是水

少沙見釋其會意之悒也古音娑从石作砂者俗

字古丹沙祇用此楚東沙水別一義水經注渠水

篇曰渠水又東南流逕開封縣雖渙二水出焉右

則新溝注之卽沙水也音蔡許慎正作沙音言楚

東有沙水謂此水也○箋曰灑云音蔡正是心之

聲轉蓋所謂楚東沙水乃沁水之譌也

**瀨**水流沙上也从水賴聲

洛帶切

注曰九歌石瀨兮淺淺伍子胥書有下瀨船漢有下瀨將軍應劭曰瀨水流沙上也臣瓚曰瀨湍也吳越謂之瀨中國謂之磧按瀨之言濼也水在沙上滲瀼而下滲也埤倉云湍瀼瀼也○箋曰滴本作瀼故又有丁計切之音戴氏侗云餘瀼垂欲滴是也今粵俗謂水點滴而下謂之滴滴埤倉瀼瀼卽滴滴之聲轉故謂之瀼非瀨之謂也

**澗**水厓也从水賁聲詩曰敦彼淮澗

符分切

注曰詩大雅鋪敦淮澗傳曰澗厓也周南遵彼汝

潰傳曰墳大防也畫然分別周禮大司徒職丘陵  
墳衍原隰注云水涯曰墳而常武箋亦釋潰爲大  
防鄭謂古經假借通用許則謹守毛傳也

**涖** 水厓也从水矣聲周書曰王出涖

昧史切

注曰爾雅釋丘王風秦風傳皆曰涖厓也周頌思  
文箋云武王渡孟津白魚躍入王舟出涖以燎正  
義引大誓文按許引大誓者三此與手部支部也

**泚** 水厓也从水午聲

呼古切

注曰大雅率西水泚傳曰泚水厓也釋丘曰岸上  
泚○箋曰泚泚古今字

**泚** 水厓枯土也从水九聲爾雅曰水醮曰泚

居甫切

注曰今爾雅小醮曰厖仄出泉曰沆許書仄出泉  
曰厖水厖枯土曰沆與爾雅互易依毛詩有沆沆  
泉似今本爾雅不誤○箋曰此當以說文爲正泉  
從石穴仄出故其字作厖从厂厖聲厂者山石厖  
巖也厖者取景仄意也沆爲水厖枯土故从水九  
聲九有究盡義也詩爾雅皆假借通用



水厖也从水厖聲詩曰賓河之沔

常倫切

注曰魏風傳沔厖也爾雅曰厖夷上洒下沔按夷  
上謂上平也洒下謂側水邊斗峭○箋曰爾雅說  
詳見通介堂經說



瀕也从水甫聲

瀕古切

注曰大雅率彼淮浦傳曰浦厓也

**泚** 小渚曰泚从水止聲詩曰于沼于泚

諸市切

注曰召南傳曰泚渚也此渾言之秦風傳爾雅釋水曰小渚曰泚此析言之也

**沸** 澤沸也也字依 從水弗聲分勿切又

繫傳補 從水弗聲方未切

注曰也當作兒詩小雅大雅皆有霽沸檻泉之語傳云霽沸泉出兒檻泉正出釋水曰濫泉正出正出涌出也按澤沸疊韻上林賦澤弗一本作淳今俗以沸爲霽字

**灑** 小水入大水曰灑从水眾聲原本作从眾 詩曰鳧

鷖在灑

徂紅切

注曰大雅傳曰深水會也按許說申毛若鄭箋云  
深水外之高者也有瘞埋之象則謂深與崇同恐  
非詩意

**派**別水也从水从辰辰亦聲

匹賣切

注曰吳都賦百川派別劉逵注引字說曰水別流  
爲派按眾經音義兩引說文辰水之衰流別也以  
釋派韻會曰派本作辰从反永引錯云今人又增  
水作派據此則說文本有辰無派此字當刪○箋  
曰鈕云李注文選頭陀寺碑引說文派水別流也  
則唐時已有

**汜**水別復入也

原本入下複水  
字今依繫傳刪

一曰汜窮瀆也从水



已聲詩曰江有汜

詳里切

注曰召南江有汜傳曰決復人爲汜謂旣決而復入之水也釋名曰汜已也如出有所爲畢已而復人也按古以無已釋已如祀之解曰祭無已是也故汜从已窮瀆別一義釋曰窮瀆汜郭云水無所通者漢書張良聞從容步游下邳汜上服虔讀爲圮音頤楚人謂橋曰圮此漢人易字之例應劭曰汜水之上此不易字謂窮瀆無水之上也下文直墮其履汜下良下取履其爲無水之瀆了然史記本亦作汜小司馬云姚察見史記有作土旁者云有則知史記不皆作土旁也

澗

逗

流水處也

流原本作澗  
今依繫傳

从水癸聲

求癸切

注曰釋水曰澗關流川○箋曰郝氏爾雅義疏云

澗關流川過辨回川過辨澗關聲相轉

榮

榮

二字依  
段補

絕小水也从水榮省聲

戶局切原本  
澗前榮後今

依段

澗

正

澗也从水寧聲

乃定切

注曰榮澗二字各本無今依全書通例補甘泉賦

之澗澗七命之汀澗皆謂小水也澗澗義同若榮

澤榮陽古皆作榮不作榮唐碑宋槧尙多不誤又

按澗當依七命注奴冷切後人謂淖爲泥澗讀乃

定切義與音皆非古矣○箋曰古無榮字故榮澤

熒陽假熒爲之其後乃从水作漿此字在漢時已

然矣

注

澗池也从水圭聲

一佳切又於瓜切

注曰史漢皆云得神馬渥注水中莊子齊物論云似注者古音在支部

注

清水也一曰窰也从水室聲

一穎切又尾瓜切

注曰清水未詳穴部窰汚衰下地也○箋曰注與注相承增穴一穎切之音蓋由注而誤耳

注

橫積水池从水黃聲

平光切

注曰左傳潢汙行潦之水服虔曰畜小水謂之潢水不流謂之汙又廣韻引釋名曰潢染書也平曠

切唐有妝潢匠○箋曰潢又訓爲大荀子富國篇  
潢然兼覆之揚注潢然水大至之貌上林賦灑漾  
潢漾七發云浩瀆潢兮潢瀆卽潢漾古字假借也  
又後漢書馬融傳注天潢星也春秋元命苞天潢  
主河渠注天潢天津也

沼池水从水召聲

之少切

注曰召南傳曰沼池也廣雅同按眾經音義兩引

作小池也

湖大陂也从水胡聲揚州浸有五湖

句浸通

川澤所

仰以灌溉也

戶吳切

注曰自部陂一曰池也然則大陂謂大池也池以

鍾水湖特鍾水之大者耳職方氏曰揚州其澤藪  
曰具區其浸五湖上下文諸浸皆據職方爲言此  
總釋浸字以補濩篆下所未備鄭曰浸可以爲陂  
灌溉者按職方其澤藪其川其浸三者析言之川  
流或竭澤水本希藉浸水亭蓄者多可以灌注之  
故必兼言浸也

澗

水都也从水支聲

章移切

注曰水都者水所聚也民所聚曰都汶之證未詳  
十里爲成成間廣八尺澗八尺調之澗从水血聲

論語曰盡力于溝洫

況通切

注曰此考工記匠人文也洫亦作減韓詩築城伊

洫毛詩作洫傳曰洫成溝也按溝洫對文則異散  
文則通故曰成溝古音在眞部入聲今入職韻者  
以毛詩作洫之故論語泰伯篇○笑曰溝洫之制  
詳見通介堂經說周禮遂人

溝水瀆廣四尺深四尺从水葦聲

古侯切

注曰匠人職曰九夫爲井井閒廣四尺深四尺謂  
之溝

澮溝也从水賣聲一曰邑中溝

徒谷切

注曰謂井閒廣四尺深四尺者也一曰邑中曰溝  
不必井閒也按瀆之言賣也凡水所行之孔曰瀆  
小大皆得僂瀆釋水曰注澮曰瀆又曰江河淮濟

爲四瀆水經注謂古時水所行今久移者曰故瀆

漚

水所居从水架省聲

繫傳本作某聲彊魚切

注曰渠居壘韻小徐云某卽柜字見木部又蔡廟

碑以柜爲架

澗

谷也从水臨聲讀若林一曰寒也

力尋切

注曰泉出通川爲谷谷亦僞澗也一曰寒也與澗

音義略同

澗

水艸交爲澗从水眉聲

武悲切

注曰小雅居河之澗釋水毛傳皆曰水艸交爲澗

○箋曰近岸故曰水艸交澗與澗皆假人體爲僞

澗

溝水行也从水从行

戶庚切

注曰此以會意包形聲

澗山夾水也从水閒聲一曰澗水出宏農新安東南

入洛

古莫切

注曰釋水毛傳皆曰山夾水澗地理志曰宏農郡新安禹貢澗水在東南入雒按志雒職方豫州川曰滎雒雍州浸曰澗洛二字分別畫然漢新安縣故城在今澗池縣東澗水在東合於穀水互受通雒至洛陽縣西南入洛水○箋曰段云豫州雒水與雍州洛水異字澗謂作雒者乃假借字耳說見前洛下

澗隈厓也其內曰澳其外曰隈从水奧聲

於六切



注曰隈當作鞠今正爾雅說厓岸曰隈隈厓內爲  
澳外爲鞠郭以隈字上屬厓字下屬以許訂之郭  
非是自部隈下曰水曲隈也隈下曰水隈厓也亦  
隈厓連文澳與隈字異而音義同大雅芮鞠之卽  
鄭云水之內曰澳水之外曰鞠鞠謂水曲之表圖  
穹然也俗本爾雅改鞠爲隈因或取以改說文耳  
○箋曰此隈字不誤段氏改之非也大雅公劉之  
芮鞠與爾雅釋水之隈隈各自爲義本不相蒙李  
巡注爾雅作外爲鞠乃傳本之異或後人因鄭箋  
以改李本亦未可知然說文所載足與郭注本互  
證段氏反以說文爲非而改之且謂爾雅當讀隈

限厓爲句其慎甚矣夫隄之與限同爲一厓一水其曰內者指厓之曲中而言所謂外者卽曲之兩畔也曲厓之兩畔謂之限故弓之左右亦謂之限矣大射儀曰以袂順左右限鄭注限弓淵也考工記弓人曰夫角之內恆當弓之畏畏與限同杜子春謂角之中央與淵相當是也若徒以其圓穹而名之曰鞠此正蒺鞠之義而非隄限之謂也

黑

夏有水冬無水曰梁从水學省聲讀若學

胡角切

梁梁或不省

注曰釋山曰山上有水埒夏有水冬無水梁謂山上夏有停潦冬則乾也○箋曰得當自爲一字而

學與衆巖等皆用爲聲說詳敎部溲字乃後增不  
得以衆从溲省而疑之也

灑

水濡而乾也从水鷦聲詩曰灑其乾矣

呼肝切又他干切

灑俗灑从佳

注曰灑字古義如此後人用爲沙灘沙灘字亦或  
作渾詩王風文今毛詩作嘆益非也一章曰灑其  
乾矣二章曰灑其脩矣脩且乾也三章曰灑其溼  
矣知灑兼濡與乾言之

汕

魚游水兒从水山聲詩曰蒸然汕汕

所晏切

注曰小雅南有嘉魚烝然汕汕傳曰汕櫟也許不  
從毛蓋三家之說

漑

行流也从水夬聲

原本作夬今依繫傳

慮

江有決水

原本作

慮今依繫傳

出於大別山

古穴切

注曰行流眾經音義三引皆作下流下讀自上下

下之下決水之義引申爲決斷地理志廬江郡雩

婁決水北至蓼入淮又有灌水亦北至蓼入決水

經注決水自安豐縣故城西北逕蓼縣故城東又

西北灌水注之又北入於淮決水卽今史河詳灌

字下漢志六安國安豐縣禹貢大別在西南許云

決水出大別山卽安豐之大別山也漢安豐今爲

固始及霍丘○箋曰此作行流不誤廣韻同

漑

漏流也从水絲聲

洛官切

注曰宋姚宏曰戰國策王季歷葬於楚山之尾樂水齧其墓謂墓爲山尾漏流所沮敗也孔衍春秋後語改爲蠻水注云空都縣有蠻水誤甚王季葬

鄂南

澗水注也从水音聲

都歷切

注曰埤倉有澗字讀去聲卽澗字也○箋曰廣韻

引埤倉云澗澗澗也說見前澗下後瀧下淙下

澗澗也从水主聲

之戍切

注曰大雅曰挹彼注茲引申爲傳注爲六書轉注

注者引之有所適也故釋經以明其義曰注漢唐

宋人經注之字無有作註者明人始改注爲註大

非古義也古惟註記字从言如左傳敘諸所記註  
韓愈文市井貨錢註記之類通俗文云記物曰註  
廣雅註識也古起居註用此字與注釋字別古音  
如書在侯部○箋曰注作註者乃後人增加俗字  
然其義則同不必強爲分別之

灑

灑灌也从水芙蓉聲

烏鶴切  
隸作沃

注曰自上澆下曰沃故下文云澆沃也水沃則土  
肥故云沃土水沃則有先澤故毛傳云沃沃壯佼  
也又云沃柔也古音在蕭部

澆

所以攤水也从水省聲漢律曰及其門首洒澆所

切

注曰攤當作攤塞也廣雅曰潛隄也古音在魚部  
曹憲倉故反漢律益謂壅水於人家門前有妨害  
也○箋曰洒滔未詳

澁增水邊土人所止者从水筴聲夏書曰過三澁

時制切

注曰土部埤增也增益也酈善長曰左傳文十六  
年楚軍次於句澁定四年左司馬戌敗吳師於壅  
澁昭二十三年司馬蕞越縊於蕞澁服虔或謂之  
邑又謂之地京相璠杜預亦云水際及邊地名也  
今南陽消陽二縣之閒清水之濱有南澁北澁矣  
夏書禹貢文水經曰三澁地在南郡鄖縣北沱酈

云地說曰河水東行過三澨合流觸大別山阪故  
馬融鄭元王肅孔安國等咸以爲三澨水名也惟  
許慎說異按筮小篆作𠄎○筮曰水邊增築土以  
爲防故或謂之水或以爲地耳

津

水渡也从水聿聲

將鄰切  
隸作津

𠄎古文津从舟从淮

注曰商書微子曰若涉大水其無津俗本妄增涯  
字經傳多假津爲盞潤字周禮其民黑而津是也  
古文是从舟从水進省聲

𠄎

無舟渡河也从水朋聲

成冰切

注曰小雅傳曰徒涉曰馮河爾雅釋訓論語孔注  
同翔正字馮假借字○筮曰韓策公仲朋史記甘



茂傳集解引徐廣一作馮朋卽溯之省也

**橫** 小津也从水橫聲一曰以船渡也

戶孟切

注曰謂渡之小者也方言曰方舟謂之橫郭云揚州人呼渡津舫爲杭荊州人呼橫音橫廣雅橫筏也按五篇戶飭切爲長

**泝** 編木以渡也从水付聲

芳無切

注曰周南江之永矣不可方思傳曰方泝也卽釋言之舫泝也釋水曰大夫方舟士特舟庶人乘泝方言曰泝謂之棹棹謂之筏筏秦晉之通語也廣韻曰大曰棹曰筏小曰泝按論語乘桴假桴爲泝

**濟** 濟也从水度聲

徒故切

注曰邶風傳曰濟渡也方言曰過度謂之涉濟

 緣水而下也从水台聲春秋傳曰王沿夏與專切

注曰禹貢治于江海達于淮泗台古文沈春秋傳

左氏昭十三年文

 逆流而上曰溯洄洄向也水欲下違之而上也从

水彡聲桑故切溯洄或从是朔

 洄洄也从水从回戶灰切

注曰秦風傳曰逆流而上曰溯洄順流而涉曰溯

游釋水同涉作下向當作鄉漢人書向背字皆作

鄉

 潛行水中也从水永聲爲命切

注曰周南不可泳思釋水毛傳皆曰潛行爲泳下文云潛涉水也涉徒行厲水也

**潛** 涉水也 一曰藏也 一曰漢水爲潛 从水替聲

昨鹽切

注曰邶風傳曰由邾以上爲涉然則言潛者自其邾以下沒於水言之所謂泳也左傳哀十七年越子以三軍潛涉一曰藏也者今通行義也釋言曰潛淡也方言曰潛涵沈也一曰漢爲潛釋水文劉逵注蜀都賦云禹貢梁州沱潛旣道有水從漢中沔陽縣南流至梓潼漢壽縣入大穴中通岡山下西南潛出今名伏水舊說云禹貢潛水也郭璞爾雅音義同此說

淪水入船中也一曰泥也从水金聲

古暗切

淪淪淪或

从今

注曰水入船中必由縫而入淪者浸淫隨理之意

○箋曰玉篇引說文水入船中又泥也淺也

汎浮也从水之聲

孚梵切

注曰擲風汎彼柏舟亦汎其流上汎謂汎汎浮兒也下汎當作泛浮也汎泛古同音而字有區別如

此○箋曰此亦強爲分別廣韻汎泛同

浮行水上也从水从子古或以浮爲浸

似由切

①

浮或从囚聲

注曰若今人能划水者也列子曰習於水勇於泗

古文以汙爲沒者善水者或沒或浮皆無不可則不妨同字同音也

𨇗履石渡水也从水从石詩曰澗則𨇗力制𨇗𨇗

或从厲

注曰謂若今有水汪張輒石而過水之至小至淺者也邽風澗則厲傳曰以衣涉水爲厲又曰由帶以上爲厲此並存二說也定本改云以衣涉水爲厲謂由帶以上也合爲一說繆矣履石渡水乃水之至淺尙無待於揭衣者其與澗則厲絕然二事明矣厲𨇗二字同音故詩容有作𨇗者許偁以明假借耳○箋曰詩言澗則厲淺則揭而段以厲爲

至淺則非其情矣詩意蓋謂水淺可揭衣而過澗則厲水而行此澗字但對淺言爲稍澗非謂其澗至數尺也水稍澗則必履石乃可過故謂之礪古通作厲通則音義同矣毛云以衣涉水爲厲者蓋履石渡水容或溼其衣也謂由帶以上也六字蓋淺人增竄段謂毛竝有二義定本合爲一說非是餘詳通介堂經說

潈水人所會也从水奏聲

倉奏切

注曰引申爲凡聚集之偁

澗浸也从水甚聲一曰湛水豫州浸

州原本作章今正宅減切

澗古文

注曰古書浮沈字多作湛直林切大徐宅減切未  
知古義古音也職方氏荊州其浸潁湛豫州其浸  
波滎許系滎於荆系湛於豫蓋以正經文之互譌  
也水經汝水篇注曰湛水出犍縣北魚齒山西北  
東南流歷魚齒山爲湛浦春秋傳襄十六年晉楚  
戰於湛阪蓋卽湛水以名阪也又東南逕蒲城北  
又東入汝杜元凱云昆陽縣北有湛水東入汝今  
南陽府葉縣北二十里有昆陽城○箋曰湛之引  
申爲澗文選高唐賦蒼湛湛而弗止李注湛澗澗  
貌又爲厚楚辭悲回風吸湛露之浮涼王注湛厚  
也小雅湛湛露斯毛傳露茂盛貌茂盛卽厚義又

爲清上文云淑清湛也淮南覽冥訓注湛酒清酒也米物下湛故曰湛是也

澗

沒也从水覃聲

於真切

注曰釋詁湮落也落與沒義相近○箋曰郭璞云湮沈落也左氏昭二十九年傳鬱湮不育杜注湮塞也沒與塞義相因

沈

沒也从水从人

奴歷切

注曰此沈溺本字今人多用溺玉篇引孔子曰君子休於口小人休於水顧希馮所見禮記尙作休古音在蕭部

澗

沈也从水从叟

黃勃切



注曰沒者全入於水故引申之訓盡小雅曷其沒矣毛傳沒盡也論語沒階孔安國曰沒盡也凡食沒乾沒皆沈溺之引申

漚

沒也从水叟聲

烏恢切

注曰此字疑後人所增○箋曰玉篇廣韻皆有此字無以見其爲後人所增段注上文澳訓隈厓謂隈當作鞫而竝疑及此斯同蔽矣

滃

雲气起也从水翁聲

烏孔切

注曰易林漚滃蔚蒼扶首來會謂雲起也江賦氣滃渤以霧沓有假翁爲滃者則禮醴齊注盎猶翁也成而翁翁然蔥白色

淅淅也从水央聲

於良切

注曰射雉賦天泱泱以垂雲善曰毛詩英英白雲

毛萇曰英英白雲貌泱與英古字通按泱淅雙聲

淅淅雨雲起也

原本作雲雨今從段正

从水妻聲詩曰有淅淅淅

七稍切

注曰雨雲各本作雲雨誤今依初學記太平御覽

正雨雲謂欲雨之雲唐人詩晴雲雨雲是也按詩

曰淅其以風毛傳淅寒風兒又曰風雨淅淅益淅

有陰寒之意小雅有淅淅淅兒急雨欲來之狀未

嘗不兼風言之許以字从水但謂之雨雲耳又按

今詩作萋萋非也呂覽漢書玉篇廣韻皆作淅淅

淪雨雲兒

原本作雲雨  
今從段正

从水夨聲

衣檢切

注曰各本作雲雨兒今依初學記太平御覽正毛  
傳曰淪雲與兒顏氏家訓定本集注作陰雲恐許  
所據徑作雨雲淪漢書作躡按有淪淒淒謂黑雲  
如髻淒風怒生此山雨欲來風滿樓之象也既雨  
白雲瀰漫風定雨甚則興雲祁祁雨我公田矣詩  
之體物瀏亮如是

溼小雨溟溟也从水冥聲

莫經切

注曰太元經密雨溟沐玉篇曰溟濛小雨

漑小雨零兒从水束聲

所責切

注曰沫漑亦雨聲俗作漑

瀑疾雨也一曰沫也一曰瀑實也

實原本誤作資今依繫傳从水

暴聲詩曰終風且暴

平到切

注曰邶風終風且暴傳曰暴疾也卽指風言許所據蓋三家詩沫一作沫誤馬融長笛賦曰山水猥至澗瀑噴沫噴沫水跳沫也澗瀑噴沫兒雨部曰實雨也齊人謂露爲實

澗時雨澗生萬物从水澗聲

常句切

注曰難蜀父老曰羣生澗濡古音在侯部

澗雨下也从水澗聲一曰澗涌兒

澗原本作沸今從繫傳姊入切

注曰廣雅云澗澗雨也上文澗澗澗也

澗久雨澗澗也一曰水名从水澗聲

才私切又卽夷切

注曰亦作涪醜一曰水名廣韵云在常山郡

漑 雨水大兒从水寮聲

盧皓切

注曰左傳曰水潦將降召南于彼行潦毛云行潦流潦也按傳以流釋行服注左傳乃云道路之水趙注孟子乃云道旁流潦以道釋行似非潦水流而聚焉故曰行潦不必在道旁也

漑 兩流雷下兒

原本奪兒字從毛本補

从水夔聲

胡郭切

注曰宋本無兒非雷屋水流下也今俗語呼簷水漑下曰滴漑乃古語也或假漑爲鑊如詩是刈是漑是也或假爲護如湯藥名大漑是也

漑 流下滴也从水豕聲上谷有涿鹿縣

鹿字依段補竹角切

𣶒 奇字涿从日乙

注曰周禮壺涿氏注壺瓦鼓也涿擊之也按擊瓦鼓之聲如滴然故曰壺涿今俗謂一滴曰一涿音如篤卽此字也又作拓音當洛反廣雅拓礎也崔寔書上火不落下火滴拓是也涿鹿縣各本奪鹿字今補地理志上谷郡涿鹿今涿鹿故城在宣化府保安州南

灑

雨龍瀧兒

繫傳作也

从水龍聲

力公切

注曰瀧瀧音轉爲浪浪平聲方言瀧涿謂之霑漬郭云瀧涿猶瀨滯也瀨滯當作澗滯埤倉云滂澗澗也通俗文霑滴謂之澗滂廣韻集韻皆云瀧凍

沾漬也。瀧凍卽瀧。涿荀卿書東龍而退楊倞云東瀧卽瀧凍。

漉

漉之也。漉之毛本作漉。漉漉繫傳同。

从水奈聲。

奴帶切。

注曰漉漉玉篇同未聞一本作漉之廣韵集韵類篇同亦未聞按漉漉當是漉漉之字誤又佚漉篆耳隸郎計切滂都計切今俗語多如此。

澗

久雨也从水高聲。

平老切。

注曰上林賦蒿平瀉瀉吳都賦瀉汗六州之域借爲京兆鎬水字。

漉

雨漉漉也从水婁聲。

一曰汝南謂飲酒習之不醉

爲漉。

力主切。

注曰澑澑猶縷縷不絕之兒一曰飲酒不醉者謂不善飲者每日飲少許久久習之漸能不醉其方言曰澑

**澑** 小雨也从水攷聲

原本作微省聲今從攷正無非切

注曰今人槩作微廣韵集韵皆曰浞澑小雨按爾雅谷者澑假借字也

**濛** 微雨也从水蒙聲

莫紅切

注曰濛溟濛三字一聲之轉幽風曰零雨其濛傳云濛雨兒廣韵空濛小雨廣雅作蒙蒙俗字也

**澑** 陵上澑水也从水允聲一曰濁黓也

直澆切又尺甚切

注曰謂陵上雨積停澑也古多假爲湛漫之湛如



小雅載沈載浮是又或借爲藩字檀弓爲榆沈是也一曰濁黓也者黑部黓滓垢也○箋曰經子沈漫字多作沈史書九夥沈从宄聲因聲載義似作沈爲長

漚雷震漚漚也从水再聲

作代切

注曰雷震雨中故从水

漚泥水洳洳也一曰縲絲湯也从水自聲

胡感切

注曰縲絲必用沸湯名曰洳

漚水澤多也从水函聲詩曰借始既漚

胡勇切

注曰詩小雅巧言文毛傳借數漚容也按漚訓容者就受澤多之義而引申之○箋曰方言曰漚

沈也楚郢以南曰涵或曰潛潛又游也文選吳都賦涵泳平其中劉逵注涵沈也按許言水澤多則爲涵濡潤澤之義

淠

漸溼也从水犁聲

人庶切

注曰魏風彼汾沮洳傳曰汾汾水也沮洳其漸洳者如澤同字沮子預反猶溼也

漫

澤多也从水曼聲詩曰既漫既漚

於求切

注曰詩小雅信南山文今詩作優卽漫之假借

涇

漬也一曰涇陽渚在郢中从水岑聲

鉏箴切

注曰淮南書牛蹄之涇謂水之漬於牛跡中者也  
毛詩潛有多魚韓詩作涇爾雅曰糝謂之涇毛傳

潛糝也說者云糝卽寐字韓詩曰涔魚池也此皆  
涔之別義一曰涔陽涔者屈原九歌望涔陽兮極  
浦王逸曰涔陽江碭名附近郢按許云涔名王云  
江碭名皆不云有涔水謂近郢濱大江之洲涔耳  
近儒說未可信

**漚** 漚也

從水責聲

前智切

注曰謂浸漬也古多假爲翫字

**漚** 久漬也

從水區聲

烏侯切

注曰陳風可以漚麻毛傳漚柔也考工記漚其絲

鄭注楚人曰漚齊人曰漚

**漚** 小漚兒也

原本作漚也  
今從繫傳

從水起聲

土角切

注曰濡者霑也上文濡篆下未舉此義故此及雨部補見小雅曰既霑既足蓋足卽泥之假借也

渥

霑也从水屋聲

於角切

注曰小雅既優既渥考工記欲其柔滑而腥脂之注腥讀如沾渥之渥按渥之言厚也濡之深厚也

邾風傳曰渥厚漬也

濯

灌也从水濯聲

口角切又公沃切

注曰與沃義同

洽

霑也从水合聲

侯夾切

注曰大雅民之洽矣毛傳洽合也此假洽爲合也釋詁曰邵合也邵卽洽毛詩在洽之陽併引者多

言二角二水卷三二  
作在郤之陽是也

濃

露多也

从水農聲詩曰零露漙漙

女客切

注曰小雅蓼蕭傳曰濃漙厚兒按西部釀厚酒也

衣部襪衣厚兒凡農聲字皆訓厚

漙

雨雪漙漙从水漙聲

甫端切

注曰小雅角弓曰雨雪漙漙見峴曰消廣雅漙漙

雪也劉向傳作庶

灑

薄水也一曰中絕小水从水兼聲

力鹽切

注曰潘岳筭婦賦曰水灑灑以微凝按食部灑下

云讀若風灑灑蓋當云讀若風灑之灑風灑謂風

之蹙凌也中絕小水玉篇廣韵作大水中絕小水

出也當是完本後奪誤爲四字耳晁以道云唐本有又曰掩也四字又有或體濂篆見樓攻媿集今補○箋曰考工記曰雖有淡泥弗之濂也乃黏著之義鈕云玉篇濂下重文濂不引說文廣韻濂字不作重文則唐本未可信

漸

水石之理也从水防聲

原本作从防今依繫傳

周禮曰石有

時而泐

虛則切

注曰各本水下有石字今刪防地理也从昌勑木之理也从木然則泐訓水之理从水無疑矣淡人不知水有理又見下文引周禮說石乃妄增一字水理如地理木理可尋其字皆从力力者人身之

理也周禮考工記文○箋曰段捌石字非是水未  
聞有理可尋此雖从水而實爲石泐本字繫傳云  
言石因其脈理而解裂是也石有脈理故曰水石  
之理矣

**滯** 凝也从水帶聲

直例切

注曰周禮塵人凡珍異之有滯者鄭司農云貨物  
沈滯於塵中不決泉府貨之滯於民用者故書滯  
爲瘴杜子春云瘴當爲滯

**著** 止也从水氏聲

直尼切

注曰著止有所著而止也土部抵著也與此字皆  
从氏徐楚金引左傳物乃泚伏按左傳自作抵伏

杜曰坻止也尋其義當作坻與泚義略同蓋唐宋以來氏氏混淆多矣玉篇之是切廣韻諸氏切大徐直尼切誤認爲坻字耳



水裂去也从水號聲

古伯切

注曰謂水分裂而去也韓愈文用灑灑字



水索也从水斯聲

息移切

注曰方言曰斷索也郭注盡也許說其本義楊說其引申之義索訓盡者乃索之假借字入室按索有盡意也



水涸也或曰泣下从水气聲詩曰汽可小康

許訖切

泣作



注曰大雅民勞傳曰汙危也周易汙至亦未繙井  
小狐汙濟虞翻曰汙幾也皆引申之義水涸爲將  
盡之時故引申之義曰危曰幾也○箋曰段說引  
申之義是也然虞翻以引申說易則誤汙至亦未  
繙井正謂水將涸而猶未汲小狐汙濟亦謂因涸  
而濟耳



涸也从水固聲謂若狐獬之獬

下各切



涸亦从

水鹵舟

注曰渴盡也渠列切釋詁曰涸渴也俗本作竭月  
令仲秋之月水始涸



盡也从水尙聲

相么切

注曰未盡而將盡也

**灺** 灺也 从水焦聲

子肖切

注曰荀卿書其誰能以己之灺灺受人之域域者  
哉楊倞曰灺盡也灺灺謂窮盡明於事猶楚辭之  
察察

**渴** 渴也 从水曷聲

苦葛切

注曰渴竭古今字古水竭字多用渴今則用渴曷  
曷字矣佩觿曰說文字林渴音其列翻按大徐苦  
葛切非也

**漶** 水虛也 从水康聲

苦岡切

注曰釋詁曰漶虛也按康者穀皮中空之謂故从

康之字皆訓爲虛。獻下曰饑虛也。康下曰屋康。實也。詩酌彼康爵。鄭箋康虛也。方言曰康空也。急就篇顏注曰。轉謂與中空處所用載物也。

漚

幽溼也从水一所以覆也覆而有土故溼也。𣪠省

聲

失人切

注曰凡溼之所從生多生於上有覆而氣不溼故从土水會意。今字作濕。○箋曰土得水而氣上行覆之則愈蒸溼也。𣪠省聲說見日部。

漚

幽溼也从水音聲

去急切

注曰五經文字云漚从泣下月大羹也。漚从泣下日幽溼也。今禮經太羹相承多作下字或傳寫久

譌不敢改正按濟字不見於說文未知張說何本  
儀禮音義引字林云湑藥汁也玉篇廣韻同然則  
本無異字肉之精液如幽溼生水也廣雅糞謂之  
脰皆字之或體耳○箋曰湑之本義訓幽溼假借  
爲肉汁字張參強生分別而毛居正爲所誤不可  
不亟正也

湑哀都切濁水不流也一曰窟下也窟原本作窟今從段正从水夸聲

注曰服虔注左傳云水不流謂之汗按汗卽湑之  
假借字孟子梁惠王作湑滕文公作汗元應引說  
文濁水不流池也宜有池爲長

汙汗也从水免聲詩曰河水浼浼孟子曰汝安能浼

我

武舉切繫傳本此篆在濁下

注曰孟子公孫丹篇曰爾焉能浼我哉趙注惡人何能汚我也詩邶風新臺文毛傳曰浼浼平地也按浼浼與疊疊同文選吳都賦清流疊疊李注引韓詩疊疊水流進兒此必毛詩浼浼之異文今李注奪一疊字許引此詩者言假借之義也

汙

歲也

一曰小池

爲汗

一曰涂也

从水于聲

鳥故切

注曰此蒙上濁水不流池類言之池之小者汗池

見孟子一曰涂者與杆義略同木部杆所以涂也

○箋曰沔謂濁水池汗則爲凡汗歲之併段謂元

應引滂下有池字是也謂汗蒙上而言則非也一曰小池爲汗者古通作滂耳

**湫**

隘下也一曰有湫水在周地春秋傳曰晏子之宅

湫隘安定朝那有湫淵

原本作泉今從段正

从水秋聲好了切

卽由切

注曰晏子之宅湫隘見左傳昭三年杜云湫下隘小也湫水未聞安定郡朝那二志同朝那故城在今甘肅平涼府附郭平涼縣西北前志云有湫淵祠蘇林云淵方四十里停不流冬夏不增減不生艸木一統志曰朝那湫今在平涼府固原州西南按淵各本作泉唐人避諱改也今正

澗 水曰澗下从水閏聲如順

注曰水曰澗下見洪範

準 平也从水隼聲之允

注曰天下莫平於水水平謂之準因之製平物之器亦謂之準漢志繩直生準準者所以揆平取正也因之凡平均皆謂之準考工記準之然後量之是也古音讀之壘切考工記故書準作水五經文字云字林作准按古書多用准蓋魏晉時恐與准字亂而別之耳

泮 平也从水丁聲他丁切 泮汀或从平

注曰平謂水之平也水平謂之汀因之州泮之平

亦謂之汀李引文字集略云水際平沙也

**泚** 水吏也又溫也从水丑聲

人九切

注曰謂水駛也駛疾也其字在說文作𣶒不解者  
謂爲吏耳一本作利義同錢氏大昕云吏當作文  
海賦踈泚注云蹙聚也廣韻云蹙泚水文聚踈蹙  
同按廣韻上聲人九切引說文同入聲女六切云

水文聚

**澣**

水浸也

澣段訂  
作漫

从水糞聲爾雅曰澣大出尾下

方問

切

注曰漫各本作浸今依集韻訂說文無漫浸當作  
曼曼者引也澣者水之引而愈出者也漫澣聲類



相近爾雅釋水文郭云今河東汾陰縣有水口如車輪潰沸涌出其渙無限名之曰漢邠陽縣復有漢亦如之相去數里而夾河河中階上又有一漢漢源皆潛相通按地理志上谷郡潘縣師古昔半反全氏祖望據水經注河水過蒲阪下引帝王世紀證潘當作漢

**澗** 新也从水臯聲

七臯切

注曰謂水色新也如玉色鮮曰玼廣韻曰新水狀也

**澗** 無垢澗也从水靜聲

疾正切

注曰此今之淨字也韻會云楚辭收潦而水清注

作澗今文選本作百川靜洪興祖本作百川清若

與黃氏所見異古書多假清爲澗

灑

灑滅

二字依段補

拭滅兒从水蔑聲

莫逢切

滅

滅滅也从水戔聲

讀若椒檝之檝

火活切

注曰拭滅者拂拭滅去其痕也澆滅今京師人語

如此音如麻沙釋名曰摩娑猶末殺也手上下之

言也巾部幪讀如末殺之殺末殺字林作抹撥卽

澆滅也滅音所八切大徐火活切非也

澆

澆釜也从水自聲

其莫切

注曰澆者沃也沃今江蘇俗云煠烏到切廣韻三

十七號云煠釜以水添釜也周禮士師洎鑊水注

云泊謂增其沃汁呂覽多泊之少泊之左傳去其肉而以其泊饋正義云泊者漆釜之名漆釜以爲肉汁遂名肉汁爲泊

**湯熱水也从水易聲**

土郎切

注曰湯又始陽切湯湯水盛○箋曰廣韻湯又他浪切按今俗以湯沃物讀去聲

**灑湯也从水粟聲**

乃管切

注曰士喪禮灑濯棄于坎鄭注沐浴餘潘水疏曰潘水既經溫煮謂之灑已將沐浴謂之濯按今北方灑河漢志水經作濡水乃官切正灑之誤耳粟多譌需詳手部

澗 澗水也从水安聲

烏肝切

注曰日部安羅溫也然則澗猶安羅皆疊韻字

澗 澗也一曰澗孰也从水而聲

如之切

注曰澗與澗音近粟從而聲也肉部膈爛也然則

澗與膈同內則作濡蓋字之誤鄭注凡濡謂烹之

以汁和也

澗 財澗水也从水兌聲周禮曰以澗澗其絲

輸苒切

注曰考工記曰以澗水澗其絲鄭注故書澗作澗

鄭司農云澗小澗水也元謂澗水以灰所沛水也

玉裁按澗當作澗集韻云澗或作澗是也大鄭從

澗故釋之曰澗水鄭從澗故依禮記澗齊費新之

況釋爲以灰所沛水其說殊矣許則字從況而釋  
從大鄭依許說則內則祭統況字不可解○箋曰  
內則無況字郊特牲祭統有之郊特牲云明水況  
齊又云醴酒況于清汁獻況于醴酒祭統夫人薦  
況水亦未嘗不可解



涇也从水官聲酒泉有樂涇縣

古丸切

注曰春秋繁露燔以涇湯韓詩外傳作沸湯然則  
涇鬻一也周禮注云今燕俗名湯熱爲觀觀卽涇  
今江蘇俗語鬻水曰滾水卽涇水之轉也酒泉郡  
樂涇縣二志同今甘肅肅州高臺縣西北鎮夷城

西南

澗 澗溢也今河朔方言謂沸溢爲澗从水沓聲

徒合切

注曰河朔河北也

澗

澗也从水大聲

代何切又徒蓋切

注曰澗字賸文選王元長舉秀才文引無澗字可證士喪禮祝澗米于堂注澗汰也釋詁曰汰墜也汰之則沙礫去矣故曰墜也九章齊吳榜以擊汰凡舟子之用櫓振力擊之乃徐托之如汰然今蘇州人謂搖巾酒之曰汰凡沙汰淘汰用澗米之引申或寫作澗多點者誤也若左傳汰侈汰斲字皆泰之假借寫作汰者亦誤○箋曰澗汰同義澗者析也舟人擊汰實分水之義耳



沃沃者澆沃而沃酒之若今人言浚麪是也士虞禮明齊浚酒注明齊新水也言以新水浚釀此酒也此浚卽沃沃之義○箋曰浚與沃異事浚沃者既浸扞而出之乃復沃之段說非也此宋庠誤耳

**浚**扞也从水交聲

私問切

注曰扞者挹也取諸水中也春秋經浚洙孟子浚井左傳浚我以生義皆同浚之則浚故小弁傳曰

浚澗也

**瀝**

瀝也

澗原本作浚今從段正

从水歷聲一曰水下滴瀝

郎擊切

注曰一曰水下滴瀝六字錯本無今從文選魯靈先殿賦李注引水下滴瀝之也則鉉本是許意瀝



漉皆訓自下而上之滴漉則爲自上而下之故殊其義○箋曰鈕云各本竝作浚也今改爲漉蓋本玉篇然玉篇不引說文灑按段從玉篇改浚爲漉其義似優惟分別上下爲繆耳玉篇云漉力的切漉也滴漉水下又作漉此言漉之而水下滴漉也鼎臣別爲一義非是繫傳本則漉下有一曰水下兒也六字蓋後人亂之

漉

浚也从水鹿聲

盧谷切

漉漉或从录

注曰月令仲春毋竭川澤毋漉陂池注順陽養物也

漉

浙米汁也一曰水名在河南滎陽从水番聲

音官切

注曰內則曰其閒面垢燂潘請醕鄭云潘米瀾也  
按瀾者瀾之省力且反滎陽故城在今開封府滎  
澤縣西南潘水未聞

 潘也从水蘭聲


洛干切

注曰古通用瀾周禮彙人注雖其潘瀾多餘不可  
變內則注潘米瀾也按周禮禮記音義皆云去聲

 周謂泔曰泔从水甘聲

古三切

注曰今各處語言同此荀卿子曰曾子食魚有餘  
曰泔之

 久泔也从水脩聲

息流切又思酒切

注曰荀卿子曰蘭槐之根是爲芷其漸之滌君子

不近庶人不服其質非不美也所漸者然也大戴禮同謂久泔泉蕨也內則澆灑注秦人浚曰澆此則別是湯液之類與久泔異實同名秦人方言也

○箋曰浚澆古字通秦語斂侈之別耳

澆

澆也澆原本作滋今從毛本

从水殿聲

堂練切

注曰釋器曰澆謂之澆土部澆澆也黑部澆謂之

澆按澆與澆異字而音義同實則一字也

澆

澆泥从水於聲

依據切

注曰方言水中可居爲洲三輔謂之澆其引申之義也○箋曰上林賦行乎洲澆之浦蓋洲上有爽壇亦有於泥故兼言之耳非引申也

渾激也从水宰聲

阻史切

注曰輝名曰緇滓也泥之黑者曰滓此色然也廣雅曰澱謂之滓按古亦假滓爲淄

澁濁也从水念聲

乃忝切

注曰義與澱淤滓相類禮運曰龍以爲畜故魚鮪不澁注澁之言閃也蓋濁其本義閃其引申假借義眾經音義引埤倉澁水無波也杜詩山霧戎戎溼溪雲澁澁寒戎戎言其流動澁澁言其凝滯水無波之引申也禮記音義審閃二音

淪瀆也从水侖聲

以灼切

注曰此蓋謂納於污濁也故廁於此孟子淪濟淶

言浚治其汚濁也淪與灑同音而義近故皆假淪

為灑今人曰煤助甲切古人曰淪亦作洵詳灑部

**灑** 醞酒也一曰浚也从网从水焦聲讀若夏書天用

勦絕子小切

注曰醞下酒也卽今之灑酒也以筐曰醞勦當依

刀部作剝今本从力九誤○箋曰臣鉉等曰以縑

帛灑酒故从网

**灑** 側出泉也从水聲聲籀文磬字去挺切

注曰側出者旁出如醴出然故其字與灑溍屬類

爾雅釋水曰洑泉穴出穴出仄出也厂部曰厝仄

出泉也厝與洑音同字異祭者厝之一名也

澆酒也一曰浚也一曰露兒从水衍聲詩曰有酒

澆我又曰零露澆兮

私呂切

注曰小雅伐木云醜酒有蕝毛傳以筐曰醜以藪曰澆又云有酒澆我傳澆藪之也按毛許醜藪皆有別酉部藪者禮祭束茅加於裸圭而灌鬯酒毛傳澆訓以藪藪之藪謂艸如祭之用茅也故亦曰藪一曰露兒者小雅蓼蕭云零露澆兮傳曰澆澆然蕭上露兒

澆於酒也从水面聲周書曰罔敢澆于酒

彌袞切

注曰沈澆於酒周易所謂飲酒濡首亦不知節也韓詩云飲酒閉門不出客曰澆樂記流澆以忘本

其引申之義也按鄭注酒誥云飲酒齊色曰酒鄭意此字从面會意故釋云齊色謂同飲者至於同色也許則謂形聲

**漿** 酢漿也从水將省聲

卽良切

**𩚑** 古文漿省

注曰周禮酒正四飲漿人掌共王之六飲皆有漿鄭注漿今之馘漿也內則注漿酢馘也按酉部馘酢漿也則漿馘二字互訓

**涼** 薄也从水京聲

呂張切

注曰涼廩於此者謂六飲之涼與漿爲類也鄭司農云涼以水和酒也元謂涼今寒粥若糗飯雜水也許云薄也蓋薄下奪一酒字以水和酒故爲薄

酒此用大鄭說也引申爲凡薄之稱如職涼善背  
號多涼德毛杜皆云涼薄是也薄則生寒又引申  
爲寒如北風其涼是也至字林乃云涼微寒也唐  
殷敬順引之廣韻玉篇皆云涼俗涼字至集韻乃  
特出涼字注云薄寒曰涼

**澹薄味也从水炎聲**

徒敢切

注曰淡者釀之反也又澹淡亦作泊淡水滿兒○  
箋曰古澹淡連文音義皆別文選西都賦澹淡浮  
李注澹淡益隨風之貌也又七發湍流遡波又澹  
淡之注澹淡搖蕩之貌廣韻四十九敢云澹徒敢  
切澹淡水兒淡音剡又五十四闕云淡徒濫切水



味今多通用

**澗** 食已而復吐之从水君聲爾雅曰太歲在申曰澗

**澗** 他昆切

注曰未聞江賦澗淵謂水兒爾雅釋天文高誘曰澗大也澗循也萬物皆天循其情性也

**澗** 沃也从水堯聲

古堯切

注曰沃爲澗之大澗爲沃之細故不類廁凡醲者澗之則薄故其引申之義爲薄

**澗** 盡也从水夜聲

羊益切

注曰血部益氣液也按樂記注永歎淫液歌遲之也考工記春液角鄭司農液讀爲醴此皆引申之

義古音在魚部

汁液也从水十聲

之入切

注曰古經傳多假汁爲叶方言曰斟協汁也北燕朝鮮泃水之間曰斟自關而東曰協關西曰汁此兼濳汁和協而言如台朕賚畀卜陽子也之例汁液必出於和協故其音義通也

澇多汁也从水哥聲讀若哥

古俄切

注曰淮南原道訓甚淖而澇高云澇亦淖也饒粥多瀋者曰澇讀歌謳之歌按今江蘇俗語謂之稠

灑豆汁也从水顯聲

平老切

注曰豆者赤也廣韻曰灑漑水勢遠也○箋曰史

記司馬相如傳灑泔潢漾正義引郭云灑泔皆水  
無涯際也

**澁**器滿也从水益聲

夷質切

注曰禮經一溢米注二十兩曰溢按謂二十兩溢  
者謂滿於一斤十六兩之外也後人因製鎰字○  
箋曰二十兩曰溢自是古權法然士喪禮之一溢  
米則似非二十兩之謂辨見通介堂經說

**灑**也从水西聲古文以為灑掃字

原木尊以字今依段補先禮切

注曰下文云沫洒面也浴洒身也澡洒手也洗洒  
足也今人假洗為洒非古字洒灑本殊義而雙聲  
故相假借○箋曰古音先西皆讀如辛

**滌** 酒也徒歷切

注曰皿部曰盪滌器也引申爲凡清滌之詞如七月傳曰滌場掃地雲漢傳曰滌滌旱氣也山無木川無水是也古音在蕭部周禮條狼氏樂記條蕩其聲皆假條爲滌周禮凡酒脩酌假脩爲滌

**灑** 和也阻立切

注曰小雅爾羊來思其角灑灑毛傳聚其角而息灑灑然也按毛意言角之多蓋言聚而和也如輯之訓聚兼訓和

**澗** 汁也昌枕切

注曰左傳哀三年曰無備而官辦者猶拾澗也杜

云瀋汁也陸德明云北土呼汁爲瀋

**瀋**

**飲也**

繫傳飲下有飲字

**从水弭聲**

麟婢切

注曰周禮王崩大肆以秬鬯泚杜子春讀泚爲泚以秬鬯浴厥也按浴厥則鬯厥口鼻與飲飲義相近○箋曰段說飲飲義恐非是繫傳多飲字疑涉下文誤衍

**澆**

原本篆作澆今從段正

**飲飲也一曰吮也从水奠聲**

算原本作算今

從段正衫洽切又先活切

注曰各本篆作澆今按玉篇廣韻皆作澆知古說文如此作集韻類篇始誤從俗本說文耳飲飲也吮飲也

澌澌口也从水敝聲

所右切

注曰曲禮諸母不澌裳假澌爲凍

澗澗也从水冏聲

戶駮切

注曰此義俗从冏作澗篇韻澗皆訓冷大雅澗酌彼行潦毛曰澗遠也此謂澗卽迴之假借也○箋

曰澗澗等字改从冏者皆俗書耳

滄滄寒也从水倉聲

七岡切

注曰周書周祝解曰天地之間有滄熱列子湯問篇曰初出滄滄涼涼冏部滄字音義同

凜凜冷寒也从水靚聲

七定切

注曰世說新語劉眞長始見王丞相時盛暑之月

丞相以腹熨彈棋局曰何乃洵劉旣出人問見王公云何劉曰未見他異惟聞作吳語耳注云吳人以冷爲洵太平御覽引此事洵作觀集韻類篇皆云觀洵二字同吳人謂冷也今吳語謂冷物附他物其語如鄭卽觀字也○箋曰冷與寒義微別冷寒謂侵人之寒卽世說語意此與夂部清音義略同曲禮冬溫而夏清亦謂以冷物附體也

**滅火器也**从水卒聲  
七內切

注曰滅火器者蓋以器盛水濡火使滅其器謂之淬與火部之焠義略相近故焠通作淬○箋曰此滅火非謂熄滅之也漢書王褒傳巧冶鑄干將之

樸清水焯其鋒顏注焯謂燒而內諸水中以堅之  
是也蓋治刀劍者火煉而水淬之使其消鋒而愈  
精每淬則火必暫滅故曰滅火器非熄之也謂之  
器者亦因其事以名其物也淬與焯音義竝同以  
水淬之謂之淬自其用火而言則改从火耳史記  
天官書云火與水合爲焯漢書天文志作淬是二  
字古通廣韻曰淬染也犯也寒也其引申之義也  
段云淬與焯義近通用是也而其注火部則又以  
爲義別失檢照矣

沐濯髮也从水木聲

莫卜切

注曰引申爲芟除之義如管子云沐塗樹之枝釋



名云沐禿無上兒之偁

沫酒面也从水未聲

荒內切

古文沫从頁

攷訂作類

注曰律麻志引顧命曰王乃洮沫水師古曰沫洗面也禮樂志霑赤汗沫流赭晉灼曰沫古醜字檀

弓瓦不成味鄭云味當作沫沫醜也按此沫謂瓦

器之釉如洗面之先澤也古文當作類今正尙書

王乃洮類水釋文曰說文作沫云古文作類文選

類血飲泣李注類古沫字按類從兩手掬水而洒

其面會意或奪其井作湏漢人多用醜字○箋曰

鈕云玉篇類重文作沫下有古文湏蓋本說文陸

說未必是

浴酒身也从水谷聲

余蜀切

注曰老子浴神不灰河上公曰浴養也夏小正黑鳥浴浴也者飛乍高乍下也皆引申之義也

澡酒手也从水臬聲

子皓切

注曰皿部盥澡手也儒行篇曰澡身而浴德其引申之義或假線爲澡如禮記總冠線纓是荀卿又作怪纓

澣酒足也从水先聲

蘇典切

注曰內則曰面垢燂澣請澣足垢燂湯請澣此酒面曰澣洗足曰洗之證也洗讀如跣足之跣自後人以洗代酒澣字讀先禮切浴至近日以酒代澣

轉同詩禮之用字矣○箋曰晉先軫之後爲先氏亦作洗古音相傳讀若洗不變也今俗作洗

灑

引水於井也从水从及及亦聲

繫傳本作从水及聲居立切

注曰井九三日可以汲引申之凡擢引皆曰汲古書多用汲汲爲汲汲同音假借

澆

淥也从水堯聲

常倫切

注曰內則考工記注皆曰澆沃也按澆熬澆母之名因沃之以膏也然則許云淥也謂淥之後一義○箋曰考工記鍾氏染羽澆而漬之鄭注澆沃也又恍氏涑帛渥澆其帛清其灰而盥之而揮之而沃之明日沃而盥之是沃與盥異淥謂漬諸水中

沃則以水澆之許訓涓爲涿卽所謂涓而漬之也

涓古通作涓

**淋**以水沃也从水林聲一曰淋淋山下水貌

力尋切

注曰水沃曰淋今俗語皆爾郭璞注三倉曰淋漉水下也一曰淋淋山下水謂山下其水也與下文決下水義同七發曰洪淋淋焉若白鷺之下翔

**漉**除去也从水某聲

私列切

注曰井九三井漉不食荀爽曰漉去穢濁清潔之意也按凡言泄漏者卽此義之引申變其字爲泄耳某聲或在脂部或在談部蓋二部之通融難以枚數○箋曰段以爲某聲在脂部者从卍聲也其

或入談部則聲之轉也據此足明古音轉移不可執一矣又此字唐人避諱書作淙曲禮蔭沫處未釋文作淙以制反今撫州本禮記亦作淙

**澣**

**濯衣垢也从水榦聲**

胡玩切

**澣榦或从完**

注曰周南箋云澣謂濯之又半澣曰湔見上文澣者今俗字也篇韻皆上聲儀禮古文假浣爲盥公羊傳亦有此字

**澣**

**澣也从水翟聲**

直角切

注曰崧高傳曰濯濯光明也靈臺傳曰濯濯娛游也皆引申之義也有假洮爲濯者如鄭注顧命之洮爲澣衣成事是也周禮故書以濯爲洮爾雅以

以濯爲琫史漢以輯濯爲楫權皆古文假借

**涑** 涑也从水束聲河東有涑水

連侯切

注曰涑亦假涑爲之公羊傳臨民之所漱沆也何

注無垢加功曰漱去垢曰浣齊人語內則云冠帶

垢和灰請漱衣裳垢和灰請澣鄭云手曰漱足曰

澣是也上文湔篆下云一曰手澣已依水經注訂

手爲伴依鄭用手曰漱之云則作手固未嘗非是

又按左傳曰伐我涑川水經曰涑水出河東聞喜

縣東山黍葭谷今涑水出山西絳縣陳村峪伏流

復出西入聞喜縣界又西南入夏縣界經安邑縣

北西流入蒲州府猗氏縣界又西南經臨晉虞鄉

永濟縣入五姓湖又西南入黃河左傳音義徐仙  
民息錄反字林音速○箋曰上文瀚一曰手濼段  
依水經注所引字林改爲半濼今亦自悟其失矣

**灑**

於水中擊絮也从水灑聲

匹敵切

注曰擊當爲擊考工記注湖漂絮莊子曰泝泝統  
皆謂於水面漂擊之竹部曰箛灑絮簣也灑亦謂  
之漂漂孚妙切玉篇及曹憲注廣雅合灑漂爲一  
字同切孚妙誤矣秋興賦游儵灑灑魚游水兒引  
申之義也

**塗**

也从水从土虍聲讀若隴

又亾江切

注曰謂塗墍也通俗文曰泥塗謂之澆頰按塗又

見土部玉篇亦在土部引說文木貢切元應洩頰  
上莫董切下胡動切按塗之言蒙不得讀若隴蓋  
水部本無此字淺人妄增之也

**灑**

**灑也从水麗聲**

山鼓切

注曰凡掃者先灑弟子職曰實水於盤攘臂袂及  
肘堂上則播灑室中握手是也引申爲凡散之稱  
山鼓切音變爲所蟹切音轉爲沙下切

**灑**

**灑也从水孔聲**

息晉切

注曰孔疾飛也水之激如飛此以形聲包會意揚  
雄劇秦美新云況盡汎埽前聖數千載功業汎埽  
卽灑埽也俗用爲潮汎字



澹以繪染爲色从水朶聲

而刻

注曰周禮染人掌染絲帛緝者帛也舉帛以該絲也此當云从水木从九裴尤遠曰从木木者所以深梘茜之屬也从九九者澹之數也按裴說近是禮一入爲縹再入爲纁三人爲纁朱則四人五入爲緌元則六入七入爲緝字从九者數之所究言移易本質必淡入之也○箋曰玉篇女部有媠字重文作媠豈媠从媠省與抑朶白爲一字而今佚之與未可知也

澹从丹从水大聲

他蓋切  
隸作泰

古文澹

隸作

注曰此以疊韻爲訓字从丹水水在手中下澹甚

利也與辵部達義近皆他達切左傳汰轉卽滑之意滑則寬裕自如故引申爲縱泰如論語泰而不驕是也又引申爲泰侈如左傳之汰侈西京賦之心參體泰是也汰卽泰之隸省而與浙米之汰同形作汰者誤字古文太从厶取滑意大聲○箋曰段以爲太从厶非是宋九叔晦曰古文有因而重之以見意者从大而二之爲太是也隸省作太通作泰餘詳人部仁下

**澗** 海岱之間謂相汙曰澗从水閻聲

余廉切

注曰方言汜澗澗注洿也自關而東或曰注或曰汜東齊海岱之間或曰澗或曰澗按洿汚古通用

子雲義取汚穢許說及廣雅皆從之郭注以洿池  
釋之非也

**灑** 汗灑也一曰水中人从水灑聲

則肝切

注曰謂用污水揮灑也釋元應曰江南言灑子旦  
反山東言灑子見反史記廉藺傳作灑楊泉物理  
論作灑皆音子旦反一曰水中人中讀去聲此與  
上文無二義而別之者兼指不污者言也上但云  
灑則不中人

**灑** 腹中有水气也从水从愁愁亦聲

繁傳作从水愁聲士九切

**灑** 乳汁也从水重聲

多貢切

注曰見列子穆天子傳或借重字爲之漢書匈奴

傳重酪之便美是也管子渾然擊鼓士忿怒借渾  
爲釐也周禮注潼容卽毛詩傳之童容也

**淚** 鼻液也从水夷聲

他計切

注曰易萃上六齋咨涕洟鄭注自目曰涕自鼻曰  
洟詩陳風涕泗滂沱毛傳自目曰涕自鼻曰泗洟  
卽洟之假借古書涕洟二字多相亂於是謂自鼻  
出者曰涕而自目出者別製淚字皆許不取也素  
問謂目之水爲淚謂腦滲爲涕王褒僮約目淚下  
落鼻涕長一尺曹娥碑泣淚掩涕驚動國都漢魏  
所用已如此周易音義洟他麗反又音夷

**涕** 流兒从水敝省聲詩曰潛焉出涕

所壽切

注曰詩小雅大東篇文毛云漉涕下兒

汗

人液也

人段訂

从水干聲

侯肝切

注曰身各本作人今依太平御覽訂漢餘汗縣讀

如干

泣

無聲出涕曰泣从水立聲

去急切

注曰尚書大傳曰微子將往朝周過殷之故墟志動心悲欲哭則爲朝周俯泣則近婦人推而廣之作雅聲謂之麥秀歌按素問以爲泣字

淚

泣也从水弟聲

他禮切

注曰泣也當作目液也轉寫之誤毛傳云自目出曰涕篇韻皆云目汁泣非其義也



議如水之平而獻於上也

渝變污也从水俞聲一曰渝水在遼西臨俞東出塞

羊朱切

注曰釋言曰渝變也許謂澗而變污遼西郡臨渝下曰渝水首受白狼東入塞外又有侯水北入渝同郡交黎縣下曰渝水首受塞外南入海按渝水今未詳

減損也从水咸聲

古斬切

注曰古書多假咸爲減

澌盡也从水威聲

亡列切

注曰此舉形聲包會意

**漕** 水轉穀也 穀段訂 一曰人之所乘及船也从水曹

聲在到切

注曰穀各本譌穀今依韻會平準書索隱蕪城賦  
注訂如消漢書注水轉曰漕百官志曰大倉令主  
受郡國傳漕穀乘下疑奪車字蓋車亦得併漕或  
云及蓋誤字按史記索隱作一云車運曰轉水運  
曰漕十字當從之

**泮** 諸侯鄉射之宮西南爲水東北爲牆从水从半

亦聲 皆半切

注曰魯頌思樂泮水又曰旣作泮宮毛傳泮水泮  
宮之水也天子辟廡諸侯泮宮鄭箋云辟廡者築



說文解字注卷之三十一  
土雖水之外國如壁四方來觀者均也泮之言半也半水者蓋東西門以南通水北無也王制作頌宮蓋禮家所製字許不取

漏以銅受水刻節晝夜百刻从水扇聲

盧后切


注曰周禮挈壺氏鄭注漏之箭晝夜共百刻○箋曰顧氏炎武曰梁天監六年武帝以晝夜百刻分配十二辰辰得八刻仍有餘分乃以晝夜爲九十六刻一辰有全刻八焉是知每辰得八刻仍有餘分者古法也灑按顧氏常言古不用十二辰紀時則漏箭百刻但以分晝夜耳不必有每辰幾刻也至梁武乃以百刻分配十二辰故整之爲九十六

刻今麻家用之

 丹沙所化爲水銀也从水項聲

呼孔切

注曰本艸經曰水銀鎔化還復爲丹然則本丹之所化明矣後代燒煅麤次朱沙爲之淮南書高注白澗水銀也廣雅曰水銀謂之澗字一作汞說者分別之云汞水銀滓

 萍也水艸也从水苹苹亦聲

薄經切

注曰萍萍二篆見艸部篇韻皆云萍萍同字疑許書本有萍無萍萍卽萍之別字周禮萍氏疑本作萍氏○箋曰萍字在艸部大篆五十三之列自非後人增之鈕云此萍字爲後人加故附在部末也

澱水多皃从水歲聲

呼曾切

箋曰前有澱篆段訂作澱而刪此篆今從之

汨治水也从水日聲

于筆切

注曰天問不任汨鴻師何以尙之王云汨治也鴻大水也引申之凡治皆謂汨書序汨作汨治也汨本訓亂如亂之訓治洪範汨陳其五行汨亂也俗音古忽切○箋曰鈕云汨解治水而次在部未疑非許書本有餘詳川部帛下

文四百六十八 重二十二

段於本部補池篆次沼下云陂

也从水也聲直離切自注曰徐鉉等曰池沼之池通用江沱字今別作池非是學者以爲確不可易矣考初學記引說文池陂也以水也聲徐堅所據不誤漢碑池沼字皆从也今

本初學記也聲誤爲它聲耳顯按詩陳風東門之池與麻歌爲韵小雅無羊阿池說韵大雅皇矣亦阿與沱韵此外見於楚辭子史者尙多顧氏唐韵正已詳引之沱之聲轉爲池亦猶皮離奇施等聲古音皆在歌部今轉入支部也段氏僅據初學記已自不確况所引者又本作它聲而改以就已說可乎鈕云漢碑池沼字从也乃隸變亦如訛作詭佗作他耳段又於濂下補或體濂篆已詳本字下

**穰**

**露濃兒从水襄聲**

汝羊切

鈕曰詩野有蔓艸零露漙漙傳云漙漙盛貌蓼蕭零露漙漙傳云漙漙露替貌據執競降福穰穰傳云穰穰眾也義與漙合疑古作穰○箋曰此字許偶遺之不得以穰爲正

**漙**

**露兒从水專聲**

度官切

鈕曰詩野有蔓艸零露漙漙兮釋文云漙本亦作團  
文選謝惠連詩團團滿葉露李注引毛詩零露團  
兮與釋文合顏氏匡謬正俗云零露漙兮古本有  
水旁作專字者亦有單作專字據此知古亦作專  
可補釋文之遺

泣淚皃从水丸聲

胡官切

鈕曰玉篇泣爲洎之重文

泚滅也从水民聲

武盡切

鈕曰釋詁泚盡也廣雅泚滅也玉篇泚彌忍彌寘  
二切滅也又泚泚亂也錢先生云漢書敘傳泚泚  
紛紛卽呂荆泚泚泚泚按漢碑有泚

澼沔沔澼氣也从水澼省聲

胡介切

鈕曰玉篇云沔澼氣也按史記索隱本司馬相如傳滂澼沔澼注澼亦作澼引司馬彪云沔澼徐流也據此知古通作澼王逸注楚辭遠游篇云沔澼者北方夜半氣也蓋本道家說未足據

澼水名从水盧聲

洛平切

鈕曰玉篇澼水名夏文壽云漢書地理志牂柯郡句町下云又有盧唯水其字本無水旁

澼水名从水蕭聲

相邀切

鈕曰水經注湘水下云神遊洞庭之淵出入瀟湘之浦瀟者水清澗也說文訓清澗清正與此合知

瀟卽瀟而非水名也

瀟水名从水巖聲

以成切

注曰史記孟荀列傳鄒衍云中國曰赤縣神州中國外如赤縣神州者九乃有大瀛海環其外天地之際也然則瀛者蓋取環繞之義高注淮南要略云巖繞而也疑古作巖○箋曰此後出之字不必求古書所有以實之也

滁水名从水除聲

直魚切

鈕曰玉篇滁水名集韻滁陳如切音除水名與滁同引晉書宣帝紀王淩詐言吳人塞涂水涂水卽滁水又王伯厚困學紀聞亦云滁州卽涂中

湍水名从水名聲

武并切

鈕曰玉篇湍水名在新陽隋書地理志武安郡湍水注云舊斥漳按湍水今未詳

湍水聲从水孱聲

昨閑切

湍湍水聲从水爰聲

王權切

鈕曰楚辭九歌橫流涕兮湍湍王注湍湍流貌也又招魂川谷徑復流湍湍些王注其流急疾又絜淨也疑湍古作孱爰者洄之別體漢碑有湍爰○箋曰此因水以製字古無湍爰之傳不必求其本作何字也

湍大波也从水壽聲

徒刀切



鈕曰高誘注淮南說林訓云波者涌起還者爲濤  
按文選七發將以八月之望觀濤乎廣陵之曲江  
則濤者實潮也說文淖从朝省疑濤爲淖之別體  
漢碑有濤

**澌水浦也**从水敘聲

徐呂切

鈕曰澌古通作敘元和郡縣志云敘浦縣本漢義  
甯縣引離騷云入敘浦而邈迴今九章作澌浦

**澌水派也**从水蒼聲

古項切

鈕曰水經注穀水下引晉惠帝造石梁文云改治  
石巷水門據此知古通作巷

**澌水所亭也**从水豬聲

陟魚切

鈕曰禹貢大野既豬釋文豬張魚反馬云水所停  
止淡者曰豬是古通作豬

**灇** 大水也从水灇聲 武移切

鈕曰玉篇廣韻竝無此字蓋卽灇之俗字說文灇  
訓滿五經文字云灇民爾反又甯爾反見詩風今  
詩新臺作河水灇灇亦後人改矣

**灇** 大水也从三水或作灇 亾沼切

鈕曰北齊臨淮王像碑云巨海入於毛穴無妨浩  
淼此淼之始見於石刻者徐云或作灇然說文無  
灇

**灇** 靜也从水灇聲 古屑切

鈕曰玉篇水部無潔人部有潔云俗絜字按隸釋  
載漢碑通作絜唯祝睦後碑躬潔冰雪作潔則漢  
時已有此字

澹洽也从水夾聲

子協切

鈕曰周禮太宰正月縣治象之澹于象魏挾日而  
斂之釋文云挾子協反字又作淡同又荀子禮論  
方皇周挾楊注挾讀爲淡而也據此知古通作挾  
漢碑已有淡

澹奄忽也从水盍聲

口荅切

鈕曰雜駮甯澹以流亾兮王注澹猶奄也按說  
文盍奄竝訓覆以澹訓奄疑古作盍○箋曰此疑



文二十三

新附

說文解字第十一上二